



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

U5/100

Trumpet - 8/2000

891.99

U-39



5950

ՄԱՐՏԻԱՆԱՆ ԱՅԷ

Ս Է Յ Լ Ա Ն

Շեյնա Նո Նոստրո-
օբստրուկտ

Հ Ա Յ Բ Ա

Յ Ի Բ Ա Տ

(Տասնեւութերորդ դարի սկիզբներից մի անցը)

Անդառաջիցս վշտի համար սղբալը,
նոր վիշտ առաջացնելու ամենաու-
ղիկ ճանապարհն է:

Զեհարկիր

БИБЛИОТЕКА
ИНСТИТУТА
ВОСТОЧЕВЕДЕНИЯ
Академии Наук
СССР

Թ Ի Յ Լ Ի Ս

Տպարան «ՀԵՐՄԷՍ» ԲԵԿ. 1904 Թ.
Մաղաքեան փողոց № 15

(60)

91.99
U-39

6 NOV 2011

Գրք

5950

891.99

4-39

Ս Է Յ Լ Ա Ն

Հ Ա Յ Թ Ա - Յ Ի Բ Ա Տ

(Տասնևութերորդ գրքի սկիզբներից մի անցը)

«Անյայտացած վշտի համար ողբալը,
նոր վիշտ առաջացնելու ամենաու-
ղիկ ճանապարհն է:

Ջեֆայեր

Արսասպուռած «Տարազից»

БИБЛИОТЕКА
ИНСТИТУТА
ВОСТОКОВЕДЕНИЯ
Академии Наук
СССР

ԹԻՖԼԻՍ 1904 թ.

Տպարան «ՀԵՐՐԵՍ» ԸՆԿ. Մաղաթեան փողոց № 15
(60)

ՀԱՅԹԱՓԻՐԱՏ

Տասնեութերորդ դարի սկիզբներից մի անց

Ա.

Հայրա-Ֆիրս փառա

— Սարսփ, դու ստիպուած ես ամենայե-
տին իսլամի մօտն անգամ ստել, մինչև շո-
ղոքորթութեան սահմանները մտնել, քանի որ՝
քրիստոնեայ ես, բարեկամ, — հեզնական
ժպիտով ասում էր Հայթա-Ֆիրասն՝ իր դէմ
ճնրագրած Յակոբ աղային, սևորակ բեխերն
ոլորելով, — ես ինձ մի ըսպէ երևակայում եմ
քո դիրքով, չեմ պահում, սարսափում եմ,
դու միշտ մահը ծոցդ առած՝ ինձ նման
բռնակալների դռներն ես շրջում, — սարսփ
Յակոբ, փո՛ղ, — ասում է բղբշխ Ձիան, — սա-
րսփ փող. գոռում է բարեկամս, ենիչերի
Ապտուլլան փաշան, — գեաւո՛ւր փո՛ղ, — սպառ-
նագին ձեռը սրի դաստապանին դրած՝ մռն-
չում է Դէլի Իբրահիմ փաշան. — դու ստիպ-
ուած ես, սարսփ, այդ բոլոր քաղցած շնե-

Дозволено цензурою, С. Петербургъ, 26 Апрѣля 1904 года.



59570-66

րին կերակրել, ապա՝ մինչև իսկ դատողութիւնդ դադելով, սեկն սպիտակ, սպիտակին սև ասել. եթէ չ'ասես, եթէ չըստես, եթէ չըզատես նրանց հայեցակէտով՝ մի ակնթարթում կըտարածուիս ոտներին տակ արիւնաքամ եղած, փոխանակ կարեկցութեան՝ միմիայն ծիծաղ շարժելով:

— Ձեմ ժխտում ձեր վսեմութեան ասածը, — պատասխանեց սարաֆն երկիւղած դէմքով, — սակայն՝ թնդ ձեր վսեմութիւնն բարեհաճի իր նւաստ ծառայի խոնարհագոյն կարծիքն առնել, կարգալ նրա, ձեր հայեացքին անարժան, սրտի խորերում դրոշմւած այն բարձր զգացումը, անկեղծ հաւատարմութիւնը, որ տարածւում է ն. ն. վսեմութիւն՝ Հայթա-Ֆիրաս — փաշայի դարշապարներին ներքոյ: Ձեր ծառան, էֆէնդիմ, անպայման հաւատարիմ է իր վսեմափայլ տիրոջ, իր մէջ չէ անուցանում սարսափախառն երկիւղը քաջարի պետին ներկայանալու ժամանակ:

— Սարաֆ, ժպտալով ընդհատեց Հայթա-Ֆիրաս, ձեռն ոսկեզօծ սրի պատեանից չըհեռացնելով, — թէ որչափ անկեղծ են քո զգացմունքներն ինձ նկատմամբ, — ապացուցւած են, — նոր փորձերի կարիք չեմ զգում... բայց՝

ես ուզում էի քեզ ծանօթացնել քո սրտի սարսափի հետ, որից դու խոյս կըտաս, ինչպէս խոյս կըտայ մահմեդական կիներ իր սիրած քաջի ուրուականից: Միթէ, Յակոբ, դու չես լսում քո ազգակիցներին հասած վնասները մանաւանդ նրանց եմ յիշում, որոնք միայն սուլթանին էին ծառայում կոյր հաւատարմութեամբ, միթէ մինչև այսօր չեն կոտորւում, կողոպտւում քեզ նման բարեմիտ մարդիկ մեզ պէս արիւնավառ փաշաների ձեռք, փաշաներ, որ սուլթաններն իրար ետեից կախելով ջէննէք են ուղարկում: Է՛հ, Յակոբ, իրաւ՝ ես մահմեդական եմ... մեծ վէղիր եմ, տէրութեան խոշոր յենակէտերից մինն եմ, սակայն՝ չըզիտեմ ծածկել իմ զայրոյթը մեր իսլամների մի շարք ժառանգական տգեղութիւնների դէմ. այս իսկ տեսակէտով վեր արտադրած իմ մէջ անհամար քստմնելի անցքեր՝ խօսում եմ... — Ի՞նչ ենք մենք, — հարց կըտամ ինքս ինձ, — Ի՞նչ է օսմանեան կայսրութիւնը. — ազգերի վիժուկներով առողացած, քաճքառնելի (բորենի) մի հզօր մարդախանձ վոհմակ, — լսում եմ սրտիս խորքերից... Սուլթանը պաշտօն է ծախում մեծ քաֆթառների, նրանք էլ առանց խղճահարութեան, յօշոտում են կեն-

դանի մարդկանց, կողոպտում, սպանում-
կլինն ու որդին խլում են անգորից՝ միայն
այն պատճառով, որ դայիր-միսլիւմ (ոչ մահ-
մեղական) են թշառականները... Չեն մտա-
ծում՝ թէ նրանք են մեզ կերակրում իրանց
վար ու ցանքով, նրանք են հազցնում մեզ
իրանց ընտիր գործւածքներով, անկւածնե-
րով, նրանք հայթայթում ամենակարեւորից
մինչև ամենաչնչին, մեզ անհրաժեշտ իրերը:
Գիտե՞ս, Յակոբ, ես կարգացած եմ մեր և
ձեր ազգերի պատմութիւնները, սկսած Մահ-
մէդի օրից մինչև ցայժմ՝ այսպէս է եղել
մահմեղականը ձեզ հետ և պիտի լինի:

— Այդ հանգամանքները քննել, վսեմա-
փայլ տէր, տրուած չէ հասարակ մահկա-
նացուների, եթէ իմ հօր տէրս շօշափում է
անլուծելի հարցեր, նորին վսեմութեան հար-
ցասիրութիւնը գտնում եմ կորովի, փափուկ,
զգայուն սրտի կարեկիր թռիչքների մէջ:

Հայթա— Փիրատ կարծես շիկնեցաւ այս
ուկեզօծ շողօրթութիւնից, ագնիւ մարդու
նման գովեստից խոյս տալ ուզելով՝ չիպուղը
դատարկեց, կլապիտոն անկւած ապայի (վե-
րարկու) քղանցները ժողովից ու շարունա-
կեց:

— Անցնենք միւս կէտերին, սարսֆ. մեր

կայսրութեան ապագան մուսլամաժ է, չեն
կարող մեր խալիֆներն ինքնակամ գործել,
ընթացաւորները դէպի չարն առաջնորդելով
փաստում են հասարակաց շահերին: Իսկ
մենք՝ Նսիչերի, Դէլի, Հայթա մեր ուզած
ձևի կաց ու նիստով, անկարգութիւններով,
եսերով փչացնում ենք ամեն տեսակ արգա-
սաւոր ձեռնարկութիւններ, խողի նման ոչ
միայն բերքն՝ այլև ծառի արմատներն ենք
խրամատում, օրէնք, մարդկային խիղճ՝ ոտ-
նատակ տւած, մեր բարձն ու անկողինն
արիւնով ողողում... Մենք ժանտախտն ենք
Ասիայի, եթէ մի հօր ձեռք չ'ուղղէ մեր
անել ուղին, մենք պիտի մեզ հետ ոչնչա-
ցնենք ենթակայ, ստորացած ազգերին...
Ոտից ց'զլուխ շաղախուած ենք աղմի մէջ,
ուրիշի արիւն-քրտինքը լափել ժառանգական
իրաւունք տրուած է մեզ. միկնոյն հին սո-
վորութիւններով էլ մեծացնում ենք մեր
որդիներին, երբէք բարեփոխութիւն, արդա-
րութիւն, անհատական իրաւունք մուտք
չըպիտի գործեն մեր ապերջանիկ երկրում,
ուր օրը նոր, չարիքը նոր է՝ բայց՝ ոչ նո-
րութիւն, ուր արշալուսից առաջ զարթնում
են բռնակալների կրքերը:

— Երևի մի բանի գաւաթ աւելի կըլա-

նել է մեր քաջ Հայթան, — մտածում էր սարաֆն՝ անթարթ փաշային նայելով, — այո, աչքերը, շարժումները, ձևերն յայտնում են այդ: Մաստիքան մարդասէր է շինել Ֆիրասին:

Հայթա փաշան տաքացած էր, մի քանի ժամ խօսելով նկարագրեց, պատկերացուց Տաճկաստանն իր կառավարութեամբ, կեղեքիչ զինւորականներով, մինչ դեռ սարաֆը մտածում էր նրա յայտնած մտքերի մասին, ինքն իրան հարց տալով, — կարո՞ղ է դուռանի որդին այսքան մաքուր տեսնել, — միթէ այս յանդուգն ախոյեանն, երկաթապատ սպարի տակ, մարդասէր սիրտ, ազնիւ զգացումներ ունի: Չըլինի՞ թէ սրա արեան մէջ խառն են քրիստոնէական արեան կաթիլներ, որ ազատ և անաչառ նշաւակում է բոլոր հակամարդկային անբարոյական գործերն ու կըքերը: Գուցէ այս վերջինը լինի... այո, նրա արտաքին երևոյթի վրայ անգամ կան հետքեր... Ի՞նչ փաշան միայն մի կին առնելով է բաւականանում, այն էլ մի այնպիսի կին՝ որ ամուլ է, որ եօթ տարւայ ընթացքում որդեճնութեան յոյս յայտնած չէ: Մեծագրաւական չէ՞ և նրա անժխտելի հայասիրութիւնը: Տասը տարին անցաւ, որ բնակւում է կարնոյ մէջ, մինչև այսօր ոչ ոքին

փասած, ոչ մի վայրագ եղեռի հեղինակ չէ եղած: Ահարկուն պատերազմի՝ հեզ գառն է մեզ համար, մեծ-վեզիր գոյով, սիրում է ինձ պէս, դեռ ևս ստոր աստիճան քրիստոնեան տեսնիլ իր մօտ նստած, խօսիլ միայն խղնի մասին:

— Ո՛չ, — շարունակում էր սարաֆը, — մի մեծ գաղտնիք է ծածկուած արտաքուստ վայրագ, ներքուստ բարեբարոյ՝ Հայթա — Ֆիրատի մէջ. այդ իր գեղեցիկ և մեղամաղձոտ դէմքն է հաստատում. մարդ առաջին անգամ տեսնելու ժամանակ, ուզում է նրա հետ հայերէն խօսել. սրանք ապացոյց չէ՞ն նրա ծագման, նրա ցեղական ժառանգականութեան մասին...

Երկու ծառաներ ներս բերին արծաթ մատուցարանով նախաճաշիկ, երկիւղած լուրթեամբ դրին նրբակերտ եռոտանու վրայ՝ բազմոցի առաջ և խորին ակնածութեամբ դուրս ելան. Հայթան ոտքի ելնելով մի վանակնեայ սրւակ բերեց ջինջ մասսիփայով (օղի) լի, մի բաժակ լեցուց, սարաֆին նայելով՝ մրմռաց:

— Յակոբ, իմ հէքիմն (բժիշկն) անցած օրն ասում էր, օղին զրգուում է ստամոքսի նեարդերը, փշաջնում մարսողական հիւթերը,

այդ ես հաւատացած եմ փորձով, բայց ա-
խորժում եմ ցաւալի խորհուրդներս սրա-
նով ողողել, լրջութիւնը վանել, մի շարք
բաների մասին չըմտածել, այսօր մոռանում
եմ արբեցութեամբ, սակայն զարթելու ժա-
մանակն աւելի ուժգին եմ յիշում... Էհ,
բարեկամ, այս ձևով հինգ վեց տարի է մա-
շում եմ կեանքիս օրերը: Արբեցութիւնն
անբախտութեան վիժուկն է, նա իր ենթա-
կային առաջնորդում է զէպի աղմալի վհեր:
Արբեցողը նայում է ցաւին հեզութեամբ,
վսեմ գաղափարին՝ ծիծաղով: Նրա կեանքը,
պատիւը խոյս կրտան անզգալի կերպով, բայց
ինքը կարծում է ապրել ալքօծօլի, ունայնու-
թեան, վաղանցուկ երազների մէջ: Ես այդ
բոլորը գիտեմ, գիտեմ և կըզործեմ...

Փիրատ փաշան խօսքն ընդհատելով՝ ի
մի ուժով խմեց և, — սարսփ, — շարունակեց
լուրջ կերպով. — չէ կարող լինել մի բանա-
գէտ մարդ, որ սրա հետևանքն ըմբռնելով
հանդերձ, գործածէ ընդ միշտ, եթէ տեա-
կան վշտերով, մեծամեծ հոգսերով պաշար-
ուած չէ նա:

— Ներեցէք համարձակութեանս, — միջա-
մտեց Յակոբ աղան. — գործածելն աւելի վնաս-
ասկար չէ, միթէ օղին կարող է վշտերը բուժել:

— Ո՛չ. նա վշտի դեղ չէ, այլ թմրե-
ցուցիչ է:

— Միթէ վսեմաշուք տէրս ունի խորին
վշտեր, թագուն անյայտ ցաւեր...

— Անվիշտ ո՛չ մի էակ չըկայ աշխարհում,
ոչխարն անգամ վշտեր ունի, թէև նա միայն
դարմանի պակասն ու գայլի երկիւղն է որո-
ճում, ո՛ւր է մնում բնական մարդը. այո՛,
Յակոբ, ես ունիմ շատ մեծամեծ վշտեր,
վիշտ, որ մտած է ոսկրներիս մէջ ու երբէք
յոյտնւելու չէ բարեկամների. նրանք կնքը-
ուած են մահւան, մոռացութեան կնիքնե-
րով. վիշտ, որ ծածկում է գոյութիւնս,
վիշտ՝ որով սքօղւած է ընտանեկան շրջա-
նակս: Ո՞ր մինը թւեմ, սիրելի, սո, այս
բաժակն էլ դուն առ, խմիր թշւառներին
երջանկութիւն մաղթելով: Մի գարմանար,
այո՛, փաշայական պերճ զգեստների տակ, գե-
ղեցկութեան մէջ, հրամայողի սրտի խորքում
ննջած են առիւծներ, թաղւած են արհաւ-
րալից սև ուրւականներ, որոնք նրա հան-
գիտան են խռովում: Ափսոս, երբ անվիշտ
մարդիկ խոյս կրտան լրջմտութեան շրջա-
նից, երբ կըկամենան զոռանցել էտէր գոր-
ծածող դէրկիշի նման, վատնել կեանք, փող
և ամեն ինչ:

— Չերդ վսեմութեան բախտաւորութեան, էֆէնդիմ, — բարեմաղթեց սարաֆ Յակոբ. պարպելով բաժակը՝ փաշայի մօտ նստեցաւ նախաձաշելու, որովհետեւ Ֆիրատ խընդրած էր ազատ լինել իր մօտ:

Ծառաներն արծաթէ կոնք ու սափորով ներս եկան. մինը՝ ջուր մատուցանելու, միւսն անձեռոցիկ, նախ՝ տանուտէրն ապա՝ հիւրը լւացւեցան, սկսեցին ուտել տապակած հաւից, թերահփ ֆէպլէպից կայն կերակուրներից:

Ֆիրատ-փաշան ուտում էր ախորժակով և խօսում մերթ այս, մերթ այն հարցի վրայ, մինչև նախաձաշի վերջանալը: Մարաֆ Յակոբը պատեհ ժամանակի էր սպասում իր մատանջութիւնը փարատելու, վասնորոյ՝ երկչոտ կերպով հարցրեց:

— Կարո՞ղ է ձեր ծառան այժմ լսել ձեր վսեմութեան հրամանը:

— Հա՛, լաւ յիշեցրիր. սարաֆ, ես քեզ կանչել էի...

— Այո՛, էֆէնդիմ, ՀԱՄԼԵ (տասնապետ) աղան եկաւ.

— Պիտի հարցնէի թէ ո՞րքան փող ունիմ այժմ քեզ մօտ...

— Չեր վսեմափայլութիւնն այժմ ինձ մօտ ունի 30,000 ոսկի:

— Այդ փողերը միշտ մօտդ ես պահում, եթէ ոչ՝ տոկոսի կրտաս:

— Մօտս չեմ պահում, տուած եմ հայ վաճառահաններին:

— Եթէ յանկարծ հարկաւորի՞...

— Իսկոյն կը վճարեմ:

— Ի՞նչպէս, քանի որ մօտդ չես պահում.

— Կէս ժամում կը ժողովեմ:

— Շատ լաւ, գիտեմ որ փողերս անկորուստ են քեզ մօտ, բայց՝ ուզեցի իմանալ՝ թէ ի՞նչ կ'անէիր՝ եթէ յանկարծ հարկաւորէր ինձ:

— Ո՛չ միայն ձեր վսեմութեան, այլև՝ քաղաքիս բոլոր փաշաների, պէյերի, աղաների փողերն ինձ մօտ են...

Այդ ես գիտեմ, սիրելի: Քեզ կանչել եմ նաև մի ուրիշ առթիւ:

Ֆիրատ փաշար խօսքն ընդհատեց, գլուխը ձեռների մէջ առնելով կարծես մըտածում էր, կամ կշռում իր ասելիք խօսքը:

— Քեզ կանչել եմ՝ Յակոբ, — մի անհանգիստ նայուածքով ասաց Հայթա — Ֆիրատ, — որ յայտնես ինձ՝ թէ ի՞նչ տեսակ պահասութիւններ, կարօտութիւն ունին քո ազգի աղքատները... քանի որ գիտես՝ փառք Աստուծուն, այս տարի սղոթիւն է:

—Փաշան ողջ մնայ. — պատասխանեց մտատանջութիւնից թեթեացած սարափը գոհ դէմքով,—ձեր վսեմութիւնն արդէն գիտէ, որ հացը խիստ սուղ է, ալիւրի լիտրը կէս ոսկի է, անշուշտ աղքատներն անօթի են նրնջում... բայց՝ ձեր վսեմութեան պէս բարերարներ եթէ լինին...

—Ինձ մի գովիր,— միջամտեց Հայթա— Փիրատ յօնքը պոստերով,— և մարդ չըպիտի իմանայ իմ և քո մէջ անցած— դարձածը... լսճւմ ես:

—Հնազանդ եմ էֆէնդիս...

—Ս.ս այժմ,— ասաց փաշան ձայնը ցածաղնելով, մի սև, մեծ քիսա սարափին յանձնելով,— ան այս, առանց իմ անունը տալու, ներկայացիր ձեր առաջնորդին, նրա խորհուրդով բաժանեցէք չքաւորներին: Այդ գումարն ինձ համար մի փարա չ'արժէ, հարամ փող է, Յակոբ. երէկ Զիա փաշայի տանը գումար (խումար) էին խաղում, ինձ շատ ստիպեցին, մի քանի անգամ վէզ գլորելով՝ բոլորը՝ շահեցայ. սակայն՝ ողջ գիշերը չըկարողացայ հանգստանալ, վճռեցի քո խելացի կարգադրութեամբ, ցրել քո ազգի տնանկներին, որք՝ իբրև նեղած ազգ, աւելի կարօտ են... վճռեցի և՛ յաւէտ չըխաղալ վէզը:

Սարափը զարմանքով ունկնդրեց, նա լսածին չէր հաւատում, մարդիկ կողոպտող, անխնայ սպանող ենիչերու մէջ մարդասիրութիւն... Հայթա— Փիրատ մարդասէր, հայասէր...: Այլայլած կերպով,— բարի,— շնջաց քիին տակ՝ քսակը ծոցին մէջ տեղաւորելով, — ձեր վսեմութեան Աստուածահաճոյ հրամանը կըկատարւի ճշտիւ:

—Բայց մարդ պիտի չիմանայ, լսճւմ ես, Յակոբ, իմ անունը չըտանս:

Բ.

Հայրա—Ֆիրաւի սուրբ

Էրզրում, որ աղաւաղութիւնն է Արծն-ըում, յոյների—Արծն,— որովհետև դժւար էր իր բուն անունով արտասանել և դեռ աւերուած չէր կարնոյ Արծն քաղաքը, նրա շինութիւնից շատ ժամանակ յետոյ,— կարնոյ բարեբեր դաշտի, հարաւ-արևելեան անկիւնում, Փալաքոֆան լեռանց ստորոտը շինուած էր յանուն Թէոդոս կայսեր Բիւզանդիոյ: Մեր պատմած ժամանակ, 1733 թ. դեռևս չըկային նրա մի քանի արւարձանները, որպիսիք են Նազիկ Չարսը, Գէօլպաւը, Գէմիր-Այագ, Մահալա-Պաւի և այլն, այլ՝ բոլոր քաղաքը խիտ ազգաբնակչութեամբ

սեղմուած էր հնոյն Թէոդուպօլսոյ սոււար պարիսպներին մէջ: Եթէ արտաքոյ բերդին կային մի քանի փողոցներ, օրինակ՝ Կանա-նամփայ, Տանարի-քաղ, Մոմնու-մանիայ. դրանք քրիստոնէից էին պատկանում: Դեռ ևս բերդում գտնուած ս. Ստեփանոսի մեծանիստ, կոփածոյ քարերով շինուած վանքն, ապա մայր եկեղեցին հայոց՝ Ուլի-նամի, ս. Յովսէփ, ս. Սարգիս փոքր մենաստանները մետրէսներ եղած չէին. թէև հայոց առաջնորդը նստում էր արտաքոյ քաղաքին՝ ըստ աւանդութեան, Սահակ Պարթևի կառուցած, օծած տաճարի մօտ, ուր ժողով կազմեց Հերակլ, ուր և հրաւիրւեցաւ Փառածնակերտեցի Եզրը....:

Կարին, արևելքի լեցուն շտեմարանը, Մնատօլի մայրաքաղաքը, օսմանեան անսանձ, քմահաճ, անվեհեր իշխանութեան խորխտ ու ու վայրագ փաշաների որրանը, հսկայի նման կծկուած էր էյէրլի-տաղի, Փալաթոքանի վերին խոռոչում: Նրա նեղ, ծուռ ու մուռ, բառին ընդարձակ նշանակութեամբ՝ կեղտոտ փողոցների մակերևոյթը ծածկուած էր բորոտ, զգւելի շների փոմակներով, որ ծուրօրէն ցուկներն ազինների տակ դրած, կիսախուփ աչքերի ծայրերով, անցորդները դի-

БИБЛИОТЕКА
ИНСТИТУТА
ВОСТОЧНОЕДВЕН
Академии Наук
СССР

99-07565

տելով, կարծես մրափում էին՝ չոր կլիմայի տապից ու խորշակից թուլացած կամ՝ մի քանին նրանցից, որպէս երևում էր, քաղցած, պաշարելով սպանդարանի, փոների դռները, կեղծ կռիւով իրանց վրայ էին հրաւիրում բարեպաշտ իսլամի բոլոր զթափրութիւնը, իսկ աւելի ուշիմ, ճարպիկ մինը, որի տիպերից կան տակաւին Կարինում և Կ. Պօլսում, - ծիծաղի և կարեկցութեան առարկայ էր դառած իր մուրացիկ անունով: Ոտից ցլլուխ կանաչ, կամ սպիտակ հագնւած իմամին, վերարկու կրողներին դիմաւորելով, առաջին թաթերը նրա կրծքին դնելով, ողբազին կաղկանձիւնով, ողորմութիւն էր խնդրում: Դուռանի ֆանատիկոս աշակերտը, ժպիտն իր մօրուաց սահմանները հալածելով՝

— Ի՞նչ կայ, հարցնում էր — էլի քաղցած ես:

Շունը մտերմաբար պոչը շարժելով, խօսողի ձեռները լիզելով, աչքերը պաշտպանին սևեռած՝ շարունակում էր նոյն ձայնով աղերսել:

— Մահմատ աղան. — հրամայում էր բարեպաշտը, — հինգ օխտ հաց տուր այս անասունի ձագերին. — այս ստելով արծաթ դրամը

МЭС ЧЛБ ГР. ГИРДН
ГСС Библиотека
ЗУОН-Арм. ССР
И. М. А. МЯСНИКОВА
У. У. У. У.

գնում էր շան բերանը, ուշիմ կենդանին իսկոյն թռչում էր հացերին մօտ, փողը գլորում Մահմատ աղայի ձեռին տակ, մեղմ ոռնալով, տուտը շարժելով պահանջում էր գոհացում առանց աչքը նրա շարժումներից հեռացնելու. սպասում է այժմ՝ ոչ առաջին երկչոտութեամբ: Յանկարծ զարթնում են կարծես փողոցում տարածւած նրա հարագասները, անաղմուկ ժողովում կրպակի առաջ, անկուիւ ճաշում: Այսպէս շարունակում էր մուրացիկ շունը՝ մինչև որ կշտանային իր լակոսներն ու ինքը, ապա իր ընտանիքի անդամներին նման միւնոյն անփութութեամբ տարածւում են ջելու: Երբեմն էլ, եթէ ողջ օրը սոված մնալ պատահէր, մուրացիկ մայրն սկսում էր խիստ ճարպիկ գողութիւններ: Ահա այսպէս են ապրում շնասէր թիւրքիոյ անհամար շները նաև այսօր:

Արևը փուլած էր երկնից գագաթակէտին վրայ. խիստ չոր ջերմութիւնն այրում էր ամեն ինչ, չէին երևում բարեկեցիկ ժարդիկ. միայն արհեստաւոր, բանւոր, մշակ շտապում էին դէս ու դէն անձնական գործերը կատարելու: Այդ ջերմութեան, այդ փոշուն, այդ փողոցներից, հրապարակներից արտաբուրդ գարշահոտութեան խառնուելով

և՛ խորովածի և՛ անուշահամ կերակուրների բոլբերը՝ յօրանջել կտային քաղցածներին, որոնց մեծամասնութիւնը փայտ բերող բաբերդցի, թորթումցի թուրք այգեպաններ էին: Հրապարակներում կանգնելու տեղ չըկար, լի էին անհամար բարձւած ու գատարկ սայլերով:

Մանաւների (մրգավաճառ) կրպակները գեղեցկացել, հարստացել էին գեղատեսիլ, համեղաճաշակ մրգերով: Վաճառանոցներն աչք էին խողում: Այդ օրը կարինը տեսնողը պիտի լիշէր թիֆլիսը նոյնպիսի հարուստ շուկաներով, երկուսն էլ խիտ, բազմամարդ, հարուստ, կենդանի քաղաքներ, միայն շինութիւնների, քաղաքի, տարագների տարբերութեամբ: Կարծես մի մեծ մրջնոց լինէր, անդադար շարժում և գործ էր տիրում:

Մեր պատմած ժամանակ՝ երկու երիտասարդ թուրք ծառաներ, թևերը մինչև արմունկները վերսոթտած, մի մի սինի գաթա, բէօրէկ (կարկանդակ) գլխներին, զբաղւած, երևի, իրանց շատ հետաքրքիր խօսակցութեամբ, գնում էին դէպի Գիւլուճիգուլ: Նրանց ճանապարհին էր մեր վերև նկարագրած փորձւած մուրացիկ շան ընտանիքը, Մահմատ աղայի փոխն մօտ:

Ուշիւ շունը կարծես նշան տւեց իր գերդաստանի անդամներին, իսկոյն նրանք այս ու այն կողմից խոնւեցան, ծառաներին շրջապատելով մի անսպասելի կռիւ բարձրացրին, խմբովին հրմշտեցին անփոյթ երկտասարդներին: Նրանք գայթեցան, սինիններն ընկան, շները մի մի բան խլելով լուռ ու մունջ խուսափեցան:

Վայ, անտէրներ,—միասին աղաղակեցին ծառաները կարծես զարթնելով խոր քնից, երբ տեսան որ ամեն շուն իր բաժինն առած հեռանում էր.—ճշտ, ճշտ... վայ անտէրներ, շան լակոտներ...—սրա նրա ետևից վազելով:

Բազմութիւնը կանգնած ծիծաղում էր:

—Ծօ, Ահմատ, ծօ, փոին տակ մտան...

—Միայն երկու գաթայ ազատեցի... տարածները կերան...

—Ահա ես էլ մի բտօրէկ... թիւու, թիւու...:

—Եղածն եղաւ...

Խեղճ ծառաներն այս ու այն կողմն ընկնելով մեծ ու փոքր շներն հալածելով հազիւ կարողացան մի քանի կտոր բան խլել, այն էլ կոտորած, կեղտոտած. նրանք իրար երես էին նայում մի տեսակ երկիւղալի ապշութեամբ:

—Ի՛նչ պատասխանեմ,— մրմուռաց Ահմատ, խեղճ կերպով, յօնքերը կիտած,—Ի՛նչ ասեմ Հայթա—Փիրատ փաշային... կաշիս կըքերթէ, արիւնս կըթափէ... սվ Ալլահ...

—Հապա ես՝ ի՛նչ պատասխանեմ Ապտուլլահ փաշային, այս երեկոյ մեզ մօտ են հրաւիրւած քո տէրդ, Տամատ-Մուստաֆա, Պօշնաք-Ֆիտան փաշաները, Դէլի-Փոլատ և բոլոր ենիչերի պէյերն ու ազաները...

Ամբօխն սկսեց ծաղրը թողնել և կարեկցել նրանց. ծառաներն յուսահատ, դանդաղաքայլ հեռացան, իսկ աւաղակ շներից ոչ մի հատ չէր երևում, պահուած էին անկիւններում, ոմանք էլ անփոյթ ննջում էին, քաջ գիտենալով, որ հարստահարւած ծառայք չէին կարող վրէժխնդիր լինել, օրէնքըն ու կառավարութիւնն իրանց պաշտպան էին:

Մենք պիտի հետևինք Ֆիրատի ծառայ Ահմատին:

Տասնութերորդ դարում, կարինը ներկայացնում էր ասիական մայրաքաղաքի մի բնորոշ ախպը: Նրա անմաքուր փողոցների շուրջը, մի տեսակ ոճով կառուցուած՝ մեծ ու փոքր շէնքեր էին բռնում: Արտաքին բարձր պարսպից ներս շինուած էին աները,

որոց առաջ անկարգ և անձաշակ կերպով անկուած էին մի քանի տասնեակ անբերու-
ռիներ:

Հայթա-Ֆիրատի ընդարձակ պարտիզի
խորքում, աչքի էր ընկնում զուտ մարմարի-
օն ջրմուղը, որի մէջ նստած էր նոյն քա-
րից հզօր առիւծի արձանը, որի ռնգերից, ա-
կանջներից, աչքերից վիժում էին սառն ու
վճիտ ջրեղէն թելեր, անհաւասար բարձրու-
թեամբ իրար ընդհարում, խորտակում,
գեղարւեստական ցայտումներով բեկբեկում,
իբրև գանազան մեծութեան գոհարներ.—
շամանթաղներ թողնելով օդի մէջ, — ուժա-
սպառ թափւում արձանի վրայ, ծորում լայ-
նարձակ աւազանն՝ ուր, հանդարտիկ հրրճ-
ուանքով, խաղում էին մի շարք կարմրախայտ
ձկներ: Երևի նա սիրուն, երազային թռիչք-
ներով, իր շուրջ հուրիների խորհուրդներին
հետ էր խաղում, շողուն անգամանտների
նման ցոյցուում օդի մէջ, գլորում մոռա-
ցութեան աւազան...

Նրա շուրջը շինւած էին քանդակագործ
քարեղէն տախտեր, ապակեայ վանդակա-
պատերով, որոց վրայ տարածւում էին՝ թէև
անպտուղ, տերևաշատ բարունակներ: Նրա
աջ կողմումն էր մեծ վեցիբի հոյակապ բա-

ղանիքը, իսկ ձախում սէրայը, որ երկյար-
կանի լինելով միայն վերին մասն էր երևում
զբսից:

Արտաքուստ գեղեցիկ չէր Հայթայի պա-
լատը, մեծութեամբ միայն զանազանւում էր
միևս շէնքերից, միևնոյն մանրիկ քարերով
պատերը կրով ու աւազով զանգւած, մի-
ևնոյն հողէ ծածկը հորիզոնական ձևով ու-
նէր նա: Ուստի ներս ենք մտնում Ահմատի
հետ, որ խորին տրտմութեամբ, մահապարտի
գանդաղ քայլերով, ակամայ, գլուխը կախած
գնում է:

Արտաքին սրահից յետոյ՝ գնում ենք
բակը. երեք կողմերում երևում են տասնեակ
սենեակների մուտքեր: Հէնց բակից սկսւած
արևելեան շուայ, քմահաճ ճոխութիւն ենք
տեսնում. նրա յատակն յօրինւած է երկնա-
գոյն մարմար և պօրֆիր մուգաչքով: Ընդու-
նարանի դրան աջ ու ձախ կողմերում վա-
զրի և առիւծի արձանների մօտ, զբւած են՝
կապոյտ մահուգով սքողւած, պահապանների,
թիկնապահների տախտերն՝ ուր տարածւած
են տասնեակ ենիչերիներ լուռ ու մունջ: Բո-
լոր դռներն սքողւած են ոսկեթել եղբրքով
կարսիբ թաւիչ վարագուրներով, որոնց ֆօ-
ների մէջ փայլում է ոսկեղօծ մահիկն Եւրո-

պիոյ՝ Հնդկաստանի աստղին տակ: Ընդունարանի դռնից մինչև դիմացի գահլիճը փրու-
 ւած է Սորասանի մի ընտիր, նրբաճաշակ
 գորգ, որ իր ծաղիկներով մրցում է առաս-
 տազի նկարներին հետ: Ընդունարանի չորս
 կողմերում դրւած են բազմոցներ՝ մին միւ-
 սից գեղեցիկ գորգերով փուլած, իսկ մէջ
 տեղը՝ միակտուր ընտիր կապերտով ծածկ-
 ւած: Նրան կից, փոքրիկ օթեակի մէջ, վառ-
 ւում էր պատից հանւած գեղաքանդակ օճա-
 դը. նրա երկու կողմում շարւած էին հարիւ-
 րաւոր չիպուղներ, դալիճներ. իսկ կաղնէ
 սեղանի վրայ մի քանի տիւթին Քիւննան
 (սուրճի գաւաթ), ոսկեղէն գառձեւ (ֆին-
 ճանի տակն են գնում, շինւած է սկիհաձև)
 ոսկեգօծ մատուցարանով: Օճազի մօտ ան-
 դադար երթևեկելով դանվէնի (սուրճ եփող)
 Սէման աղան, թևերը վեր սոթտած մինչև
 արմունկները, հիւր գալու ժամանակ դրան
 արանքից, ակնապիշ սպասում էր իր տիրոջ
 հրամանին:

Թէև ընդունարան (միւսաֆիւրխանէ)
 կոչւած սենեակը բաւական ընդարձակ, խո-
 շոր լուսամտներով լուսաւորւած, պատերը
 մարգարտափայլ գածով կոկւած, քմահաճ
 նկարներով զարդարւած էր, սակայն նսեմա-

նում էր կարծես հարուստ կարասիներով,
 բեհէզ ծիրանի վարագուրների ալիքներով,
 որք կոհակ կոհակ իջած էին մինչև լուսա-
 մուտաների կէսերը, որոց բաց մասերն էլ
 բռնած էին արծաթեղէն կոնքն ու սափորը,
 մեծազին պնակները, ոսկեկուռ բուրանոց-
 ները, օշարակների թասերն ու ծաղկաման-
 ները: Նրանցից շատերը շինւած էին Թէհ-
 րանի արևատագէտների ձեռօք՝ պարսիկ
 խաների համար՝ հիւրերին վարդի ջուր սըլս-
 կելու, օշարակ և այլն մատուցանելու և ա-
 ւար առնւած էին Հայթա—Ֆիրատ ախո-
 յեանի ձեռօք 1719 թ. Երևանի-Նղեարզի
 կուլին, որ 300 դէլի, հայթա, ենիչերիներից
 բաղկացած մեկնազէն խմբով կոտորած էր
 12,000 պարսիկներ, տիրած Արարատին,
 մինչև որ Նատիր—Շահ 1734 թ. արշաւե-
 րով նոյն գունակ ջարդով վեր ստացաւ Երե-
 ւանն իր սահմաններով: Ընդունարանի մէջ
 տեղում դրւած էր մի մեծ բիւզանդական,
 քանդակագործ, նկարւած պղնձէ բրգաձև կրա-
 կան՝ վեց առիւծի արձանների վրայ յենւած,
 նրա մօտ մի մարգաշափ ոսկեգօծ աշտանակ՝
 խոշոր ճարպէ կերոնով, կարծես իբրև մի-
 նարէ ցցւած լինէր Սյա-Սօֆիայի մզկիթը
 զարդարելու, որին նման իսկ էր շինւած:

Այցելուի աչքն զբռնում էր, ուստոստում էր մի գեղեցիկ առարկայից դէպի միւսը, կանգ առնում՝ ոսկեվառ սասղերով զարդարուն՝ երկնագոյն առաստաղի վրայ, բայց՝ երբ դէմը նայէր, տեսնէր անաւոր զարդը, Հայթա—Ֆիրատ, որ բազմած էր թաւամագ առիւծենու վրայ՝ վստահ և համարձակ՝ ոտն երկարած, ի նկատի առնելով այդ արիւնահոս գարի արիւնոտ բռնակալներին վայրագ, անագորոյն արարքը, մարդ սարսուռն էր բոլոր մարմնով: Ֆիրատ— փաշան միջակ անձն էր և լեցուն, չէր կարելի նրա արևառ դէմքին առանց համակրութեան նայել: Սև ալեխառն յօնքը՝ ծիծառի թևերի պէս, միանում էին թաւ արտևանունքին, որոց մէջ նշուլում էին սև սաթի պէս խոշոր, երևի արբեցութիւնից, ոչ այնքան մաքուր սպիտակուցով, կենդանի հայեացքով մի տեսակ մելամաղձոտ հրով՝ խորաթափանց աչքեր, հայկական՝ մի քիչ հակւած քիթը, ոլորւած բեխերը, որ ծածկում էին նրա շրթների լուրջ ժպիտը, ածիւած այտերը, առիւծի բաշի պէս բոլորած մօրուքը թրքական ոճով կտրւած, կայտառ, կարմրախառն թշերի հետ կազմում էին նրա դէմքի գեղեցկութիւնը: Ճակատն արդէն կորած էր ղալ-

փախի ոսկեթել անկւած շրթունքերի, սպիտակ Սուլէյմանի քէֆլիէի (սպարօշ) ներքոյ: Կարմիր ղալփախի մի քառորդ արշին դուրս մնացած մասն՝ իր գոհարազարդ փիւսկիւլով՝ իջել էր նրա թիկունքն ի վար: Վրան առած փաշայական խալաքի բացւածքից երևում էր նրա կանաչ բեհէզ պարեգօսը, մոխրագոյն թարապուլուղ գօտով սեղմւած, որի մէջ խրւած էին քաջին ոսկեկուռ դաշնակն ու ատրաճանակները: Դեղին կօշիկներ, որոց ծայրերը դարձած էին ոտների երեսով, ձեռին բռնած երկար կեռասենի չիպուղ, որի օղակներն ու շրթների տեղերն ոսկով ու ակներով էին ընդելուզւած, միւս թևը բարձին դրած ու թիկն տւած միշտ տեսնուում էր խրոխտապանձ Հայթա—փաշան:

Ֆիրատ փաշայն ճանաչւած էր սուլթանից և վեզիրներից իբրև առիւծատիպ ախոյեան, չարքաշ, սակաւապէտ, հաւատարիմ զինուորական: Որովհետև նա բարկանալու ժամանակ սրնթաց էր խօսքից դէպի գործ՝ ինչպէս վարար Յփրատ գետը, նրա ծառայակիցներն՝ իրանից լսելով, մկրտել էին Ռիւս (Յփրատ) անունով, իսկ Հայրախմբին մէջ լինելուն համար մինչև վերջը կոչւեցաւ նա Հայրա—Ռիւս: Ուստի նրա

բուն անունը մնացած էր մոռացութեան մէջ՝
 և ոչ ոքի էլ հետաքրքիր չէր լսելու:—Տերեն
 սուեր ունի,—ասում են թուրք իմաստա-
 սէրները,—մարդն էլ թշնամի, անսուեր ա-
 պակին՝ անմտին, աննամուսին, անզգա-
 մին կեանքին է նմանում: Եթէ կէս օրին
 մեծ է սուերն՝ զգոյշ, առարկան մեծագոյն
 է: Հայթա—Ֆիրատ իր հպարտ սուերով
 ծածկում էր օսմանեան ռազմական բանակը՝
 սկսած Եղևարդի անօրինակ յաղթութիւնից՝
 ուր և ստացած էր փաշայական քուղ (աս-
 տիճան) և տիտղոսներ, մեծացած անուրա-
 նալի գործերով: Նրա թշնամիներն էին ըսկա-
 ւած Զիա բզեշխից մինչև մի թուղով փա-
 շաների սուար շարքեր, որոց մեծ մասն
 Անատուլումն էր ապրում, բայց՝ երկնչում
 էին հերսին թշնամութեան նշան անգամ ցոյց
 տալուց: Իսկ ենիչերին, գէլին, Հայթան,
 ընդ որս շատ բարձրաստիճան փաշաներ՝
 պաշտում էին նրան: Ֆիրատ արդար դատա-
 ւոր էր, զրկածներին (անշուշտ իրանց հա-
 յեցակէտով) պաշտպան էր, նա ստացած
 աւարն հաւասարապէս բաժանում էր բոլո-
 րին, նա խիստ էր չար պաշտօնեաների հետ,
 նա յարգում էր իր խօսքը:

Եթէ հնար լինէր վէս Հայթայի սրտի

խորքը բանալ, պիտի գտնէինք սակայն ազ-
 նիւ զգացումների բոյրերով ողողուն մաքուր
 և լուսաւոր: Նուրբ, թափանցիկ իմացակա-
 նութիւն, աւելի խղճին անսացող, բայց՝ ոչ
 ամուր, անդեղե, անըկճելի կամք ունէր նա:
 Իբրև բնութեան զաւակ անկիրթ չէին նրա
 զգացումները, թէև չունէր մեծագոյն իղէալ-
 ներ. նրա սկզբունքները պարզ էին և ժո-
 դովրդական իր դարին յատուկ. բայց և
 այնպէս աշխատում էր հաստատ պահել, գի-
 տէր նանաչել իրան, սիրում էր լսել իր
 ականջից խօսող մեղայէփի (հրեշտակ) ձայնը:
 Նրա շարժումների, խօսքի մէջ պարզ երևում
 էր կրթութեան հետքը, նրա դատողութիւն-
 ները միշտ յաղթանակած էին ընկերական և
 ռազմական շրջաններում: Սակայն՝ թէ ինչից
 էր առաջ եկած նրա տխրութիւնը, ինչ էին
 նրա ցաւերն՝ անշուշտ իրանից պիտի լսենք...
 Ինքը պիտի յայտնէ մեզ իր գաղանիքները...

Ոչ ոք չըզիտէր նրա ծագման մասին,
 նրա ծնողների, ծննդավայրի մասին. դա
 հանելուկ էր. միայն Հայթայի մտերիմ Քէօ-
 փրիւշու օղլու Ապտուլլահ փաշայի բերանից
 փախած մի խօսքը Իէլի—Փոլատի բերնին մէջ
 ստացաւ այլ ծաւալ. նա ասում էր մտերիմների
 շրջանում,—Ֆիրատը գեաւուրի որդի է:

Միևնոյն կասկածն ստացաւ նաև բարեմիտ սարաֆ Յակոբ աղան, երբ Ֆիրատից ստացաւ քսակով ոսկին՝ հայոց առաջնորդի միջոցաւ հայ աղքատներին բաժանելու:— Իւրաքանչիւր անհատի սրտին մօտ է իր ազգը,— մտածում էր նա,— Հայթա—Ֆիրատ ուրիշներին թողած մեզ է օգնում, ուրեմըն՝ մեզանից է նա: Լայն մարդասիրութիւնն անկեղծ ազգասիրութեան ոգին է, ոչ մի մարդասէր գերծ չէ ազգը սիրելուց: Միթէ մարդասիրութիւնից դրդեցաւ Ֆիրատ, ոչ ապաքէն շատ թուրքեր քաղցած են և նախանձում են շների բախտին: Այս... բնական եղբայրասիրութեան ուրականն է այս առատաձեռնութեան շարժառիթը: Նա հայկական ծագումն ունի: Այս... ենիչէրին երբ է խորշում արիւն թափելուց, կողոպտելուց, ոչ ապաքէն զւարճութեան կարգիցն է և մի հարւածով հայի անմեղ գլուխը դէն շպրտել, թէ՛ որպէս թրպրտալով գլորւում, շրջում է դէս ու դէն, մարմինը մի վայրկեան կանգնած սասանում, ապա մորթուած հաւի նման ընկնում, ձեռները շարժում, թափիթափ տալով գետնին խփում, վերստին կանգնել փորձում, հակառակ կողմն շուռ գալով՝ շարունակում իր օրհասական, ողբայի պարը

վզից ու խոչափողից արեան առւակներ հոսեցնելով, նրանց հոսանքի մէջ խոխոում, հայհոյանքի, աղերսանքի ձևերի ելևէջերով հոնչում... Անցնում է մի բոպէ, կտրւած գլուխն էլ դադարում է անիւի պէս ճախր անելուց, գլորուելուց, անիմաստ աչերը սևեռած իմ առարկայի, ստէպ գազանս պանչին, հրաժարւում է կեանքից վերջին դառն պատրանքով... մարմինն էլ կծկւում, վերջին ուժով զարնում ձեռ և ոտ գետնին, մի հառաչի մէջ դադարում յաւէտ: Հայն իր այս օրինակ մահով զւարճացնում է ենիչէրուն: Բայց՝ Ֆիրատ տասնեակ տարիներ ապրած է մեզ հետ, մենք չենք տեսած նրան այդպիսի դիւային զւարճութիւնների մասնակից: Նա ոչ միայն հայ արիւն չէ թափում, այլև արգելք է լինում... Ուրեմն ստոյգ է 'Իէլիֆոլատի ասածը՝ գեաւուրսէն ւագւա (քրիստոնէից սերւած):

Ահա այսպիսի կարծիքներ սնուցանում էին մի շարք մարդիկ Հայթային նկատմամբ՝ առանց յայտնել համարձակելու:

Անմատ, որին կողոպտեցին փողոցական շները զաթաները թափելով, դողահար ներս մտաւ խոհարարի մօտ:

— Հն, գաթաներն ուր են, անասուն:

— Զաման աղան, մի հարցնիր...

— Ի՞նչ պատահեցաւ, անառակ շուն...

— Ապտուլլահ փաշայի ծառային հետ կրգայինք, նա էլ մի սինի բէօրակ էր բերում, Մահմատ աղի փոխն մուրացիկ շան գերդաստունը խոնկեցաւ յանկարծ, կռիւ հանեցին, մեզ գլորեցին, ամեն մինը մի բան խլելով փախան...

— Հայ քոռանաս դո՛ւ,— գլխին զարնելով չգիտէր բարկանար, եթէ ոչ ծիծաղէր.

— դառուն (զրոդ) տանի քեզ էլ, քո ընկերին էլ, հիմա ի՞նչ պատասխանեմ փաշային:

Ահմատ՝ գող կատուի պէս, անխօս կծկրեցաւ մի անկիւն, խոհարարը կատաղութեամբ մի քանի ապտակ նետեց յանցաւորին և պատրաստեցաւ Հայթային իմաց տալու, երբ դուռը բացեցաւ և էնիֆէ սպասուհին՝ երեսը քօղարկած ներս մտաւ:

— Ի՞նչ կայ, Զաման, ինչո՞ւ ես թաղում Ահմատին:

— Ի՞նչ պիտի լինի, այս անառակը սինով գաթան շներին է կերցրել, հիմա էլ անմեղ մարդու նման եկել է ներս:

Ահմատը եղելութիւնը պատմեց, էնիֆէ ձեռքը ձեռին խփելով կուշտ ծիծաղեցաւ:

— Լա՛ւ,— ասաց նա ի վերջոյ,— դուք

հանդարտ կացէք, ես ինքս լուր կըտամ, գուցէ էլ ծեծ չուտէ այս անշնորհ Ահմատը:

Գ.

Էլիժ — Հանրմ

Մինչդեռ ծառաների մէջ անցնում էին ծեծի, ծիծաղի, հայհոյանքի անցքերը, Ֆիրատ փաշան զւարճանում էր հարէմում:

Հարէմն աւելի ճոխ էր և զարդարուն. այնտեղ թագաւորում էր անգորր երջանկութեան հետ վերին աստիճանի ժաքութիւն, անարար տան տիկնոջ ժառանգի հետք:

Ֆիրատի հարէմն ուրիշ շւայտակեաց փաշաների հարէմների հակապատկերն էր ներկայացնում: Այնտեղ չըկային քոսակ, շրթունքները կախ, թարշածած, զառածած դէմքերով լպիրշ արաբացի ներքինիներ, չըկային աղախիները խմբեր, չըկային մի շարք աիկիներ. այդ ոսկեձեղուն պալատի մի քանի սենեակների զարդն էր մի տիկին: Նրանց մէջ անցուդարձ էր անում և մի աղախին՝ էնիֆէն՝ էլիֆ-հանրմին ծառայելու: Կանանոցում չէր լսւում կաժաք ու կռիւ տիկիները մէջ, տիրոջն ուր գիշերելու մասին: Տիկին էլիֆ՝ միշտ ժպիտան երեսին, սպասում էր իր սիրական ամուսնի գալստեան,

բնաւ կասկած չունենալով նրա ջերմ, յարասն, քաղցր սիրոյ մասին:

Հայթա — Ֆիրատ փաշայ, ցերեկներն անգամ երբ գործ չէր ունենում, մտնում էր էլիֆի մօտ, սիրահար տատրակի պէս սիրաբանում, մին միւսով զբաղում, մին միւսի գեղեցկութեամբ հիանում էին: Որչնփ քաղցըր էր Հայթայի համար՝ երբ ամեն առաւօտ էլիֆն իր ձեռք լացակալու ջուր, օճառ բերում, անձամբ ջուրն ածում, ապա կանացի հոգածութեամբ շորերը հագցնում էր:

Էլիֆ հանրմ բարձրահասակ, հրապուրելի մի կին էր: Նա հագնում էր երկնագոյն թաւշեայ բօպայի ձևով էնթերի, առաջին կապում կարմիր մախմուր գոգնոց՝ եզերքն ոսկեթել անկած, գլխին պատատած մի քանի մետաքսեայ թաշկինակներ, որոց ներքին շրթներից, մարգարտափայլ ճակատի հրապարակի ծայրը փայլում էին երկու կարգ ոսկէ դրամներ՝ խոն խոշոր մարգարիաներով: Վիզը զարդարած էր ականակուռ կամրձակներով՝ ծրարած մի խուրձ մարգարտով և մի մեծ ալմազով. ո՛չ մի մասն ազատ չէր մեծազին մատանիներից, դաստակները լայն, ոսկեկուռ գոհարազարդ ապարանջաններից: Նուրբ, թափանցիկ, ծաղկենկար վարդագեղ

քօղը գլխից մինչև ոտներն էր իջնում, որի տակից երևում էին գլուխն ակներով ընդելուզած, մետաքսաթել, երեք քառորդ արջին երկարութեամբ փիւսկիւլը խոնուած տասնեակ գալարուն հարուստ թխաթոյր ծամերին, տարածւում մինչև տուտը:

Չուածկին մօտ՝ բոլորակ դէմքին վրայ հիանալի էին նրա խոշոր հրապոյրով լի աչքերը, փայլուն յօնքն ու բարակ վարդագեղ շրթունքն՝ ուր թագաւորում էր ընդ միշտ մի սիրատարփիկ ժպիտ: Ֆիրատ կարծում էր թէ այդ ժպիտի տակ էր թաղած գեղեցկութիւնը, որ կրկնապատկում էին նրա վեհ, շնորհալի կաց ու նիստը, համեստ շարժումները, առաքինութեամբ ողողուն մեղոյշ հայեացքը, գրաւիչ լեզուն, որ խօսելու ժամանակ խիստ քաղցր էր թրթռում:

Տիկին էլիֆ չունէր իր դիրքն ունեցող կնոջ խրոխտ, վէս, արհամարող բնաւորութիւնը. նա քաղցր էր ամենի հետ, սպասունուն ընդունում էր իբր ընկերուհի, երջանիկ գոլով թշառների պաշտպան էր իր ամուսնին նման:

Հազազիւտ է որ այր ու կին միասիրտ միակամ գործեն, սակայն՝ նրանք երջանիկ էին այդ կէտում. նման երկւորեակ քոյր ու

եղբօր, Ֆիրատի ասելիքն՝ էլիֆն էր ասում, տիկնոջ մտադրածն՝ ամուսինն իրագործում, մին միւսի յաջողութիւնը նախատեսում, մին միւսի տխրութիւնն իր անձի մէջն զգում: Տաճկական ընտանեկան կեանքի մէջ հազ-ւազիւս է այսպիսի միաւորութիւն...

Բայց՝ եթէ կար նրանց երջանկութիւնը թունաւորող մի հանգամանք, առերևոյթապէս վերագրւում էր զաւակների չգոյութեան. բուն սիրով մեծացած ամուսնեքը զրկւած էին երկնատուր պարզեցից:

Սակայն երջանիկ էին սահում նրանց կեանքի օրերը:

Անմատի գաթաները շներոց արած օրը՝ Ֆիրատ նստած էր տիկնոջ առանձնասենեակում և հետաքրքիր լսում նրա պատմութիւնները, նրա անցեալը, երբ էնիֆէ սպասուհին երկչոտութեամբ դրան արանքից գլուխը ներս բերեց:

— Ի՞նչ կայ, էնիֆէ, հարցուց էլիֆ:

— Ոչինչ, տիկին, փորձանք է պատահել, Ահմատը...

— Ի՞նչ է եղել, — կտրեց Հայթա — Ֆիրատ ոտքի ենկելով:

— Ոչինչ, էֆէնդիմ, Ահմատը գաթաները բերելու ժամանակ...

— Մի երկու հատ կերէ՛լ է:

— Երանի ուտէր: Մահմատ աղայի խանութին առաջ շները նրան շրջապատել, իրար հետ զգեւել վար են գլորել, ապա բոլոր գաթաները լափել են...

Այր ու կին իրար երես նայեցին ծիծաղելով:

— Բոլորն ա՛յդ է, — հարցուց Ֆիրատ:

— Այդ է, սակայն Ահմատը վախենում է...

— Ծեծելո՞ւց է վախենում...

— Անշուշա...

— Լաւ, թո՛ղ հոգ չանէ, երևի անասունները քաղցած են եղել. գնա՛, ասա այդ անառակին, միւս անգամ անհոգութիւն չանէ: Եթէ խելքը գլխին պահէր՝ ի՞նչ անելու էին շները:

էնիֆէն դուրս ելաւ, իսկ էլիֆ շարունակեց ընդհատւած պատմութիւնը, որից շատ էր ախորժում Ֆիրատ:

— Լաւ չեմ մտաբերում իմ ծննդավայր քաղաքի զիրքը՝ միայն երազի նման յանկարծ աչքիս առաջ կըգան շատ հին մտապատկերներ: Յիշում եմ մեր փողոցը, իմ ծնողները, իմ ընկերուհիները. իմ քոյրերը, որ ինձանից մեծ էին: Յիշում եմ՝ որ հայրս մեծ մարդ

էր, փառայ էր կամ փառայի պէս մի բան. իսկ մայրս նստած էր իբրև տիկին և հըրամայում բազմաթիւ ծառաների և աղախիններին: Հայրս ցերեկները դուրսն էր լինում, երեկոները տուն կրգար, կըզրկէր ինձ, կըհամբուրէր, իր ձեռք հաց կուտացնէր և կըքնեցնէր իր կրծքին վրայ: Հայրս բարի մարդ էր երևում: Բայց մայրս միշտ տրտում էր և լաց էր լինում առանձնութեան ժամանակ իմ եղբօրս մասին, որ կորած էր. այս առթիւ ես կարծում էի աւելի հօրս սիրելի: Մայրս տանում էր ինձ եկեղեցի՝ երբ կարմիր ձու ներկելու ժամանակ կըլինէր, ես էլ իմ ձուաներով գւարճանում էի...

—Ս,հ,—ընդհատեց Ֆիրատ գունատւելով և զարմանալով.— ուրեմն՝ դու քրիստոնէի աղջիկ ես՝ էլիֆ ջան...

—Սյո՛, սիրելիս, ես քրիստոնէի աղջիկ եմ: Քեզ հետ կարգւելուց յիտոյ՝ մի քանի անգամ գլխի ցաւը պատրւակ բռնելով մտել եմ յոյնի, հայի, կաթոլիկի եկեղեցի:

—Սյո՛, այո՛, այդ ես գիտեմ, հայերից մեռոն էիր ուզում, նրանք էլ իւր տարով խաբում էին քեզ:

—Մեռոնն անշուշտ պատրւակ էր, ես

իմ տեսած եկեղեցին, իմ տեսած քահանայի տիպն. էի որոնում և գտայ:

—Եւ գտա՞ր,—հարցուց փաշան հետաքրքրութեամբ:

—Սյո, Ֆիրատ ջան... ես հայի աղջիկ եմ...

Հայթա—Ֆիրատ արտասուքն աչքերին մէջ խեղդելով, փարեցաւ էլիֆի պարանոցն և մրմուռաց սրտազին:

—Ո՛հ, դ՛ու, չքնաղ, էլիֆ, շարունակիր, շարունակիր... Հայուհի ես, իմ պաշտելի սիրական:

—Ես հայի աղջիկ եմ. քրիստոնէի զաւակ, բայց՝ ո՞ր երկրացի, քանի՞ տարեկան՝ երբ ինձ լէզզին տարաւ, այդ չըզիտեմ:

—Իսկ Հիմա՞,—ընդհատեց Ֆիրատ գւարթ կերպով,—բոլորովին ուղիղն ասա՛, սիրտդ ո՞րի կողմն է, քրիստոնեայի, թէ մահմեդականի:

—Հիմա,—զրականապէս պատասխանեց տիկինը,—հիմա ես մահմեդական եմ, ինձ այդ կրօնի մէջ ծնւած, սնւած եմ զգում, բայց ոչ իմ կրօնին դաւաճանած:

Կարծես մի սուեր սահեցաւ Ֆիրատի երեսով. այլայլութիւնն սքողել ջանալով՝ լըջութեամբ ասաց.— Շարունակիր, էլիֆ, շարունակիր:

—Շնորհներս հարուստ էին, կարծեմ ու-

նէինք շատ կալւածներ, ոչ մի բան չէր պակասում, նրանք գոհ էին իրանց կեանքից, բայց՝ երբեմն յիշելով իրանց որդու կորուստը, տրտմում էին և արտասուում, ես էլ մասնակցում էի նրանց սուսնց գիտենալու թէ ինչո՞ւ կամ ո՞ւմ համար եմ լալիս: Իմ եղբայրը կորել էր. նա գնացած էր խաղալու, մի քանի հասակակիցների հետ կորել, էլ չէր վերադարձել սուսն, այժմ իմանում եմ՝ որ մարդորսները նրան բռնած, տարած էին իբր գերի:

— Դու չե՞ս յիշում եղբորդ անունը:

— Ո՛չ, ես դրանք չեմ յիշում, սիայն յիշուն եմ՝ որ եղբայրս կորած է եղել և նրա մասին միշտ խօսում էին ծնողքս:

— Լաւ, քո անցքը շարունակիր...

— Գարունը նոր էր բացւել, մենք հրըճւանքով զբօսնում էինք մի վարար և մեծ գետի եզերքին, որ անցնում էր մեր քաղաքի միջով: Ես քաղում էի գեղատեսիլ ծաղիկներ, վնջեր կապում, հոտւըտելով զւարճանում: Մէկ էլ յանկարծ զբօսնող կանայք աղամարդիկ իրար անցած, հրմշտելով, միմեանց ոտի տակ գլորելով՝ սկսեցին գէպի քաղաք վագել:

— «Լէզզլին».— աղաղակում էին միաբե-

րան: Մյգ միջոցին ես կորցրի ծնողներիս, լալով վագում էի բազմութեան ետևից: Մէկ էլ տեսնիմ մեր դէմն ելան հարիւրաւոր սպառազէն մարդիկ. շրջապատեցին և ըսկըսեցին բռնել, կոտորել: Ես բարձրաձայն լաց էի լինում. մի լէզզլի գրկեց ինձ, ապտակելով լռեցրեց. ձիուն վրայ առնելով, տարաւ չըզիտեմ ուր: Ո՛հ, Ֆիրատ, այդ սարսափելի օրերը գնան ու յետ չըզան... Ես չեմ յիշում որչափ ժամանակ լէզզու մօտ մնացի: Մի օր նա ինձ գաւակն առած՝ ճանապարհ ելաւ, մի քանի օր յետոյ բերեց Կարին: Նա ինձ վաճառեց մի ծերունի փաշայի, այնուհետև նրա ձեռի տակ մեծացայ: Խալիլ փաշան, — այսպէս էր այս մեր տանը տէր, իմ բարերար և հայր ծերունու անունը, — ինձ դաստիարակեց, անձամբ սովորեցնելով ինչ որ գիտեմ: Իբրև իր դուստրը նա լաւ էր պահում ինձ, վասնորոյ ես մոռացայ ծնողներիս յիշատակը, մոռացայ ամեն ինչ. քեզ պատմածից աւելի ոչինչ չեմ յիշում:

— Խալիլ-փաշան, — շարունակեց էլիֆ, — ծեր էր, մեզ նման զաւակ չունէր, նա մեռաւ ինձ թողնելով իր միակ սիրելի ամուսին Գիւլէր — հանրմի ինամքին: Մայրազիբս էլ երկար չապրեցաւ իր ամուսնից յետոյ,

ինձ կտակելով իր ստացածքն և այս ապարանքը՝ մեռաւ: Այնուհետև մեծացայ ես փարթաւ, ազատ կեանքով իբր դուստր և ժառանգ Սալիլ-փաշայի: Մի օր ժան կըգայի թաւրիզ—դրան մօտերը, երբ երեք զինուորական փաշաներ մեր դէմն ելան:

— «Հանրմ,—ինձ մօտենալով ականջիս փսփոսաց սպասուհին,—սրանք են այն երեք զօրագլուխները, որ չորս տարի առաջ Յրևանն առան, 300 մարդով 12,000 պարսիկ կոտորեցին, նրանց դիակները գազանների կերակուր արին:

— Այդ մէնք էին,—հարցուց Յիրատ:

— Այո՛, սիրելիս, մինը դու էիր, մինը Քէօն—Չաւուշը...

— Մինն էլ Մահմուտ-փաշան...

— Այո՛: Ես տեսայ քեզ, սիրահարւածի պէս չէի ուզում աչքից հեռացնել. յիշում ես, երբ մօտերովս անցաք, դու խիստ կերպով սկսեցիր ինձ նայել, ես էլ՝ իբրև թէ պատահմամբ, քողը կիսովին բացի և դէմքս քեզ ցոյց աւի...

— Յիշում եմ՝ սէրելիս, այն օրից ըսկըւած սիրահարւեցայ քեզ վրայ, պատգամաւորներ ուղարկելով խնդրեցի ամուսնանալ. դու էլ, չըմերժեցիր և սիրայօժար յանձն առար:

— Ինչպէ՛ս յանձն չառնէի, Յիրատ ջան, —ասաց էլիֆ՝ ամուսնի երեսը համբուրելով, —այնուհետև քունս կտրւեցաւ, դու աչքիս առաջն էիր, ես հարձուփորձ անելով իմացալ քո ով լինիր, քո բնակարանը, գուցէ ես քեզ պատգամաւոր ուղարկէի՝ եթէ մի օր ուշանայիր ձեռս խնդրել...

— Տիկին, —ասաց սպասուհին դուռը բանալով,— ճաշը պատրաստ է արդէն:

— Լաւ, այնտեղ սպասիր, հիմա տիրոջդ հետ կըգանք:

Սպասուհին հեռացաւ, Յիրատ անվստահ կերպով,— էլիֆ,—ասաց նրա աչերի խորքը նայելով,—արի ստոյգն ասա, իսպառ մոռացած ես քո քրիստոնէութիւնը, չես ցանկանում արդեօք նրանց հոգևոր արարողութիւններին մասնակցել: Խնդրում եմ հաւատաս ինձ, չըպահես այդ սուրբ գաղտնիքը: Ինձ համար միևնոյնն են՝ քրիստոնէութիւն և մահմեդականութիւն...

— Յիրատ ջան, —անկեղծ կերպով պատասխանեց էլիֆ,— ես արդէն ասացի, որ ոչ մի գաղափար չունիմ իմ հայրենի կրօնի մասին, եթէ մի մասնաւոր հաւատք ունեցած լինէի, չէի ներիլ ինձ դաւաճանելու. բայց եթէ մեռնի պատրւակով ուզում էի գիտե-

նալ ծագմանս մասին, դա կապւած էր ծնող-
ներիս գտնելու ցնորքին հետ:

— Քրիստոնէութիւնը վատ չէ...

— Եթէ վատ չէ, լաւ էլ...

— Լաւ, — հառաչելով հարցը փակեց Ֆի-
րատ, հիմա ես հարցնեմ քեզ քո հայրենիքի
մասին...

— Գնանք, Ֆիրատ ջան, — ասաց կլինը
ոտքի ելնելով, — ճաշենք, յետոյ շատ կը-
խօսենք...

Հայթա — Ֆիրատ ակամայ ընդհատեց
խօսքն ու ոտքի ելաւ: Սպասուհին արծա-
թեայ կոնք ու սափորը ձեռին սպասում էր
դրան մօտ, այր ու կլին լւացւեցան ու բազ-
մեցան ոսկեղօծ բոլորակ սինու շուրջը, որի
վրայ շարւած էին տաանեակ պնակներ՝ լի
համեղաճաշակ կերակուրներով:

— Եթէ կիսախելագար Ահմատը գաթա-
ները շներին կերցրած չլլինէր, — դիտեց տի-
կինը ժպտալով, — հիմա մեր ճաշը կատարեալ
սեղանն անթերի կլլինէր:

— Հոգ չէ, էլի՛ք ջան, շներն էլ սեղա-
նով են ապրում:

Հայթա — Ֆիրատ չըմոռացաւ երկու մեծ
բաժակ մաստիքայ խմել:

Պ.

Բղեխ Զիա փառա

Կարնոյ և ողջ Անատոլի գինւորական-
ների մէջ ամենից բարձր էր իր դիրքով ու
պաշտօնով սէրաւէր (սպարապետ) Զիա փա-
շան, մականւանեալն շիմեակ (կայծակ):
Երկու տարուց ի վեր նա բազմած էր բո-
լոր Փոքր-Ասիայի Հայաստանի և Կիլիկիոյ
բղեշխական աթոռին. իբրև փոխ-արքայի՝
սնսահման իրաւունք էր տրւած նրան:
Նրանցին յետոյ յայտնի էին Քէօփրուշու
գաղէ Ապտուլլան, Տամատ-Մուստաֆա՝ որ
կայսեր փեսաներն էին: Սրանք երկու որոշ
կուսակցութիւններ էին ներկայացնում, մի-
նի գլուխն էր Զիա, միւսին Ապտուլլան:
Հայթա — Ֆիրատ պատկանում էր երկրորդ
կուսակցութեան: Զրկարծէք՝ սիրելի ըն-
թերցող, թէ այդ կուսակցութիւններն ու-
նէին որոշ սկզբունքներ, տարբեր ուղղու-
թիւններ կառավարութեան մասին. ոչ, դը-
րանք գոյութիւն ունէին սիմիայն անձնա-
կան շահու տեսակէտով: Ուստի Զիան իբրև
պարագլուխ իր կուսակցութեան, միւս բա-
նակին պատկանողներին հակառակ էր: Նա
հակառակ էր աւելի Հայթա — Ֆիրատին, քա-

նի որ եռանդուն գործողն էր նա, բայց չէր կարող շօշափելի ապացոյց ձեռք բերելով տապալել: Խոհեմ, շրջահայեաց և լուրջ էր Հայթան, նաև յայտնի իբրև անվախ, խօսքից գործի, վիճից գէնքի դիմող մարդ, ուստի զգուշանում էր՝ ոչ միայն ինքն՝ այլև իր կուսակցութիւնը խաղալ այս տարօրինակ մարդու հետ. ոչ ոք չէր փափագում նրա հետ հաշիւ ունենալ, նրա կատարութիւնը գրգռել: Աւելի ընտրում էին՝ ոչ թէ իբրև ասպետ յայտնի կուել. այլ յաղթահարել դաւաճանութեամբ, առանց իրանց դէմքը ցոյց տալու: «Տաճիկը սայլակով նապաստակ է որսում», այս ազգային առածով էր դեկավարում Զիա-Շիմշակ, սակայն Ֆիրատ նախազգալով, նրա մասին մի վատ, անկերպարան բնագրական կասկած ունենալով, զգուշանում էր բացարձակ հակառակութիւնից: Գիտենալով, որ Զիան միշտ օգնում է իր հակառակորդներին, ամեն տեսակ շահաւէտ գործերի նրանց ուղարկում, փառք պատիւ նրանց շնայլում: Իսկ իրանց ոչինչ: Նա կասկածով վերաբերելով փոխարքային, չէր վստահանում նրա յանձնած գործերն ի կատար ածել: Ուստի սկսւած էր փոխադարձ դաւադրութիւններ:

Ահա այսպիսի իսկական կուսակցութիւններ շարունակելով մինչև մեր օրերը երիչերիների բարձումից շատ յետոյ, դարձան իբրև թէ երկու որոշ սկզբունքների վրայ հիմնւած կուսակցութիւններ, պահպանողական եւ ազատամիտ: Պահպանողականները՝ պատկանում են ներկայ մարդախանձ սուլթանական ուժիւնին, ազատամիտները՝ ներկայացուցիչ են Ազատամիտ-Թուրքիոյ: Պահպանողական՝ որովհետև իրանց որկորներն յազենում են փշրանքներով, ազատամիտ՝ որովհետև միշտ քաղցած են ջուր: Բայց՝ ի մօտոյ քննելով թուրքին այդ դիմախների տակ, գտնում ենք միևնոյն անկիրթ, միևնոյն անխիղճ, միևնոյն գազանաբարոյ խոստանը, որ այդ բռուերն Եւրոպայից գողացած՝ քողարկել են իրանց ինտրիգական պատկերները: Ազատամիտ կուսակցութեան ներկայացուցիչ, Եւրոպայում կըրթւած, որ աւելի ճիշտն է, հատուկտոր բաներ սովորած, Մուստաֆա-պէյը չէ տարբերում բոլորովին անուս, մէտրէսէներում ցեխոտւած Ալիից, որ էֆէնտի, փաշայ կոչումով, դրօշակիրն է սուլթանի, միևնոյն ֆանատիկոս, տարբեր ֆանատիկայով. միևնոյն արիւնախանձ, միևնոյն իրեշաբարոյ էակներն ես տեսնում,

որոնք մէկ մէկից տարբերուում են անձնական շահերով և եթէ կամ պօլիթիքական ձևերով: Եթէ երբեմն ազատականների ձայնն հասնում է եւրոպական թերթերին, դա ուրիշ ոչինչ չէ, եթէ ոչ խրտուիլակ, խաբեբայութիւն՝ յանուն հին սէփիմի ապալման, որովհետև ցանկանում են արտաքին աշխարհներից աջակցութիւն գտնելով՝ անցնել դեկի գլուխ, դառնալ աւելի շրջահայեաց բռնակախեր:

Նրանց ազատամիտները զուրկ են բարոյական բարձր, մարգասէր, կուլտուրական սկզբունքներից, դաստիարակած չեն բնաւ, այլ ուսած՝ ինչ որ կարող է պարունակել իր մէջ իրանց փշացած գրականութիւնը, ոչ թէ Սարակինոսների՝ որ սուերն էր յունական հանգեալ փիլիսոփայութեան: Նրանց աշխարհահայեցողութիւնը չէ տարածուում դուրանի կողերից հեռի:—Բացառութիւնն անշուշտ յարգուում է:—Ազատամիտ թիւրքերից շատերին հետ ի մտոյ ծանօթանալով՝ չեմ գտած զարգացած մարդ. միակողմանի մասնագէտներ, լեզւաբաններ, բանաստեղծներ, թարգմանիչներ են աւելի՝ քան զիտնական, լայն զարգացման տէր անձինք: Նրանք հետևորդ լինելով ֆրանսական գրա-

կանութեան՝ միայն սիրային վէպեր են տեսնում, քաջածանօթ են Տիւմաներ, Ժիւլ—վէրներ և այլն, ստէպ արտասանում են յայտնի անուններ, Հիւլօ, Ռընան, Սանտօրֆ, Դարւին և այլն՝ որ անգիր են արած մատենագրութեան պատմութիւնից, Հիւլօն՝ Դրբէպլըրի, Վօլթըրպօթը՝ Հայմանի հետ շփոթելով, առանց որոշելու բանաստեղծն՝ իմաստասէրից, վիպասանն՝ հնախոյզից, առանց ըմբռնած լինելու նրանց ուղղութիւնները, գէթ տարրական կերպով: Այս կարգին են պատկանում մեծաւ մասամբ անկրօն թիւրքերը, բայց ինչո՞ւ են անկրօն, բացառութիւն է գիտական ֆակտերով զինւած, իր ուղղութեան մի շատագով գտնել, մի ներկուռանհատ, որ փաստօրէն անպացուցանէ, 'ի լոյս բերէ իր սկզբունքները: Որովհետև կարգացած են, Մեօթ. Տէյնա, Շիրաւս եղել են նրանց մէջ, որովհետև Գալլիայում իրանց ընկերներն անկրօնութիւն են քարոզում, իրանք էլ անկրօն են: Ահա նրանց առաջին և վերջին փաստը, միակ գրամագլուխը:—Մահմէտը խաբեբայ է,—ասում են,—նա առ աչօք տեսիլներէ էր մատնուում, ցնորքների մէջ ձիւրէյլը (Գաբրիէլ) տեսնում, նրա դուրանը քրիստոնէական, հրէական, հեթանոսական կրօններէ

և իր դարի բժշկականութեան մրուրն է։ Նրա մէջ չըկան գերագոյն յայտնութիւններ Աստուածանիցնկատելու չափ ևայլն։ — Ուրեմըն իմ յարգելի ընթերցողը կարող է հակիրճ ասուած մի քանի խօսքովս ճանաչել այդ երկու կուսակցութիւններին։ Մինը բոլորովին տգէտ, մոլեռանդ, միւս թերևս անկրօն. մինը կեղեքում է յանուն կրօնի, հարստահարում յանուն դուրանի։ Միւսը պիտի կատարէ նոյն բանն աւելի լրջութեամբ յանուն որկորի և ազգայնութեան։ Մինը բնագոյնով շարժող գայլ, միւսը գիտակցութեամբ որսացող աղւէս։ Մինը սանձահարում է երբեմն կրօնի սանձով, միւսը լայն ճարակ գտնում անգուսպ կըքերի։ Այն, կարելի էր նոր սերնդից, ազատամիտներից շատ բան սպասել՝ եթէ հիմնական դաստիարակութիւն ունենային՝ իսպառ գերժ դուրանի ֆէլմենքից։ Ահա սրանք են Տաճկաստանի այս աւուր ներկայացուցիչները և սիւնոյնն էին ենիչերիների ժամանակ...

Զիա փաշայ, որն աչքի առաջ բերելու համար բաւական է մի բանի խօսք, նստած էր իր սլաշտօնական դահլիճում. ծալապատիկ կծկւած օճաղի գլխին, պատաստւած կանաչ, կլապիտոն անկւած վերարկուով։

Նստած տեղից երևում էր ոչ այնքան բարձրահասակ, ոսկրոտ, ջղային, հազիւ յիսուն տարեկան մարդ լինելը։ Գլխի հաստ պատատանն իր թէրասուերի տակ էր ծածկուած նրա դաժան, կմախքային դէմքը՝ գայլի աչքերի պէս պաղ, անարկու, բոլորակ, երփներանգ աչքերը։ Նրա կշտին նստած էր նոյնպէս մի մռայլ խառնածին՝ երենոսի նման կիսափայլ, սև դէմքով։ Նրա գլխի դուռը մազերը, կարճ բեխերն ու մօրուքն սպիտակին կըտային, հաստ շրթներին, սև, կարկենհանի պէս փայլուն աչքերին, երենեայ դէմքին նսեմութիւն տարածելով։ Դա Պօշնակ-Համտի փաշան էր։ Մօքքայի ընտիր սուրճը՝ ոսկեղէն զառֆերով դըւած էր նրանց առաջ, երկար չիպուղներից բարձրանում էին ծխային ալիքներ, զանազան քմահաճ ձևի ամպիկներ յօրինում նրանց գլխին վերև։

— Համտի, — սուրճը շրթունքին տանելով՝ հուսկ ուրեմն լուռութիւնն ընդհատեց Զիա — փաշա, — ուղղակի գրգռել դրանց թշնամութիւնն՝ անխոհեմութիւն է. Ապաուլլան և իւրայինք մեծ ազդեցութիւն ունին պալատում, կարող են մեզ յաղթահարել, կարող են իսպառ ջնջել...

— Անշուշտ այդպէս է, — հաստատեց Պօշ-
նաք — Համտի:

— Կարծեմ նրանք էլ հանգիստ չեն մը-
նում...

— Անտարակոյս հանգիստ չեն, երբ ու-
զում ես իմանալ մէկի լաւ՝ կամ վատ յա-
րաբերութիւնը քեզ հետ, քննիր սրտիդ խոր-
քը: Ինչ որ դուն ուզում ես ինձ անել,
նոյնը կըխորհիմ ես: Նրանք զգում են. մենք
էլ զօրացնում ենք կասկածը նրանց մէջ:

— Ես էլ այդպէս եմ հասկանում, Համ-
տի. քանի դեռ ուշ չէ, պէտք է միմիւր մէջ
գործել, ջախջախել Ապտուլլահի ոյժերը:

— Հապա, ինչպէս, — լայն շրթունքը
բացանելով, սուրջը շօշափելով, հարցուց
խառնածիւր:

— Դաւադրութեամբ...

— Ինչպէս կարող ենք դաւել, քանի որ
զինւորական ոյժը նրանց կողմն է, միայն
Մուխիլեով (քաղաքական պաշտօնեայ) ինչ
կարող ենք անել... դու չըզիա՞նս ենիչե-
րին:

— Լսիր, բարեկամ, Տամատ-Մուստա-
ֆան էլ ամբաստանւած է, մնում է Հայթա—
Յիրատի բախտն անորոշ:

— Հէնց դա է ամենամեծ թշնամին. դա

է իր խմբի խելացին, դա՛ որ ենիչերին կա-
րող է շարժել:

— Այո՛, ես էլ հեշտութեամբ պիտի տա-
պալեմ:

— Հեշտութեամբ. — հարց տւեց և պա-
տասխանեց Համտի գաւաթը մի կողմ դնե-
լով, քթից, բերնից ծխային հեղեղներ ժայթ-
քելով՝ աչքերն անթարթ դաւակցին սևեռած,
— Ի՛նչ, հե՛շտ, դու զառանցում ես՝ Զիւ՛.
Ես ասացի արդէն՝ նա բանակի հոգին է,
կարող է քեզ էլ, ինձ էլ մի ախարկով կա-
խել տալ պատահած հացագործ խոտորջրցու*)
ձեռօք:

— Այդ այդպէս է, — ժպտելով ընդհատեց
Զիւ, նա կարող է յաղթահարել մեզ՝ եթէ
ուզողակի գործենք, բայց ինչ կարող է ա-
նել այն պարզամիտ, վեհանձն առիւծը, երբ
մենք առանց երևելու՝ իր ձեռօքն իրան կա-
խել տանք:

— Քեզ չեմ հասկանում, բարեկամ...

— Կարող ես չըհասկանալ. Պօշնաք, բայց

*) Խոտորջրցիք Հայ-կաթուղիներ են Կարնու
այդ անուն գաւառում և պարապում են հացագոր-
ծութեամբ. կախելու իրաւունքն հին ժամանակից
երևի հացագործերինն է, որ նրանք էին կատա-
րում, թէև ազամայ, դահճի տգեղ պաշտօնը: Ս.

երբ միաքս բացատրեմ, դու իսկոյն սելա-
ւէթ (երկրպագութիւն) պիտի բերես... Ես
Համոխի, նրան պիտի խեղդեմ դուրանի նւի-
րական թոկով:

— Ի՞նչ շատ հետաքրքիր ես խօսում:

— Ծանօթ ես Ֆիրատի ընտանեկան
կեանքին:

— Ո՞չ այնքան...

— Լաւ, Ֆիրատ սիրահար է իր միակ
կնոջ, Էլիֆին, որից ամենեւին գաւազի չէ լի-
նում. այդ իսկ պատճառաւ նա հարբում է
միշտ: Ի՞նչ կասէիր՝ եթէ մի լաւ ընթրիք
սարքէի, լաւ խմացնէի, յետոյ մեր արծա-
թասէր ծուռ-բերան դադին կաշառելով, նրա
վրայ արձակէի, հրաժարեցնէի շառթով
(ուխտ), որ միւս անգամ խմելուն պէս՝
լուծւի ամուսնութիւնը... Մի քանի օր յե-
տոյ կրկին արբեցնէի, ես ինքս խլէի գեղա-
նուշ Էլիֆը...

— Հրաշալի, — մրմոսց խառնածինը մի
գարշելի ժպիտով, — թշնամին հնարագէտ է
շինում մարդուս:

— Այո՛, հրաշալի միտք...

— Արդեօք գործն այդպէս կը գնայ, Էլիֆ
կամուսնանայ քեզ հետ:

— Թէև դա հարց է, բայց՝ դադուն հետ

այնպէս կը կարգադրենք՝ որ անշուշտ իմ ու-
ղածին պէս լինի հետևանքը: Հապա՛, Համոխի:
Թշնամուն թոյլ կողմից կը զարնեն. Հայթա-
յի թոյլ կողմն արբեցութիւնն է:

— Բայց՝ Ձիւն, գժւարին և վտանգաւոր
միջոց է:

— Գժւարին է՛ բայց՝ ո՛չ վտանգաւոր:
Ղուրանի շէրիէթով (օրէնք), շառթով երբ
բաժանւած է լինում կինը, պէտք է ան-
պատճառ նիւլուլա (խայտառակ) լինի մի օր
օտար տղամարդու հետ ամուսնական նիփա-
նով (ապահարգան) և ռաւթով: Ես այնպէս
կը կարգադրեմ գործը՝ որ Էլիֆն ինձ մնայ,
Ֆիրատ ուզէ չ՝ ուզէ, իր աչքով տեսնէ նրա
իմ կիների շարքը մտնելը... Էլիֆ կատա-
րեալ հուրի է, բանքեր (կաւատ, մոցիքուլ)
կիներն ասում են խիստ սիրունն է...

— Ղուրանի այդ արամադրութիւնն հրա-
շալի է, ժպտաց խառնածինը, — ուզած կինդ
ձեռք կը բերես: Բայց՝ Ձիւն, եթէ քո ասա-
ծին պէս շարունակւի գործը, իրօք որ հրա-
շալի դաւադրութիւն կը լինի: Կրօնի սոսաջ
լուռ են լեզուները...

— Գիտես, այնուհետև ինչ կը լինի: Էլի-
ֆը մի քանի օր պահելուց յետոյ՝ կը յանձ-
նեմ տիրոջը, Հայթան իմ ստրուկը կը դառ-

նայ, որովհետև էլիֆ ինձանից յետ պիտի ուզէ, նախքան իմ բարեհաճութիւնը, յետ պիտի ուզէ բիւր աղաչանքով: Ես էլ, մինչև չըստորացնեմ նրան, մինչև մեր համախօսականին ստորագրել չըտամ, չեմ յանձնել էլիֆը... անհ իմ դաւի յատակագիծը...

— Գէշ չէ, բայց մի քիչ Հայթա—Փիրատի նման գազանների հետ այդպէս խաղալը վտանգաւոր չէ, վտանգաւոր չէ շոյել առիւծի բաշերն ի նշան գզւանքի...

— Է՛հ, Համտի, նա ի՞նչ կարող է անել դուրանի սրբութեան դէմ: Շէրիէթի թերթերն ինձ բերդ ու պարիսպ կը ձևանան, նրա առաջ կը փշրւին բոլորի գէնքերն ու ծնկները... Ի հարկէ, ես համառօտակի պատմում եմ անելիքիս մասին, երբ սկսեմ, քեզպէս բոլոր բարեկամներս կը փութան գործի, իմ հրահանգով, առանց խռովութեան, անադուկ մեր ստրուկների շարքը կը մտնի հօր Հայթան:

— Լաւ է ուշ, քան շտապով, — ասում է առածը: Փիրատի նմաններին հետը չըպէտք է թեթևօրէն գործ սկսել, այլ լուրջ մտածելով մի քանի անգամ չափելով, կը ռելով...

— Անհող կանց, Համտի, այդ մասին ամիսներով եմ մտածել, բոլոր յատակագիծը

մանրամասն պատրաստել: — Նրանք գուցէ դեռ երկար շարունակէին իրանց խորհրդակցութիւնները, եթէ Պէրսէ չառուօն (սենեկապետ) ներս չըգար, երկրպագելով բղեշխին, մեղմ կերպով չասէր.

— Նորին վսեմութիւն՝ Հայթա—Փիրատ փառա, սպասում է ձեր վսեմութեան ներկայանալու:

Իսլակիցներն իրար երես նայեցին ժպտալով:

— Ներս հրաւիրէ, — հրամայեց Զիա, երբ սենեկապետն հեռացաւ, իր մտերմին դառնալով շնչաց, — շունը յիշիր, պոչը հետը, — ասում է առածը, — նրա մասին էլինք խօսում, նա մեզ մօտ է եղել, չէ, Համտի, դա բարի նշան է: Մանաւանդ այսօր իմ բարի օրն է՝ ասում էր աստղագէտս:

Հայթա—Փիրատ խրոխտ կերպով ներս մտաւ, ձեռը սրի երախակալին դրած, սովորական պարզ բարևը տալով՝ բազմեցաւ բղեշխի դէմ. վերջինս իր ծառաներին ձայնեց:

— Ազամէթ, Ալի...

— Ներկայ ենք, էֆէնտիմ, — լսեցաւ դրան ետևից:

Ազամէթը մի երկար չիպուղ ձեռին

ներս մտաւ, և քիչ յետոյ Ալին սուրճ բերերեց վսեմափայլ մեծ հիւրին:

— Որպէս է ձեր վսեմութեան պատւական անողջութիւնը. — հարցուց Ջիա փաղաքուշ ձայնով, — լաւ են մեր որդիքը, քաջարի ենիչերիք, ախոյեան հայթաներդ, խիզախ գէլիները...

— Օրհնում են վեհափառ սուլթանի կեանքը, — պատասխանեց Ֆիրատ լուրջ կերպով, — բայց՝ նեղացած են ձեր վսեմութիւնից, այսօր չեն ուզում քային (բաժին) ըստանալ:

— Թային չեն ստանում, — աղաղակեց Ջիա գունատելով և ակնապիշ դառնալով Պօշնակին, մինչ նա՝ իրանից ոչ նւազ ահաբեկ, շանթահարի հայեացքով, դարձած էր Հայթային:

— «Ենիչերին թային չէ ընդունում», — նախադասութիւնն ընթացաւ կայծակի արագութեամբ սարայի բոլոր քունջ ու պուճաղներում, սարսափ ազդելով բոլորին:

Ենիչերին թային մերժելու ժամանակ իր արեան ծարաւի լինելն էր յայտնում. այդ ծարաւն յագենում էր սուլթանների, վեզիրների, սպարապետների, բղեշխների արիւնով: Դա ենիչերու ապստամբութեան

նշանն էր, այդ պատճառաւ մահւան արհաւիրքը սառն հոգմի պէս ողորեց Ջիայի հոգին: Մագերը փշաքաղեցին, իմացականութեան խորքին մէջ պատկերացաւ յանկարծ իր քսամների մահը:

— Բայց՝ ինչո՞ւ, — մրմնջեց դարհուրած, դողալով, մի ժամ առաջ անարկու բղեշխը, — պատճառն ի՞նչ է թային մերժելու:

— Ռոճիկ են պահանջում: Այս պատասխանն յուսադրեց նրան. կորով ստանալով ուղղեցաւ, շեշտակի Ֆիրատի աչքին մէջ նայելով:

— Միայն այդ է, — հարցուց: — Ո՞չ, մի այլ պայման ևս ունին ձեր վսեմափայլութեան մասին:

— Ի՞նչ... ի՞նչ են ուզում. — զրեթէ անզգայացած աղաղակեց եղկելի կերպով. — արեանս ծարաւի՞ են, Աստուած իմ:

— Հանդարտեցէք, վսեմաշուք տէր, ձեր արիւնը պիտ խնայեմ ես. ես դեմ եմ ձեզ կախելու գաղափարին, բոլոր ենիչերիք յարգում, սիրում են ինձ, նրանք չեն կարող իմ որոշումներից շեղել: Հանդարտեցէք, ես ձեր կեանքին երաշխաւոր եմ. երաշխաւոր եմ ձեր պատւին ու գոյքին:

Կնճռոտած էր Ջիայի կմախքային գէմ-

քը, ուր երևում էին զարհուրանք, սոսկում
և մի տեսակ թալկութիւն, իսկ խառնածինն
իր խոշոր աչքերի ձերմակուցքն էր փայլե-
ցնում, երկիւղից բեբերը թերթերունքների
տակ ծածկում:

Հայթա—Ֆիրատ խորագննին նայած-
քով փոփոխակի դիտում էր դաւադիրների
գունատութիւնն և.—անիրաւնէր.—ասում
մտովի,—որչափ վախենում են, մահն աչքի
առաջ բերելով...

—Փաշա էֆէնտի,—ձայնը բարձրացուց
Ֆիրատ,—պատասխանեցէք ինձ, ի՞նչ պիտի
ասէք զօրքին...

—Բայց Ֆիրատ,—ինքզինքն ամփոփե-
լով հարցուց Ջիա,—ի՞նչ են կամենում ենի-
չերէք, ի՞նչ պայման ունին ինձ հետ:

—Նրանք պահանջում են ձեր վսեմու-
թեան բղեղխութիւնից հրաժարելը, պահան-
ջում են հինգ ամսական: Ուտելու փող չու-
նիմ, ասում է Նազիմ-պէյ,—սիրականս շորեր
չունի,—խառնում է Մէհտի-պէյ,—մենք
ինքներս ի՞նչ ունինք,—ձայնակցում են միւս-
ները.—գնանք, բնաջինջ անենք Ջիան: Այ-
սօր չեն թողել խոհարարներին կերակուր
պատրաստելու,—սարայում կըձաշենք.—ա-
սում են բոլորը,—Ջիա փաշան հաց և սի-

րուն կիների ջուր ունի: Հիմա արդէն այս-
տեղ կըլինէին, եթէ չիմանայի, շուտով ո՞-
վու՞ (զօրանոց) գնալով չ'արգելէի նրանց,
չ'երդէի կամքերը կատարելու:

—Ամսականները թող տըլի,—շշնջաց
Ջիա—բայց՝ հրաժարել ախար ի՞նչ պատ-
ճառաւ, ես նրանց ի՞նչ եմ արել, ինձանից
ի՞նչ վատութիւն են տեսել առանց վ. սուլ-
թանի հաճութեան...

—Վսեմափայլ տէր,—ընդհատեց Ֆի-
րատ,—նրանք պահանջում են ամսական-
ներ, ասում էք՝ թո՞ղ այդ տըլի...

—Այո, վսեմափայլ տէր, թո՞ղ տըլի...

—Բարի, այսօր կըվերջացնէք այդ հար-
ցը, կըզրէք ձեր հրաժարականն՝ այսօր իսկ
կըյանձնէք գործերը ձեր մուալիմին (օգ-
նական), ես կըհամոզեմ նրանց սպասել մին-
չև վեհ. սուլթանի բարձրագոյն կարգադրու-
թեան գալը...

Ֆիրատի վերջին խօսքերը ոգևորեցին
Ջիային, նա նոր յոյս ստացաւ, գոհութեամբ
աչքը Հայթայից չըհեռացնելով,—Վսեմա-
փայլ տէր՝ ասաց—շնորհակալ եմ, գիտեմ՝
որ ձեր խօսքն անկեղծ է և յարգելի, ու-
րեմն, այսօր իսկ կըզրեմ հրաժարական, կը-
յայտնեմ վ. սուլթանին...

—Արդէն յայտնուած է, էֆէնտիմ,—
կանխեց Ֆիրատ,—չորս կամ հինգ աւուր
սուրհանդակն այստեղ կըլինի, կըբերէ բարձ-
րագոյն Ֆէրմէն (հրովարտակ), դուք ձեր
հրաժարականը պիտի գրէք, ինձ յանձնէք,
իսկ պաշտօնն այսօր և եթ տալու էք ձեր
մուտքիս:

—Ուրեմն արդէն գրած էր...

—Գրած էր՝ ոչ միայն մեծամեծներից,
ձեզ ենթակայ կուսակալներից, այլև՝ բոլոր
ազգերից...

—Տէր իմ,—ներկայացաւ Ֆէրտէ չա-
ւուշ բղեշխին,—մի խումբ ենիչերի պէյեր
եկած են սարայ...

—Ի՞նչ են ուզում,—մըմուաց Ձիա դո-
զահար:

—Ասում են՝ «մենք անհամբեր սպա-
սում ենք վսեմափայլ Ֆիրատ փաշայի բա-
նակցութեան վախճանին. ուրեմն՝ դնա՛, իմաց
տուր, որ տէրդ, վսեմափայլ Ձիա փաշան՝
կարճ կապի»...

—Լաւ,—միշամտեց Ֆիրատ բարկու-
թեամբ,—դու էլ կարճ կապիր, անպիտան,
եթէ ոչ հիմա վայրահաչ լեզուդ վզակոթիցդ
կըհանեմ... շատ բան կըլսես, անասուն, պէտք
է քիչ խօսես: Գնա, բարև արս պէյերին,

ազաներին՝ թող չըձանձրանան, ես հիմա
կըգամ, ամեն ինչ կարգադրեւած կըլինի:

Սենեկապետն ակնածութեամբ համբու-
րեց Հայթայի քղանցն և զգուշութեամբ հե-
ռացաւ:

Նոյն ըոպէին բղեշխը քեզփիւէ (հրաման)
գրեց սարափ Յակոբի հասցէին պէտք եղած
գուժարն յանձնելու Ֆիրատ փաշային, գրեց
հրաժարական և աթոռն յանձնեցաւ փո-
խանորդին:

Ե.

Գաւադը ու քիւն

Ֆիրատի հեռանալուց յետոյ՝ Ձիա փա-
շա հանգստացաւ, սակայն՝ գիտենալով որ
մի քանի օր յետոյ անպատճառ պիտի տա-
պալի, քանի որ ինքն հրաժարական էր տւած
և արդէն գործն յանձնուած փոխանորդին,
զըզուեցաւ ատելութիւնը դէպի Հայթան,
որին շատ իրաւունք ունէր հեղինակ և պա-
րագլուխ կարծելու ենիչերիական «ահաւոր
շարժման»:

Ուստի որոշեց իր ծրագիրն իրազործել
անյապաղ՝ նախ քան բղեշխութիւնից իսպառ
սապալը-իլը: Այն օրն իսկ տեսնեցաւ ճոխ
խրախճանի պատրաստութիւն, հրաւիրեցան

բոլոր յայտնի փաշաները, պէյերը, աղաները, նշանաւոր զինւորականներն ու իւլէմները (գիտնական):

Մի սիրուն լուսնկայ երեկոյ էր: Փաշի Գէօշքի ընդարձակ պարտիզում փուեցան գորգեր, կապերտներ, գրեցան բարձեր և աթոռներ: Մի տեղ եփուում էր սուրճը, մի տեղ խոհարարն իր հարիւրաւոր կերակուրները պատրաստում, միւս կողմում շէրպէրնին (օշարակ շինող) գոյնգգոյն օշարակներ լեցնում, չիպուղճին երկաթէ թելով մաքրում, սրբում մի խուրձ չիպուղներ, մինն էլ նըստած լեցնում էր Պաֆրայի (Սամսոնի վիճակում գիւղաքաղաք) ամենաընտիր ծխախոտով:

Ահա հետոգհետէ հաւաքուում են վսեմափայլ հիւրերը, Ազամէտ ներկայացնում է չիպուղը և նրա պարագաները, Ալի ունելիքով կրակ, մի ուրիշն էլ սուրճը ձեռին մօտենում իսկոյն: Ապա շէրպէթճին կրգայ, ոսկեթասերով կրմատուցանէ անուշահոտ ըմպելիներ, մի քանի անգամ շրջելով, կրկին և կրկին պատուելով հիւրերին: Մի շարք փաշաներ՝ Զիայի խմբից քիչ հեռու, մի խուլ անկիւն քաշած, փոխանակ օշարակի խմում էին մի այլ հեղուկ. մաստիքա, կարծես զգու-

շանում հրապարակաւ խմելուց, երևի անախորժ էր դա այդտեղ բազմած մեծամասնութեան:

Հանդիսականների մէջ աչքի էին ընկնում մի խումբ կանաչ ապարօշով, ոտից մինչև գլուխ սպիտակ հագած, կարմիր կօշիկներով,—որ մի ժամանակ Հոռմի կայսրներին և Տիգլաթի թագաւորներին էր յատուկ,—երկար ետէմէն չիպուղները ձեռներին ծալապատիկ նստոտած իմամներ, շէյխեր, մուֆտի և մեծ-ղատի, որոց ձեռքն է ընդ միշա զուրանն իր բոլոր անհասկանալի էջերով, այլթներով ու փայլեմներով:

Չեր երևում նրանց դէմքերի վրայ ժպիտ, ծանր, սառն, Պիկմալիօնի պէս կասկածոտ լըջութիւն միայն, որ աւելի ծիծաղելի քան պատկառելի էր, օտար դիտողի հայեացքում: Նրանց խօսակցութեան արտաքինը ծանր, բառերը շեշտելով էին արտաբերուում, թէև չնչին և յիմարական լինիր նիւթը: Նրանցից անւանի և մեծազիրներն ախորժում էին միմիայն զուրանից, Ձէնկ-քիթէպից, պինպիր կէնէլերից (հագար և մի գիշերներից) և այլն արաբական վէպերից՝ կամ ըուսուլաս-Մուհամմէդի կեանքից խօսել, ախորժակով պատմել, իբր իրողութիւն ստո-

րողել, ինչ որ Ապուպէքը, Սէնճանի և այլք աւանդած էին իրանց մատենագրութիւններում, թէ և այդ աւանդութիւնները ազեղ և զգուշի բարեկիրթ մարդոց, գլխովին անբարոյական, բայց՝ հիմունք լինելով իտլամական գէնին՝ չէին պատկառում ծանրաբարոյ իւլէմէները հրճւանքով պատմել: — Օրինակ այս հատւածը Մուհամմէզ րուսուլլահի կեանքից: — Ութսուն հազարից բաղկացած բանակում յայտնուում է Բուսուլլահն, ամեն մարդու ցանկացած սեռով երևում: ... և այն: Անշուշտ խորշում ենք մեր ընթերցողի լսելիքը զգուշացնել այդ հատւածը լիովին դնելով, միայն հետևանքն ենք յայտնում:

«Մուհամմէզ անառակելով իր զօրքն ուղարկում է պատերազմ, գեաւուրների աշխարհներ, սրով արիւնով քարոզել յորդորում իր ցնորքների, թալկութեան ժամանակ երևակայած հազրէթի (սուրբ) Ալլահի գէնը»: Միթէ ներելի է Ալլահին անբարոյականութեամբ շագաթւած երևել, և այնպէս պահանջել իր հարազատ հետևորդներից, որոց համար պատրաստած է ջէննէթ, իւրաքանչիւր անհատին քառասնական հուրի ու փէրի (ոգի), Ագամանդէ պալաաներ, մարդարաայեռ դարպասներ, վարդի բոյրով օթոցներ, ծիածանից պարեզօտ, արշալուսից ճեր-

մակեղէն, աստղերով ընդերուզւած՝ բիւրացան շամանթաղից գօտիկներ և այլն, խոստանալով ինչ որ մեզ պէս մահկանացուների երևակայութիւնից, հասողութիւնից դուրս, հեռի և շատ հեռի, միայն իսլամին հասկանալի, հպելի է կանգնած մահմեդական եթերքում: Գեռ սրանք, ազնիւ ընթերցող, մահմեդականին հոգեկան բերկրանք ազատող էջերից են, որոնցով կըսլանայ նրա հոգին գէպի ջէննէթ: Գրիչ չէ՛ գօրում, խորշում է տողել նրանց այն հատւածներից, որոնցով մանկութիւնից շողազուում է իսլամի հոգին, յայտնի անառակներ, արիւնախում գազաններ ձուլելով նրանց, մարդկային ընդածին մտաւոր և զգացողական հանգամանքները ջնջում հոգու խորքից, խիղճն իր խայթոցներով մահացնում, դուրանի այէթներն ունակութեամբ կամք ձևացրած, նրա գարշելի սկզբունքներով դեկավարում:

Այսպիսի յաւիտենական միատեսակ քարոզներ կրկնում էին և խնձոյքների ժամանակ. հասարակական, կուլտուրական հարցերի տեղ բռնած էին միտախրական անհասկանալի զրքեր, լիտի, անամօտ աւանդութիւններ: Հէնց այս ժամանակ հարցը ս. Մարգարէի մասին էր, պատմում էր նրա

կեանքից ծուռ-բերան դատին յափշտակութեամբ:

— Լոյս է մեր դէնը, — ասում էր նա, — վայ նրանց՝ որ չեն տեսնում իրանց հոգու երջանկութիւնը, նրանք ուրացողներ պիտի նկատուեն էնէր մէնէրի (դատաստանի օր) անեղ օրը, ուրացողների կարգին պիտի դասուեն ըոյր գեաւուրները, կռապաշտներն և ս. Մարգարէն չ'ընդունողները:

— Ուրացող, — լսեց այս բառը Ֆիրատ արբեցողների մէջ նստած, խմելու ժամանակ և ասաց իւրովի, — ուրացող, այդ ես եմ... Դուք ինչ ուզում էք քարոզեցէք, դրանք խորթ են իմ գլխի համար: Այո՛, ես եմ ուրացող՝ որ ապրումեմ ձեզ հետ... Ծն, մաստիքան, օղի պէտք է ինձ՝ որ թմրին իմ զգայութիւնները, թմրի խիղճն իւր մշտամըմունջ բողոքներով, թմրի հոգին իւր նախկին սրբազան դրոշմներով, որ հալ վարդապետն է կնքել ս. Աւետարանին էջերով, ինձ Սիմէօն հայր սուրբի նման մարդն է կրթել: Ա՛խ... ես իմանում եմ ձեր քարոզի լիտի սրտութիւնը, իւլէմներ, բայց՝ ընկած եմ... ընկած եմ, բիւր աւանդ ինձ, իմ անմխիթար ազգն էլ չունի յենակէտ, չունի կայան, եթէ ո՛չ, իմ սուրը՝ կրպատասխանէր ձեզ, իմ սուրն,

անյագ կրխմէր ձեր գարշելի արիւնից, մեր դաշտերին վրայ կրփուէի ձեզ արաբական աստղերից շատ հեռի... ու շատ հեռի:

Լուսինը դժգոյն լուսով գծագրում էր Ֆիրատի մեղամաղձոտ և գեղեցիկ դէմքը: Մտածմունքի ժամանակ, նրա խոշոր, արծւի աչքերից գլորւեցան և մօրուքի անտառում կորան երկու կաթիլ արտասուքներ, մի մի խոնաւ ծիր թողնելով այտերին վրայ:

— Ֆիրատ, — դարմանքով դիտեց Տամատ Մուստաֆա. — դու լաց եղար սիրելիս, և ինչո՞ւ, այս նորութիւն է: Ի՞նչ եղաւ քեզ, չըլինի՞ թէ մեր ծուռ-բերան դատու ջէնէթը քեզ հրապուրեց, օ՛ն, քաջին արտասուքն անվայել է, եթէ ջէննէթում այդքան հուրին էժան է, բա՛, ինքն ինչո՞ւ ժամանակ է անցկացնում, ինքն իրան չի սպանում ու գնում:

— Մուստաֆա — պատասխանեց Հայթան հառաչելով. — նրա նկարագրած Ջէննէթն իրան պէս ցնորամիտների տեղն է, ես դրա վրայ չէի մտածում... Մտքիցս մի շարք տխուր բաներ անցան... Եյնէնք այստեղից, մի քիչ հեռու գնանք, թող մեզ չըհամեն իմամներ խօսքերը, նրանք սարսափեցնում են ինձ... Գաղափարները զուգորդւած էին Ֆիրատի

մէջ, ինչպէս իր ասածից կերևայ, քրիստոնէութեան ոգին հեռացնում էր նրան:

— Հեռանանք — միահամուռ վճուեց արբեցող խումբը:

Լուսինը խաղում էր ծառերի հետ, տերևների արանքներից կարծես արծաթի մանր ու խոշոր կտորներ փուռում էին այգուն մէջ: Արբեցողներն ընտրեցին մի անատեր տեղ, ուր ազատ թրպրաում էր լուսատուն կաթնաթոյր ծովակի մէջ...

Այս բոլորը չէին վրիպում Զիայի աչքից, նա բնական գտաւ նրանց հեռանալը. խսկոյն իր մօտ նստած մեծ դատուն դառնալով, ժպտագին փափսայ նրա ականջին:

— Լօթիներն հեռանում են՝ ա. հայր, դիտեն որ իրանց այս արաբքը հաճելի չէ:

— Է՛հ, դրանք իսլամներ չեն, անառակներ են, միայն պաշտօնական օրեր գնում են մզկիթ այնուհետև չես տեսնում աղօթելիս:

— Նկատեցէք խնդրեմ. այդ չորան էլ, Քէօփրուլու օլլին, Տամատը, Ֆիրատը, Ալի — Զէքին քրիստոնէի որդիք են:

— Գիտեմ՝ նրանք հետևում են իրանց կաթին հետ սրտերը մտած օրէնքին, — հաստատեց մեծ-դատին ծուռ բերանը բանալով:

— Վայելում է իսլամին:

— Չի վայելում, բայց կանեն: Մենք անկարող ենք այդ սէզ առիւծներին զսպել, խսկոյն աշխարհն իրար կանցնեն: Ես քանիցս զրեցի Շէյխ-իւլ-իսլամին, պատասխանեցաւ քաղցրութեամբ յորդորել, կամ իսպառ աչք գոցել. զգուշանալ բռնութիւնից:

— Թէև բոլոր ենիչերիքն իսլամ չեն, սակայն՝ իսլամական կրօնը սովորելով քեզանից և ինձանից լաւ իսլամ են այսօր: Նրանք կարելի է մինչև անգամ չըզխտեն իրանց յունական, հայկական ծագման մասին, ջերմ հետևորդ են Բուսուլլահին: Ինչպէս ասացի՝ նրանց ծայրայեղ ազատ կաց ու նիստը պէտք է իրանց կեանքի պայմանների և ծնողների մէջ որոնել: Ժառանգական մի շարք սովորութիւնները, կանցնեն իրանց, ապագային որդիքը կը ձուլին մեր գաղափարով: Ուրեմն՝ չըպէտք է հետամուտ լինել բռնութեամբ:

— Շատ բարի, — արմուտց Զիա՝ իսլամական մի ժպիտ ծածկելով էր փշաղած, խորշոմած դէմքի ակօսներում՝ կարելի է ուրեմն առանց բռնութեան սրանց յետ կասեցնել կորստաբեր ուղղութիւնից, կարելի է դուրանի խօսքերով սանձահարել:

— Ես չեմ ըմբռնում ձեր վսեմութեան միաբը.

— Շատ բացայայտ եմ խօսում, ս, հայր, կարելի է այս երեկոյ իսկ՝ արգելել սրանց իրանց յօժարութեամբ: Ձեր սրբութիւնը կը ներկայանայ նրանց մէջ, յանուն օրինաց, համոզիչ խօսքերով ճառք անել կըտայ, վերջացաւ: Երկրորդ օրը կըյիշեն նրանք իրանց ուխտը, կըթողնեն արբեցութիւնը, որ գեաւուրներին է յատուկ, կըդառնան բարեպաշտ իսլամներ...

— Լաւ էք ասում, — ժպտալով պատասխանեց մեծ իւլէմէն, — միթէ՞ նրանք յանձն կ'առնեն, կըմտնեն շառթի, հարց է դա:

— Արբեցողն առատաձեռն, առատասիրտ է լինում, նա չէ խնայում իր կեանքը՝ եթէ խնդրողը լինի ձեր սրբութեան պէս մեծարոյ, պատկառելի անձ նրա աչքում...

— Մոռանում ես ուրեմն այն առածը, որ ասում է. — արբեցողի յանցանքը չի քնննւում, նրանից բացակայում է ուժեղ կամք, բացակայում են դատողութիւն, կըթութիւն, նա միայն ընտանեկան դատարակութեան ցնցոտիներով է փայլում ոգելից ըմպելիքով ողողուն: Ուրեմն ի՞նչ արժէք ունի կամ պիտի ունենայ արբեցողի շառթը:

— Շառթը կարելի՞ է եղծել:

— Ո՛չ բնաւ:

— Եթէ ձեր սրբութիւնը կամենայ, իսպառ կարող է ջնջել զազիր ախտն այդ ազնիւ փաշաներից, կարող է շառթ անել տալ, քանի որ ամեն տեսակ շառթ միւսնոյն է և կնքել տալ իրանց խօսքը, յետոյ լըջութեան ժամանակ իմաց տալ, այնուհետև նրանք չեն կարող օրէնքից դուրս գալ:

— Ես չեմ կարող համոզուիլ:

Խառնածին Պօշնաք — փաշան հայեացքով հետևում էր իր դաւակցին, Զիա ոտքի ելնելով, մեծ դատուն տարաւ մի անկիւն, մի մեծ քսակ գնելով ափին մէջ՝ շշնջաց.

— Ձեր սրբութեան թող յայտնի լինի՝ որ այդ չորսին էլ սրտով եմ սիրում, բայց՝ աւելի ֆիրատին, որի ամուսինն այդ քսակը ձեր սուրբ անունով ինձ ուղարկելով, խնդրել է շառթ կնքել տալ, որպէս զի ինքն ազատւի նրա վայրագութիւններից:

— Եթէ՞ ոչ, Զիա, այս աւուր շարժման պտուղն է այս քսակը:

— Ինչ ուզում էք՝ համարեցէք...

Մեծ-իւլէմէն անմիջապէս քսակն անայտացուց և ազահ աչքերը Զիային սևեռած՝ մըմուաց հազիւ լսելի ձայնով.

— Դուն ապահով եղիր... վերջանում է գործը, բայց՝ ահռելի վրէժխնդրութիւն է սա՛ Ձիւն:

Հատին իր քայլերն ուղղեց դէպի արբեցողները, Ձիւ մի քանի ըսպէ տրճանացած դիտեց նրա երթան՝ ապա գոհունակ դէմքով վերադարձաւ դէպի իր խումբը: Խառնածինը նրա ճանապարհին վրայ ցցւած էր, դաւակցին ձեռք բռնելով՝

— Ինչպէ՛ս, — մրմուռաց քթին ծայրով:

— Լռութիւն, Համտի՛, գործն յաջող է՛ շնտ... այդ պատճառաւ հրամայած եմ ընթրիքն ուշ տալ... քայէ՛, մենք խմբին մէջ պէտք է լինենք...

Պայծառացած էր Ձիայի դէմքը. նա գտնւում էր հոգեկան ուրախ տրամադրութեան մէջ...

Մեր նախածանօթ լօթի փաշաները բազմած խմում էին և պատմում սիրային արկածներ, միայն Հայթա— Ֆիրատ պաշարւած մի անորոշ տխրութեամբ գուցէ նախազգացմամբ՝ Հանրի թագաւորի պէս տխուր անցքեր գուշակելով, կամ ինչպէս տեսանք մի անգամ, գուցէ ուժգնապէս վերականգնած էր խիղճն իր խայթոցներով, այդ իսկ առթիւ, թէև արբած, չէր ուզում բերան բա-

նալ, մասնակցել ընկերների գւարճախօսութեան, կարծես զուում էր սիրային վէպերից, ցանկանում ինքն իր մտածմունքի մէջ ընկզմել, վշտերի դէզերն ողողել ակթօհօլով, ինքնամոռացութեան, անզգայութեան կարօտելով:

— Յիրատ, սիրելի Յիրատ, դիտեց Ապտուլան փաշա, — դու շատ տխուր ես, ի՞նչ ունիս:

— Միրելիդ իմ, կան ժամեր՝ որ մարդ ցանկանում է չըլինել:

— Դու քիչ առաջ արտասուցիր՝ Յիրատ, — մէջ մտաւ Մուստաֆա, — իսկ հիմա մելամաղձով դէմքդ շղարած՝ չես խօսում, լուռ, տխուր վերցնում ես բաժակը, խմում ես մի մի ումպ, թէև արբած. որպէս աչքերդ են յայտնում իրանց ֆոսֆորային փայլով, բայց՝ չես գւարճանում, երթալով նսեմանում ես...

— Սա ինձ գւարճացնում է այսօր, Մուստաֆան, սի՛, անգոր է, փոթորկած եմ ես, տխրած եմ առանց պատճառը գիտենալու. չըղիտեմ ինչ կենդանի օրինակով պատկերացնեմ հոգիս...

— Խօսիր, խօսիր և տխրութիւնն ինքնին կը չքանայ. արտմութեան միակ դեղը, բա-

ընկամ, մտերիմ խօսքն է, սրտի բանալն է:

— Դու տեսնել ես Կ. Պոլսոյ ծովը...

— Ինչպէս չէ... ան, ես Սև—Ծովի ափին եմ բուսած:

— Լաւ. երբ օրը լինում է ջինջ ու պայծառ, հովերը լռած, ննջած անկուշտ ծովն իր արենախում փապարի մէջ, ծածկւած բիւրեղեայ վերարկուով, նրա հայելու նման՝ լուսավառ մակերևոյթի վրայ. ուստոստում են միայն արևի ոսկեփայլ ճառագայթներն այլեծածան շողշողալով սլանում ափէ ափ: Յանկարծ գարթնում է նա: Երբ հնչում է թեթև հողմն՝ այլայլում է ջինջ հայելին, փոքրիկ արեակներ վէտ ի վէտ ոտքի ելած, սարսուռի պէս սահում են յառաջ, անվերջ յառաջ մինչև յափն յառաջ: Հետզհետէ սաստկանում է քամին, փետուրների պէս հողմալար ամպերն երևում են իսկոյն, թխաթոյր կախում են նրա վրայ: Ծովն այլեկոծւում է, փրփրակուտակ ալիք ծայրատում, իրար ջարդում, փշրում, բորենինների վոհմակների պէս գոռնչելով դէպի ափերն են խուճապում, վերստին մրմուռալով մոլեգին՝ անդրադառնում դէպի ծով, լեռնանում, իջնում, ափերն և ապառաժներն են կրծում: Ծովն ինքն իր մէջ է խեղդում տարերբի

կատաղութիւնը, ինքն իրան հեծեծում, մոնչում: Ո՛հ... Մուստաֆա, սա է մարդուն հոգուն քիչ նմանող: Այժմ այլեկոծւած է հողիս, ուզում է իր ափերը պատառել, անհրնարին բարկութեամբ դուրս ժայթքել: Թէ ի՞նչն է այլեկոծել նրան, թէ սրտեղից է հնչում այս ժանտաբոյր հողմը, սև վշտի յորձանքը, չեմ կարող որոշակի ասել, միայն ես ինձ գտնում եմ յուզւած, այլեկոծ, իմ մէջ ոտքի ելած խուռներամ, անկերպարան ալիքներ, որք իրանց լեռնանման անդնդահոծ դէգերով կամենում են ընկղմել ինձ... Իսկ ես ուզում եմ կուել ու մեռնել, բայց՝ չըզիտեմ ում դէմ, ում հետ, թէև այդ կուլը լինի անհաւասար... գոյութեանս պատճառին, եթէ ոչ իմ դժխեմ ճակատագրին դէմ... Օ՛ն անդր, բարեկամներ, — վերցնելով օդու բաժակը, — պարպում եմ այս անիծած մաստիքան այն օրհնած ծառի կենաց, որի կոտորուած, գօսացած, չորացած ոստերն ու արմատները՝ դեռ գարնան յոյսով, սպասում են թօթափել սառցեղէն վերմակը, սպասում են ամառան գեփիւռների հետ օրօրելու, օղասիլ թուշունների բնակարան լինելու... — Տնւր՝ երկինք, քո անկած գառամեալ ծառին կեանք և արև, տնւր նրան գարնան և երգեցիկ

Թոշունների գուսան խմբեր, նրա կոտորած-
լած, օտարայած ոստերն յայնժամ ուրա-
խութեամբ կրվառուեն նեաւած հնոցներում,
ուրախութեամբ կազմալուծւած աճիւն կը-
գանան, աղբիւրի պէս կը պարարտացնեն
արգաւանդ գաշտերն օտարին...

— Ֆիրատ ջան, մենք էլ ենք խմուս այդ
հին ծառի կենացը:

Մրբեցողների դէմքերը մուսլ պատեց.
խմեցին՝ գուցէ մասամբ հասկանալով Ֆի-
րատի այլաբանութեան սիտքը:

Նրանք այսպէս շարունակուով էին:

Լուս Ֆիրատն այժմ փոխւած էր, այդ
փոքրիկ ճառն արձակեց նրա լեզուի կնիքները.
հեազհետէ չքացաւ կարծես տխրութիւնն իր
մուսլութեամբ, բայց՝ խօսակցութեան նիւթն
էր ոչ թէ սիրաբանութիւն, այլ խիղճ և ազ-
նութիւն, կամ այսպէս ստած իրար չը-
վտասներով՝ քրքրուով էին քրիտոնէական
կրօնի մակերևոյթը, խղի, ազնուութեան,
բարոյականութեան դիմակներով ծածկւած:

— Տղայք, իմ մէջ տնկական եմ գտնուով
մի բան, մի վեհ, սուրբ սկզբունք, ասաց
Ֆիրատ մի գաւաթ էլ պարպելով,— ինչ որ
ուզում ես ուրիշները քեզ չանեն, դու մի
անիր ուրիշին: Մենք իսլամներս չենք հե-

տեում այդ ուղիդ սկզբունքին և ինչո՞ւ հե-
տեինք, մեր ինչին են պէտք ազնուքիւն,
խիղճ, չէ՞ որ մեր մարգարէն պատւիրում է
ծայրայեղ զթութիւն, որ մենք այդ ազնիւ
զգացումը տարածում ենք շների վրայ, բայց
անխնայ կոտորում ոչ մահմեդականին...

— Ես այդ լսել եմ, — ընդհատեց Ապ-
տուլլահ, — լսել եմ իմ փոքր ժամանակ իմ
դաստիարակից, որ մի յոյն կրօնաւոր էր:

— Ի՞նչ յունական ծագում ունիս:

— Չեմ ժխտում, ես մակեդոնացիներից
եմ:

— Ես էլ քեզ պէս առնաւորս (մակե-
դոնացի) եմ, — երկչոտ կերպով ասաց Տա-
մատ-Մուստաֆա, — բայց ոչինչ չեմ յիշում
իմ ծնողներից:

— Ես յոյնի որդի եմ, — ետ չրմաց Ալի-
Ջէքի, — իսկ դո՞ւ Ֆիրատ:

— Ե՛ս, բարեկամ, ոչինչ չեմ յիշում, ես
ինձ իսլամ եմ գտել, — ստեց նա:

— Տղայք, միջամտեց Մուստաֆան, —
նայեցէք, ծուռ-բերան մուլան, կամ մեծ-դա-
տին մեր կողմը կը գայ:

Թէև լուսինը ծածկւած էր թափանցիկ
ամպի շղարշի տակ, սակայն լուսաւորում
էր այդին, միայն խիտ ծառերի սուերներն

աւելի նսեմացած, մի տեսակ գորշ մթու-
թիւն էին տարածում, որոց մէջ սեպի պէս
ցցւած էր երևում մեծ-դատին, որ մօտենա-
լու ժամանակ ճանաչեց Տաճատ-Մուստա-
ֆան:

Դեռ ևս նրանք պատրաստւած չէին
մեծադիր հիւրն ընդունելու, երբ նա առաջ
գալով, ժպտալով՝

—Սէլամն ալէիւմ,—ասաց:

Ձ.

Շ ա ո ք

—Փաշաները շփոթեցան, միմեանց երե-
սին նայեցին հարցական հայեացքով, ընդե-
ւիցէ ոտքի ելնելով, ասացին միաբերան.

—Բույուրուն (համեցէք), էֆէնդիմ բու-
յուրուն:

Մեծ-դատին բազմեցաւ Հայթա-Ֆիրատի
կշտին՝ միևնոյն խորախորհուրդ, կեղծաւոր
ժպիտն երեսին, աշխատելով իր թաւ բերխի
պրակով ծածկել մի կողմ հակւած բերնին
խոռոչը:

Սովորական սէլամ-ֆէլամից (հարց ու
բարև) յետոյ,

—էֆէնդիմ,—ասաց Քոփրուլու օղլու
Ապտուլլահ փաշան, անբաղաճաճարի չերևե-

լու նկատումով,—ինչո՞վ կարող են ձեր սըր-
բութեան ծառաները պատուել ձեզ, գիտենք՝
որ մաստիքա...

—Ես ոչինչ պատիւ չեմ ցանկանում,
ընդմիջեց դուրանի որդին լուրջ կերպով,—
ձեր վսեմութեանց երեսները տեսնելն իսկ
շատ է ինձ: Իսկ ձեր ուրախութեան նա-
յեցէք, սիրելիք...

—Ազամէթ, Ազամէթ,—որոտալու պէս
ձայնեց Մուստաֆա դէպի սպասաւորի կող-
մը դարձած,—սուրձ, չիպո՛ւղ, օշարակներ
բերէք. մեծ-դատի էֆէնտին մեզ մօտ է:

—Այս ըոպէին, տէր իմ,—լուեցաւ հե-
ռաւոր ծառերի տակից:

—Մի՞ գուցէ իմ ներկայութեամբ խանդա-
րեմ ձեր վսեմութեանց քաղցր գլարձութիւն-
ները,—վրայ աւեց գուշիկ բերան սուրբ մարդը
մի գոհունակ արամազըութեամբ,—գիտեմ՝
սիրելիներ, որ գուք խմում էք մաստիքա...

—Ղուրանը — գէտիւմը, — պատասխանեց
Ֆիրատ, — գէմ է կարմիր գինուն, որովհետև
քրիստոնեաներն ընդունում են Իսաայի (Քրի-
ստոս) արեան փոխանակ, մաստիքան զրա-
նւած է Ջաֆէր բժշկի ժամանակ. նա ինքն
էր արքայ — օղին պատրաստող, ուրեմն սրա
համար չէ արգելքը...

— Ո՛հ, դուրանը բոլորովին արգելում է ողելից ըմպելիների գործածութիւնը, որոնք մայր են ամենայն չարեաց...

Սուրճ, չիպուզ, օշարակ մատուցեցաւ մեծ-դատուն:

Փաշաները թէև խմում էին մաստիքա՝ ոչ առաջին եռանդով, իւրեմէի ներկայութիւնը կարծես թունաւորեց նրանց ուրախութիւնը, կարծես երկնչում էին առաջին ոգևորութեամբ արբենալ, վիճել իրանց սիրելի խնդիրների վրայ: Ղատին այդ լաւ էր գգում, սակայն ամենևին իր տեղից շարժւել չէր ուզում: Փաշաներն արբած էին բառին իսկ նշանակութեամբ, նրանց խօսքերն անիմաստ, շարժումները կոմիքական էին: Մի քանի ըոպէ գսպւելուց յետոյ, վերսկսեցին խմել, խօսել առանց իրար հասկանալու: Ղատին գոհութեամբ էր նայում, կարծես նա ցանկանում էր նրանց այդպէս տեսնել:

Հայթա—Ֆիրատ, որովհետև նստած էր Ղատու կշտին, ստիպւած էր նրա չոր ու ցամաք հարցերին պատասխանել, թէև ահամայ, ուշադրութիւնը կենդրոնացնել նրա վրայ: Իսկ եզուխտաբարոյ դուրանի պաշտօնեան՝ գոհ էր իր գործած տպաւորութիւնից, աշխատում էր գրաւել Ֆիրատի միտ-

քը, խմել տալ և հեազհետէ մերձենալ իր նպատակակէտին, որի առթիւ ստացած էր մի մեծ քսակ ոսկի Ջիայից նրա վրէժը լուծելու, թունաւորելու Հայթայի կեանքը: Ինքը շատ լաւ գիտէր, որ գործիք է դառնում Ջիայի ձեռքում, քանի որ ստացած էր մի քսակ. եթէ Ֆիրատ որդին լինէր, պիտի մասնէր:

—Ձեր սիրելի ընկերները՝ փաշա էֆէնտի,—խօսքն ուղղեց նա Ֆիրատին,—բոլորովին խելակորոյս են եղած:

—Մաստիքան ընտիրն է,—պատասխանեց Ֆիրատ լակոնական ոճով՝ կարճ կապել ուղելով Ղատու խօսակցութիւնը:

—Բայց՝ ձեր վսեմութիւն շատ լուրջ է:

—Պէտք է լուրջ մնալ:

—Ձեր շարժումները նման չեն արբածի...—ստեց սուրբ մարդը:

—Արբած եմ,—խոյս տալ ջանաց Հայթան մի խօսքով:

—Ընդհակառակը,—վրայ տւեց դատին՝ ծռած շրթունքին վրայ մի հեգնական ժպիտ ալեկոծելով—դուք ամենևին արբած չէք... և ուզում եմ, որ երկու գաւաթ իմ ներկայութեամբ խմէք, որպէս զի հաւասարիք ձեր վսեմաշուք ընկերներին:

Հայթա—Փիրատ արդէն պատրաստուում էր խմելու. դատու յորդորը գուր չանցաւ: Նա վերուց բաժակը և բարեմաղթութիւններ անելով խմեց: Այսպէս կրկնեցաւ մի քանի անգամ: Ապտուլան, Մուստաֆա արդէն ննջած էին, Ալի-Ջէքի նոյնպէս պատրաստուում էր գլորելու, սակայն՝ Հայթան դեռ խմում էր և ճամարտակում պատահած նիւթերի վրայ, արդէն իսպառ անձնատուր եղած ոգելից ըմպելուն:

Շէյխն սպասում էր միւսների քնելուն. երբ նրանք ընկղմեցան մնացին, մեղմ և քաղցր կերպով ասաց խօսակցին.

—Սիրելի, կըբարեհաճի՞ք ինձ հետ ման գալ պարտիզում, որպէս զի՝ թուլանայ օդուն ազդեցութիւնը: Տեսնում էք, որքան գեղեցիկ երեկոյ է, կապոյտ ջինջ երկնակամարն սողուած է լուսնի կաթնաթոյր լուսով, մարգարէի ուղին *) նորից մասնաւոր փայլով՝ հսկայական կամարի պէս ծրարում է սարերի գագաթներին և խիստ հեռին կորչում հորիզոնի ծոցերին մէջ: Տես, լրացած լուսնակը խաղում է, նազում երկնամէտ բար-

*) Յարգագողի ուղին, որի վրայով (°) շրջել է Մուհեմէտ...

Ս.

դիների, սօսիների սուերախիտ սաղարթներում: Լուռ է հողմը, լուռ են այերբ, լուռ է բնութիւնը, լուռ է քաղաքն աղմկաշատ և ծածկւած արծաթահիւս քօղերով: Մենք ենք գիշերւայ զարդը, մենք ենք լսում երգ ու նւազ, սաղի տգտոցը, ջութակի սուլոցը, վնի (սանթուր) մետաղային դօղանջը ձուլւած ի միասին՝ յօրինում են ներգաշնակ սիրերգական մեղեդիների հրաշալի ելևէջներ և ծածանում ննջած մթնոլորտում...

—Արդարև—ընդհատեց Հայթան ոտքի ելնելով, գուցէ ազդւած բնութեան դիւթիչ կերպարանքից,—մի քիչ շրջենք: Հրաշալի երեկոյ է: Ահա սկսում է փչել մեղմ, հովասուն զեփիւռը Պինգէօլի (Բիւրակունք), քորելով Այարլի տաղի պշուցած գագաթն՝ իր հետ է բերում խօսնակի տխրանոյշ երգերը, կոծկոծելով անցնում է այս սիրուն պարտիզի ծառերին միջով, մանուկ ալիքներ սօսափելով կարծես իրար վրայ են ընկնում: Պարտէզն իր մէջ հեծեծում...

—Երբ աշխարհն այսչափ սիրուն է,— նիւթն յեղաշրջեց ծուռ բերան ալլահաբանը,—հապա որչափ սիրուն, գմայլելի է յօրինողին մշակած այգին. ջէննէթն՝ ուր փայլում է անանց արփին, ուր շողշողում են

բիւրաւոր մէլայէքների թևեր իբր ադամանդ շողարձակ, ուր հնչում է թռչունների գայլայլիկներից հիւսւած քնարի ձայնն՝ ուժգնապէս խառնելով սրտագովիկ հովերին, ուր օդի մէջ պեկոճւում է հոգեղէն խօսնակի տարփալի «Լահ-իլ-ուլ-Ալլահ»... նաժազի նախերգը, հրաւէրը... Ա՛հ, սիրելիդ իմ, մարդ պէտք է աշխատի օր առաջ թողնել այս ցաւերի տունը, երազեղէն կեանքը, բնակւի եագութ, գուժութ, ադամանդակներից կոփւած, յօրինւած ճաճանչաւէտ դարպասներում, ճեմէ ջէննէթի անգիշեր պարտիզում, մէն մի ծաղիկ, մէն մի վարդ հոտոտելու ժամանակ՝ շրջապատի անշամանթաղ, չնաշխարհիկ հուրիներով, սիրէ՛ սիրւի, գգւէ՛ գգւանք ընդունի, համբուրէ՛ համբուրւի տարփատենչ յաւերժահարսների հետ երկար, անսահման, անմահ կեանքով մինչև յաւիտեան, որտեղից խոյս են տրւած սրտմութիւն, արտասուք, ուր թագաւորում է անվերջ սէր, անվերջ սիրերգութիւն, շնորհիւ Րուսուլլահ — Մուհէմմէտի...

Հայթան լուռ էր, չէր պատասխանում, գլուխը քարշ ձգած գնում էր մեքենապէս դէնպետի ուզած կողմը: Ինչպէս ինքն ա-

սում էր՝ օդիով ողողւած մի մեքենայ էր նա, չէր հասկանում, չէր ըմբռնում: Թուլացած կամք, նիրհած գգայութիւններ, թմրած իմացականութիւն, կամ անգործ հասողութիւն գլորում էին մարմնեղէն անիւն ի ձեռքն գգայարանքների ունակութեան: Հոգին կարծես սլացած էր մարմնից դուրս, չըկար ո՛չ մի արգելք, ո՛չ մի դժւարին, ո՛չ մի անհրնարին գործ, չըկար և կեանք, երազուն էակ՝ թուլացած գգայարանքներով, թոյլ վերըմբռնումով, ննջած յիշողութեամբ: Իբր շղթայակապ ստւերներ՝ խոյս տալով կորչում էին բոլոր մտապատկերք, ներկայ և անցեալ, սլանում, խուսափում, կորչում անծայրածիր խորքերում, ինչպէս մի պատառ ամպիկ խլում, քշում է հորիզոնից հեռի և հեռի որոտագոչ ուժգին քամին: Փիրատ չէր ըմբռնում դէնպետի խօսքի միտքը, լեզուն միայն՝ նմանողութեան թելադրութեամբ, դուրս էր բերում նման գաղափարների բեկորներ, այդ անբանացած ողորմելուն ներկայացնում մառդ: Ո՛հ, որչափ դիւրին էր, — եթէ հոգեբան լինէր դէնպետը, — կորզել նրանից մեծ և ժահառիթ գաղտնիքներ, բարեբախտաբար երազող Մահմէդի որդին միայն իր նպատակին էր դիմում, վասնորոյ Փի-

բատ երբեմն համակերպում, երբեմն նրմանում էր նրան:

—Միրելի Ֆիրատ, — ասում էր Շէյխ-դատի փորձիչը, — ես թէև հաւանում եմ քո վարքուբարքը, քաղցր բնաւորութիւնը, սակայն՝ ցաւում եմ, որ քեզ պէս բարեբարոյ, ազնւասիրտ մարդն ընկած է արբեցութեան ցեխի մէջ... չէ՛ կարելի արդեօք դրա օձիքը բաց թողնել:

— Իրաւի... ցեխ է, գլորւում եմ... — ձայնը բարձրացնելով — էյ, Ազամէթ, մաստիքս բեր... որչափ ենք խմել...

— Դու չես լսում ինձ...

— Ի՞նչ էիր խօսում...

— Ձեռքս կարող, ասում եմ, արբեցութիւնը թողնել...

— Եթէ ուզենամ... կարող եմ... էյ, Ազամէթ...

— Հրամայեցէք՝ էֆէնտիմ, — խորամանկ ժպիտը դէմքին՝ պատասխանեց Ազամէթը նրա առաջ ցցւելով, — ահաւասիկ օղի, գիտեմ՝ որ ձեր վսեմութիւն այս առթիւ էր կանչում:

Արդէն լցւած էր գաւաթը, Ֆիրատ օրօրւելով կանգնեցաւ, կէսը թափելով խմեց,

երկրորդեց, ապա՝ իւլէմէին դառնալով, ասաց անկապ կերպով.

— Ձեր սրբութիւն կըտեսնէ... էյ... զինով եմ... շատ խմեցինք, ո՛չ, ծառերն էլ են արբած, օրօրւում են, համբուրում են լուսնի կարմրագեղ սկաւառակը...

— Հասարձ... Ֆիրատ ջան, չէ՛ս կարող թողնել արբեցութիւնը, — վերսկսեց իր ակտուն զուրանի աշակերտը, — քեզ ափսոս է, ափսոս է կրօնիդ, ի՞նչ է այդ անիծած օղին:

— Գէշ է գէշ... բայց՝ խմում եմ...

— Լաւ՝ երբ իմանում ես վատ լինելն՝ էլ ինչո՞ւ ես խմում:

— Խմում եմ... — Այսպէս գնանք, թող քամին երեսիս փչէ:

— Գնանք, սիրելիս, բայց՝ ինձ չես պատասխանում:

— Չըզիտեմ... ի՞նչ ես հարցնում:

— Հարցնում եմ՝ չէ՛ս կարող օղին մերժել:

— Եթէ ուզենամ... կըմերժեմ...

— Լաւ, պէտք է մերժես...

— Մերժեմ... արդէն խմած եմ...

— Այսօր խոստացիր, վաղը մերժիր...

չի վայելում քեզ, Ֆիրատ, քո ազնւութեան, քո քաջութեան, քո մեծ աստիճանին, քո պատւին...

— Լաւ, բայց ի՞նչ անեմ... դու ե՞րբ ես տեսել բարի, առաքինի ենիչերի... չէ ո՞ր ես նրանց փաշան եմ...

— Հապա ասում էիր՝ եթէ ուզենամ կթողնեմ...

— Այո՛, կըթողնեմ...

— Ուրեմն՝ թո՛ղ սիրելիդ իմ Ֆիրատ, թող ասում եմ քեզ, յանուն մեծ-մարդաբէին լինի...

— Լաւ, այսօր խմենք... վաղը մտածենք...

— Այսօր խմիր, բայց խոստացիր վաղը չ'արբենալ:

— Լաւ

— Սօսք կըտամ. հիմա հաւատամ:

— Ի՞նչ...

— Սօսք կըտամ, ասում եմ...

— Այո՛, այո՛, խօսք կըտամ...

Ղատուն դէմքը փայլեցաւ անսահման ուրախութեամբ, Հայթա-Ֆիրատի թևը մըտնելով տարաւ դէպի իւլէմէների խումբը, ուր և բազմած էին Զիա և այլ փաշաները:

— Վերջապէս, — յաղթական ժպիտը դէմքին, հպարտ կերպով ասաց դատին, առանց իր բերնին ծռութիւնը ծածկել ջանալու, — դևերի ձեռքից ազատեցի մի բարեպաշտ, քաջ, առաքինի մարդու հոգի և այժմ ձեր

ներկայութեամբ նւիրում եմ ս. Մարգարէին:

Բազմականք երկիւղածութեամբ սէլաւէք բերին դուրանից մի մի հատուած մըրմուռով, երեսները շփելով: Հայթան ապուշ հայեացքով, առանց հասկանալու նայում էր նրանց. գուցէ իրագեկ լինելով խոյս տար ծուղակից, եթէ խորամանկ դատին չըկանխէր նրան ասելով.

— Դուք ինձ խօսք տւիք, վսեմափայլ տէր, այնպէս չէ՞, հարցուց նա յոգնակի խօսելով.— քանի որ ներելի չէ մէնջիտում (ժողով) մտերմի հետ իսկ եզակի խօսել, — խոստացաք վաղը չըխմել...

— Այո՛, այո՛, — շշնչեց Ֆիրատ դեռ ևս չըհասկացած:

— Հիմա էլ բազմականների առաջ կըրկնում էք ձեր վսեմութեան մեծարժէք խօսքը...

— Է՛յ Ազամէթ, ո՞ւր է այն սրիկան, մաստիքա բեր...

— Բազմութիւնը վկայ լինի՞ ձեր խօսքին, — հաստատեց ծռու բերան դատին, զսպել ջանալով ուրախութիւնն և քովտի Զիային նայելով, — սրանք վկայ լինի՞ն...

— Է՛յ, Ազամէթ, մաստիքա բեր ասում եմ, անառակ...

Ազամէթ ժպտալով ներկայացուց մի բաժակ, Ֆիրատ ձեռն առնելով սկսեց բարեմաղթութիւն և խմեց ասելով, գրեթէ չըհասկանալու չափ և ցած ձայնով.

— Աստուած բարին չարի չըմասնէ...

— Ամբն — մըմուացին բազմականք:

— Ասացէք, բարեկամ, — նորից հարցրեց դատին, խոստացաք ինձ միւս անգամ չըխմել, շնորհակալ եմ, ուրեմն վկայ լինի՞ն այս յարգելի բազմակամները:

— Է՛հ, դատի, թող քո ուզածին պէս լինի.

— Երեկից մինչեւ ինն շաբ *) լինի...

— Շաբթ...

— Ուրեմն գրենք և կնքենք:

Ֆիրատ անշուշտ ամենաթող գիտակցութեամբ կնքեց շաբթնամէն (երգման թերթ) առանց իսկապէս գիտնալու թէ ինչ

*) Երեկից մինչեւ իննը (իւշտէն տօքթուզէ) սովորական երգման բանաձևն արտասանելուն ասում են շաբ. ինչևիցէ ծանր, կամ չնչին բանի համար շաբթ անողն՝ եթէ զրժէ, լուծուում են ամուսնական կապերը, վերջանում է ընտանեկան կեանքի քաղցրութիւնն և ստէպ լինում այնպէս, որպէս պիտի տեսնէ ընթերցողս վէպիկիս ընթացքում, կամ աւելի սոսկալի եղեոների դիմում: Ս.

է անում: Զիա անհուն ուրախութեամբ նայեց իր դաւակից Պօշնաք — փաշային: Սառնածինը հաստ շրթունքի ձորակից ցոյց տւեց սպիտակ ատամների շարքերը, կծկեց այտերի կաշին, սև բիբերը վառեց ոգևորութեամբ: Դա նրա ժպիտն էր:

— Տղայք, — ասաց Զիա սպասաւորներին դառնալով, — խօսմ քաղցած մնալու չենք... հաց բերէք:

— Ես ի՞նչ կնքեցի, ուշաբերելով հարցուց Ֆիրատ:

— Շաբթ արիր, որ բնաւ չըխմես...

— Վայ...

Է.

Շաբթի նիսեսանք

Ֆիրատի ապարանքում խորին անդորրութիւն էր տիրում. ննջած էին դռնապան, թիկնապահ, սպասաւոր, սպասուհի. մի խօսքով տասնեակ ծառաներ, բոլոր պալատը թաղւած սև խաւարով և անդորրութեամբ, միայն Հայթայի ննջարանն էր լուսաւորւած գիշերային կանթեղով: Ղութնի, մետաքսահիւս հայէպեան անկողնում ննջած էին այր ու կին. նրանց մեղմ, ներդաշնակ շնչառութեան շշուէջը խառնւելով հինա-

ւորց անիւաւոր ժամացոյց թիբ, թաք-թրաքին խոռվում էին տիրող լուսթիւնը:

Տիկին էլիֆ կծկւած էր վերձակով, հագիւ նրա չքնադագեղ դէմքի մի մասն էր երևում, այն էլ կիսաքող թուխ մագերի պէակներով: Փիրատ փաշա ընկած էր քամակին, կրծքից վեր բոլորովին բաց, ջլապինդ, մտւտ բազուկներն հորանի տարածած, քնած էր խաղաղ և անփոյթ կերպով:

Ժամացոյցը տասն երկու զարկեց, Հայթան զարթեցաւ: Աչքերը տրորեց, վեր ելաւ, դէպի պահարանն ուղղեցաւ. երբ շիշը տեսաւ, յանկարծ օձից խայթւածի պէս մի քայլ յետ ընկրկեցաւ ու կանգնեց մտածելով:

Նրա մէջ յանկարծ զարթած էր յիշողութիւնը, կայծակի արագութեամբ իմացական հորիզոնում փռւած մտապատկերների միախմբումը. նա տեսնում էր սկզբից մինչև ի վերջ կատարւած անձքերի պատկերը:

Նախնական մտատիպարներն աւելի թարմ, պարզ և որոշ էր տեսնում, միւսներն հետզհետէ տժգոյն, նսեմ, հեռաւոր առարկայի, ուրականի, կամ մեծ մասամբ մոռացւած երազի պէս էր յիշում...

Նա որոշակի տեսնում է, աչքով հետե-

ւում է հէնց իր անձին Փաշին—Քեօշքը գնալու ժամանակ, տեսնում է այգում շարւած բոլոր մեծամեծներին, Զիային, դատուն, սուրճ, չիպուղ ընդունելուց յետոյ՝ չորս անբաժան բախտակից ընկերները քաշւում են քիչ հեռու, խմում են լրացած լուսնին նայելով... Այժմ երթալով խաւարում է պատկերների շարքը, ծխի սիւնի նման տարածւում է և կորչում հեռաւոր այերքում... իրանց մէջ է տեսնում ծուռ-բերան դատին... նա խմեցնում է... նրա հետ շրջում են այգում. մի ինչ որ շառթ է առաջարկում,— իր հաւանութեամբ եթէ ոչ խաբեբայութեամբ,— կնքում է... յետոյ վիճում է այդ մասին... ընկերքը գալով ուզում են դատուն կտրտել... Զիան փախչում է... հանդէսը վերջանում է... Ապտուլլահ, Մուստաֆա իրան տուն են բերում...

Այս բոլորն անսկարագրելի արագութեամբ յիշելով՝ յետ կանգնեցաւ պահարանից:

— Ես ի՞նչ արի, Աստւած իմ,— շշնջաց նա,— շմութ, հէնց օդու մասին... առանց նրան ես մեռնում եմ, նաև իմ ընկերները չեն ներում... բայց՝ ի՞նչ է շառթը, խօ՛մ ես մահմեդական չեմ... սի... սի, սի, ամեն յոյս

կորած է, եթէ ես դրժեմ ուխտին, դաւա-
ճանեմ կօշիկի պէս հազած կրօնիս՝ ամեն
ինչ կըկորցնեմ, այս... ամէն ինչ, այն ժա-
մանակ ինձ չեն պաշտպանիլ և արենախում
ենիչերիք, եթէ էլիֆ ների, իսկ՝ եթէ չընե-
րէ, ամուսնալուծութիւն... ես ի՞նչ եմ գոր-
ծել՝ Աստուած իմ... բայց՝ ինչո՞ւ մինչև այ-
սօր ինձ չէին առաջարկում շառժ՝ այժմ
Զիայի խնձոյքին, նրա տապալւած օրը...
Սպասիր, հասկացայ, ա՛հ... անառակ, անա-
ռակ Զիա, այս, այս, այդ քո գործն էր, այն
ծուռ-բերան բեաֆթառին խօսում էր նա...
Թիկնապահս առաջ կաշառւած էր մի մեծ
քսակով, բայց՝ ինք չըզիտէր թէ ինչո՞ւ, եթէ
ոչ պիտի զգուշացնէր ինձ... նա թերազրեց
և ես բռնեցայ, յաջող որսորդութիւն, Զիա:
էլ ի՞նչ եմ սպասում պահարանին առաջ,
փակեմ, հեռանամ... ո՛չ, սպասիր,— դէպի
կնոջը կողմը նայելով,— լաւ է, նա ննջում
է, նա չէ լսում:— Գուցէ վերջին անգամն
եմ խմում քեզ, մաստիքս, վերջին մնաս-
բարովն ասեմ: Կամ այսուհետև քեզ միայն
ծածուկ պիտի տեսնեմ... քիչ խմեմ...

Ֆիրատի ձեռները գողգողում էին,
ահով նայեց իր կնոջ կողմն և ՚ի մի ումպ

պարպեց: Աղմուկով անկողին մտաւ, որից
իսկոյն զարթեցաւ էլիֆ:

— Ա՛հ, զարթած ես, Ֆիրատ ջան,—
չնչեց նա տարփազին փարելով ամուսնին
պարանոցը, — այդ որչա՛փ էիր արբած...
գլուխդ իսկի խելքի կտոր չէր մնացել, ինձ
չէիր ճանաչում, հայհոյում, գոռում էիր.
«էլիֆս ո՞ւր է,— ո՞վ է այս անառակ կինը,—
ասում էիր ինձ,— դուրս խուկեցէք, եթէ ոչ
հիմա մասցու կովի նման մասմաս կըջարդեմ
սրան:— Ես եմ, Ֆիրատ ջան,— պատասխա-
նեցի քեզ փարելով,— քո էլիֆն եմ, դու
ինձ չէս ճանաչում, չէս ճանաչում քո ա-
մուսնին:— Ա՛հ, էլիֆ ջան,— մըմոացիր սայ-
թաքելով,— դու ես եղել, ճայնդ իմ էլիֆինն
է... Որքան դժւարութեամբ մերկացուցի քեզ,
աղաչեցի, լացի որ թոյլ տւիր... ուզում էիր
սառայ գնալ, Զիան սպանել... յետոյ մի բան
պատմեցիր, յիշո՞ւմ ես:

— Ո՛չ, չեմ յիշում, ի՞նչ պատմեցի,
հողեակա...

— Պատմեցիր— հառաչելով ասաց տիկի-
նը,— զատուն մօտ Շառք անելը... ասացիր
քեզ խաբած են...

— Շառք... այո՛, յիշում եմ, ստոյգ է:
— Ստոյգ է, — գունատելով, տխուր-
7

թեամբ հարցուց էլիֆ, լսածին չըհաւատա-
լով, շիտկեցաւ անկողնին մէջ, — խելագար-
ւած էիր, սիրելիս, փորդ դե՞ էր մտել, քեզ
սիլ ասաց այդպիսի յիմարութիւն անել...

— Իրաւունք ունիս, հոգիս, ես էլ հէնց
դրա մասին եմ մտածում: Այն գարշելի ծուռ
բերան դատին շառթ անել տեց, որ էլ ա-
րաղ չըխմեմ. ես՝ էլիֆ ջան, ես տիմար
անասունս շառթնամէն կնքեցի... վերջա-
ցաւ...

— Ուրեմն հիմա...

— Այդ դու գիտես...

— Ինչպէս թէ ես գիտեմ, դաւել են
քեզ, պարզամիտ քաջս, դու այսուհետեւ էլ
չես կարող խմել, եթէ խմես... սհ Աստուած
իմ, Ֆիրատ, կըլուծւի մեր ամուսնութիւնը...
ես հիւլ-ուլա լինեմ, ես առանց քեզ մի ըոպէ
ապրեմ կամ մի օր, մի ժամ, մի ըոպէ օտարի
գրկի մէջ մնամ... Բնաւ, սհ, ինձ սպանիր՝
Ֆիրատ, կամ շառթդ պահիր... այնպէս չէ՞
շառթդ պիտի կատարես և չըթողնես որ քո սի-
րելի էլիֆը խայտառակի, կամ՝ յուսահա-
տութիւնից ինքն իրան սպանէ:

— էլիֆ ջան, այդ նիւթի վրայ ես քե-
զանից շատ եմ մտածում. սարսափում եմ...
դու ինձանից բաժանւիս, խայտառակիս,

սիչ... ես պիտի աշխատեմ տեղի չըտալ: Եթէ՝
հակառակ դէպքում, պատահեցաւ խմել, որով-
հետեւ պիտի բաժանւինք, խայտառակինք,
գերընտրում եմ մեր մահը...

— Անշնչա, հոգեակդ իմ, ես ուրախու-
թեամբ կըմեռնիմ քո գրկի մէջ, ինձ խողխո-
ղող աջդ կըհամբուրեմ, քանի թէ կ'ապրեմ
խայտառակած... այո՛, համամիտ եմ քեզ:

— Բայց՝ էլիֆ, եթէ ուզենանք, կարող
ենք առաջւան պէս երջանիկ ապրել, ազատ
և հաստատուն յոյսով ապրել:

— Ապա, միջոց ցոյց տուր...

— Դու քրիստոնէի աղջիկ ես:

— Ճշմարիտ՝ հայ-քրիստոնէի աղջիկ եմ:

— Ի՞նչ կ'ասէիր՝ էլիֆ ջան, եթէ քեզ
տանէի քրիստոնէական աշխարհ, երկուսս էլ
քրիստոնեայ լինէինք, պսակէինք, աներկիւղ
ապրէինք մինչև ի մահ: Քրիստոնեայ լինինք,
էլիֆ, որի սկզբունքներն ու վարդապետու-
թիւններն ազատ են մեծացնում հետևորդ-
ներին, ուր չըկայ բռնութիւն խղճի: Նա
սուրբ է և գերծ ամեն տեսակ լարծուն կեղ-
տոտութիւնից, նա չունի այնպիսի օրէնքներ,
որպիսին ռաութն է: Եթէ ինձ լսես՝ մենք
ունինք ահագին գումար, նոյն պէս երկուսի
մեծագին զարդեր: Գաղտնի, դրանցից դի-

բատարը կառնենք, մնացածները կը ծախենք, կ'երթանք Կ. Պոլիս, Մէկքէ ուխտ երթալու պատրւակով, այնտեղից կանցնենք Փրանսիա, Իտալիա, մի խօսքով ուր որ կամենանք...

— Այդ անկարելի է, — սառն կերպով պատասխանեց տիկինը, — իրօք, ես քրիստոնէի դուստր եմ, բայց քո ասածն անհնարին է, մենք կը բռնուենք, ծուղակը կ'ընկնենք, այն ժամանակ աւելի վատ կ'ըլինի...

— Լաւ, — հառաչելով իսկոյն նիւթը փոխեց Ֆիրատ, — միթէ՞ չենք կարող այստեղ իսկ ապրել, օրինակ՝ եթէ կամքս խմել ուզէ, միայն քո ներկայութեամբ խմեմ...

— Ի՞նչ ես ասում՝ Ֆիրատ, և դա անկարելի է, չէ՞ որ քո շառթին կը դաւաճանես, մեր օրինաւոր ամուսնութիւնը կ'ոչնչանայ, ո՛չ... դու մի ճանապարհ միայն ունիս, պէտք է անխախտ կատարես շառթդ, բնաւ չըլլմես օղին: Ես առաւօտեան իսկ ժողովել կը տամ շիշերն ու գաւաթները, կը թափեմ մաստիքան և ամեն ինչ կը վերջանայ: Ես մազի չափ չեմ կարող օրէնքից շեղուել...

— Էլիֆ ջան, եկ ինձ լսի՛ր, թո՛ղ որ տանը մէջ, խիստ ծածուկ օրէնք մի գաւաթ խմեմ... եթէ գուրսը չ'ասենք՝ ո՞վ պիտի գիտենայ:

— Աստուած գիտէ, — ասաց Էլիֆ խորխոր

կերպով մատը դէպի ձեղունը բարձրացնելով, — դու շառթը նրա հետ ես արել, ո՛չ թէ Ջիայի հետ գրագ դրել, որ ես կարողանամ ներել, կամ սիրոյդ պատճառաւ մասնաւոր խղճի խայթով տառապել: Դու ուզում ես Աստծո՞ւն խաբել, վայ ինձ, դա աններելի մեղք է, Ֆիրատ, ո՛չ, ո՛չ, ինձ սպանիր, կամ այդ հայհոյիչ յոյսերը մոռացիր: Ես նւիրւած եմ կրօնին, հոգիս մարգարէին, սիրտս ու մարմինս միայն քեզ է պատկանում... եթէ կարողանայի շառթը դրժել, յօժարակամ յանձն կառնէի քո առաջարկութիւնն իրագործել, քեզ հետ հեռանալ մեր երկրից:

Ֆիրատ նախատեսած էր արդէն, զիտէր՝ որ հնար չկայ, սակայն փորձում էր մի ելք գտնելու յոյսով: Մինչև ի լոյս աշխատեցաւ համոզել, անդրդւելի մնաց Էլիֆը, պնդելով իր հաստատուն կամքի համեմատ, աղերսեց վերջ դնել արբեցութեան:

— Խօս մօրդ կաթը չէ, հոգիս, — ասում էր ամուսնին համբուրելով, — միթէ օղին ինձանից շատ ես սիրում, թո՛ղ գոնէ մեր սիրոյն համար, ենթադրի՛ր՝ թէ ամենևին խմած չես կեանքիդ մէջ:

Էլիֆ հանրմ առաւօտն ելնելուն պէս, սրւակներ, վանակնեայ ընտիր բաժակներ

ժողովեց փաշայի սենեակներէից, իր ձեռօք գոցեց մառանի պահարանում: Ֆիրատ աչքով հետևում էր նրան՝ համակած խորին տրամութեամբ:

Նրա սրտի խորքում սահում էին անկերպարան մութ ամպեր: Մի քանի տարուց ի վեր նա լսում էր նրա խորքից իր անձի դէմ մի տեսակ բողոք, իր խիղճն իրան անլանում էր ուրացող, վասնորոյ ընկած էր վարկն իր աչքումն իսկ: Նա չէր ախորժում լսել մահմեդական իմամի խօսքն և աղօթքը, զգուցում, խորշում, խուսափում էր հեռի, այժմ բռնւած էր իր ատելի կրօնի ուռկանում, կտրած էր շառթ, որին թէև ոչ մի արժէք չէր ընծայում, սակայն իր սիրւած, պաշտուած կինը, էլիֆը, միայն կրօնական խրնդրում տարբերում էր իրանից: Հայթա—Ֆիրատ որոնում էր միջին ուղի, ինքը չէր կարող թողնել օղին, ամուսինը: Մի քանի օր նա զգուշացաւ խմելուց, տխրութիւնը պատեց նրան, երևում էր դիտողին կռաւիտ բարկացող, մի տեսակ անտաշ էակ, որովհետև՝ կարծես ուզում էր իր կրած գրկանքի վրէժն առնել պատահած խօսակցից: Նա չունէր հաստատուն կամք, նա չունէր այժմ որոշ ուղղութիւն, գործում էր պատահաբար:

Ինք զինքն էր անարգում և պատճառն ուրիշներ ի վերագրում: Ինչ անէր, նրա շրթունքը սովորած էին ամեն առաւօտ շօշափել ալքօիօլի բաժակ, հիմա չըխմէր, այն էլ իր բնաւ չըյարգած, զգուցի, ինչպէս ինքն ասում էր, կօշիկի պէս հազած կրօնի շառթով... Բայց՝ ինչ անէր, եթէ չըպահէր շառթը, նրա կինը պիտի հեռանար, պիտի ծագէր մի խոր և անբոյժ խայտառակութիւն: Ինք լաւ գիտէր այդ ամենը, գիտէր՝ որ շառթը դրժելուն պէս՝ էլիֆն իր կինը չէր... Անմեհրէմ մտնելով, կամ պիտի մեռնէր յուսահատութիւնից, կամ՝ ինք զինք դատապարտէր այրիութեան: Գիտէր՝ որ էլիֆի պէս հպարտ կինը չէր յանձն առնի հիւլ-ուլա, չէր ների ինքն իր անձին, իր տարփագին սիրած ամուսնի ներկայութեամբ՝ թող թէ կատարեալ, այլ անգօր, անսեղ մի էակի հետ մտնել անկողին իբրև կին, տարփանքի հաճոյքը լսեցնել իր Ֆիրատին, ոչ, այդ բոլորն անկարելի էին: Այսպէս մտածելով Հայթան ինքն իրան էր նզովում, ինքն իրան նւաստացնում:

— Դու ինչո՞ւ անսացիր այն ծուռ բերան շանը խօսքերին, այ եռակի յիմար, քեզ ո՞վ ասաց շառթ անել, ձեռովդ քանդել երջան-

կութեան՝ հիմունքը... ես խմած էի... լուրջ մարդը ներկայ չէր, նրա ուրւականին ծաղրեցին Զիան ու դատին... սո՛վրէժ, անկոնշտ վրէժ... ես երկուսին էլ կախել պիտի տամ, ուշ չէ, վաղը կամ միւս օրն Ապտուլլան կը բազմի բզեշխական գահը, ես հէնց այդ օրն այն վատերին պիտի կախեմ: Ի՞նչ է նշանակում արբած, խելակորոյս մարդուն խաբել, վատաբար դաւել, շառի անել տալ մի այնպիսի բանի համար, որից անկարող է ենթական խուսափել, հեռանալ, ազատուել:

Կարծես ուռած էր Հայթայի գլուխը, խաւարած էին աչքերը. նա չէր կամենում և իր սիրելի ընկերների հետ տեսնուել, խօսել, կամ իր անհրաժեշտ պարտականութիւնները կատարել: Խոր արամութեամբ լցւած, աննպատակ շրջում էր քաղաքում, այդպիսով կարծում էր իր սրտի մէջ վառւած դժողքը մարել...

Անցքից երեք օր յետոյ, առանց թիկնապահների ուղեկցութեան՝ գնում էր շուկան ի վար, մերթ կանգնում շքեղ զարդարւած կրպակների առաջ, մերթ գնում գլուխը քարշ ձգած, առանց աջ ու անեակ նայելու:

Յանկարծ ինք գինք գտաւ քաղաքից դուրս, հայոց փոքրիկ տաճարի և առաջնոր-

դարանի առաջ. Հայթան անվստահ քայլով յառաջացաւ, մի քանի բոպէ անգիտակ հայեացքով իբրև թէ դիտեց պարթև հայրապետի տաճարն, ապա առանց իր կամքին, առանց գիտնալու թէ ինչո՞ւ, դիմեց առաջնորդարան: Արդէն հայք նրան տեսնելով՝ պատրաստւած էին ընդունելու: Հիասթափւեցաւ Հայթան, երբ բախում պատահեցաւ ծերունի արքեպիսկոպոսին և քահանաների բազմութեան, որ մուտքի աջ ու ձախ կողմերում կանգնած էին երկիւղով:

— Բույուրուն՝ էֆէնտիմ, — իսկոյն կանգնեց սրբազանը, — բարով եկաք՝ հազար բարով, համեցէք ձեր ծառայի բնակարանը, թէև ճոխ չէ, զարդարուն չէ նա ձեր վսեմութեան ոսկեձեղուն ապարանին պէս, սակայն՝ ձեր նւաստ ծառայի գոհ ընդունելութիւնը կը յուսամ՝ որ այդ թերութիւնը պիտի լցնէ:

Փիրատ նախ՝ կարծես զարմացաւ, մի վայրկեան արձանացաւ սեմին վրայ՝ մոլար աչքերն արքեպիսկոպոսին սևեռած, յետոյ նրա կարճ ճառիցն սթափուելով.

— Գնանք, — շնչաց դողդոջուն ձայնով, — ես ցանկանում էի ձեր սրբութեան տեսնել, ձեր ս. օրհնութիւնն ստանալ, աւելի ոչինչ:

Մի անսահման ուրախութիւն փայլեց շրջապատող քահանաների երեսներին: Այդ աստիճանի յարգալիը պատասխան արիւնախում Հայթաների մեծ փաշայից, մինչև նրանք սպասում էին հայհոյանքի տարափին և բռնութեան:

— Հրամայեցէք, էֆէնտիմ, — ասաց առաջնորդը՝ ոչ նւազ գոհունակ դէմքով, — բարեհաճեցէք գոնէ մի սուրճ ընդունել:

— Արդէն միայն սուրճ... — մրմոհաց Ֆիրատ — փաշա:

Ճոխ չէր խոնարհ, նւաստացած Հայոց, պատրիարքից յետոյ՝ գահերէց արքեպիսկոպոսի բնակարանը. նա մի հասարակ, ամուրի մարդու մենարան էր քան թէ առաջնորդարան, ամեն առարկայի վրայ դրւած էր մաքրութեան և պարզութեան դրոշմ:

Սուրճ մատուցւեցաւ մեծ հիւրին, չիպուղը լցւեցաւ դուզի-դուլախ (գառն աւկանջ) Պաֆրայի ծխախոտով, նա ուրիշ ենիչերու պէս դիւ-ֆիւրէսի (ատամի վարձք) չըպահանջեց մեծարանքն ընդունելիս:

— Ես ցանկանում էի ձեր սրբազնութեան հետ առանձին մնալ, — ասաց Ֆիրատ յարգանքից յետոյ, — եթէ կարելի է խելճէք (առանձին) մնանք, մի շատ կարևոր գործ ունիմ...

Սրբազանը նրա սով լինելը չըզիտնալով՝ կասկածեցաւ, կարծեց թէ քաղաքավարի կերպով կողոպտելու է եկած անսանձ ենիչերին: Իսկոյն պաշտօնեաներն հեռացան, մնաց Հայթան ծերունի հոգևորականի հետ:

— Ձեր վսեմութեան ծառայ եմ, — ասաց սրբազանը մի անհանգիստ ժպիտով և դողդոջուն ձայնով, — պատրաստ եմ:

— Նախ՝ սրբազան հայր, — շնչաց Հայթան՝ ծերունու նիհար, ոսկրուտ ձեռն ալնածութեամբ համբուրելով, մի խօսիք ինձ հետ իբրև հօր ենիչերինների մեծ փաշայի, խնդրեմ ընդունէք իբրև ձեր սրբազնութեան գայլերի ճանկն ընկած մի գառն, որ չէ մոռացած իր հոգևոր հօրն ու տիրոջը...

— Ստուգի՛ւ... ի՛նչ եմ լսում, — գարմացած ընդհատեց նա:

— Ես մատաղ քո Աստծուն, սրբազան, քո խաչին, ես խոստովանում եմ, եթէ թոյլ կըտաս՝ կըխօսեմ հայոց լեզուով...

— Խօսիր, որդեակ իմ, — որդեակ բառը դուրս թռաւ այրելով սրբազանի շրթունքը. — խօսիր ես քեզ լսում եմ... դ՞ն, հայ:

— Այո՛, Աւետարանին երկրպագու հայ եմ...

— Փնօք քեզ տէր, որ գործում ես այս-

պիտի հրաշքներ... բայց՝ ի՞նչպէս այժմ թուրք
և մեծ վէզիր էք:

—Եթէ կըլսէք իմ փոքր պատմութիւ-
նը,—կակագելով հայերէն խօսեցաւ Հայթան,
—բայց՝ մի՞ գուցէ խլեմ ձեր սրբագնութեան
թանգ ըսպէներն... արգելք լինիմ ձեր գոր-
ծին...

—Ո՛չ, իմ կորած գառնուկ, քո գիւտն
ինձ թանգ է մինչև իսկ իմ կեանքից, խօ-
սիր, որդեակ իմ, հայ լեզուով՝ որ այնքան
սիրուն հնչեց ահանջիս, ես պատրաստ եմ
քեզ լսել, սհ, իրօք, հզօր ենիչերին հայոր-
դի՞... չեմ կարող հաւատալ... այս կատա-
րեալ հրաշք է...



Ֆիրասի անցեալը

—Կ. Պոլսում,—հառաչելով սկսեց Ֆի-
րատ—փաշա,—Պէշիկթաշ արուարձանում,
ապրում էր մի համեստ, օրական աշխա-
տանքով ապրող՝ ազէտ, բայց՝ առաքինի մի
ընտանիք երեք հոգուց բաղկացած, այր, կին
և մի արու գաւակ:

Սարգիս—ախպարը,—այսպէս էր նրա
անունը,—ձեռքի վրայ մանրավաճառութիւն
էր անում. նրա կին Սառան ասղնեգործու-

թեամբ պարատում, իսկ նրանց միակ որդին,
Զօրան,—այսպէս էր տասն և չորսամեայ
պատանեկին անունը,—քարոզիչ վարդապե-
տին մօտ կարգալ, գրել, թւել և նկարել էր
սովորում:

—Վարդապետին անունն ի՞նչ էր,—
ընդհատեց սրբագանն աշխուժիւ:

—Իմ ազնիւ վարդապետ-վարժապետը,
որի մասին խօսում եմ, կոչւում էր Մա-
նաս օղլի Սիմէօն վարդապետ:

—Մ.հ... շարունակիր,—մըմնջաց սրբա-
գանը հետաքրքրութիւնը լարած,—այդ պատ-
մութեան մի մասն ինձ կարծում եմ ծա-
նօթ պիտի լինի... ճանաչում եմ... գիտեմ
նրան...

—Զօրան,—շարունակեց Ֆիրատ լիա-
շուրթ ծխելով,—շատ էր սիրում իր բարի
վարժապետին, նրա աւետարանական վարքն
ու բարքը, նրա գթած, ջերմ, ազնիւ սիր-
տը յափշտակած էին պատանու անաղօտ
սէրն ու խորին յարգանքը, նա հիանում էր,
նա պաշտում էր տիպար վարդապետին...

—Իսկ վարդապետը,—հարցրեց սրբա-
գանը լուրջ կերպով:

—Զօրան նկատում էր նոյն աստիճան
սուրբ սէր և իր վարդապետի մէջ... ստէպ

ստէպ պատահում էր՝ դասերից յետոյ, երբ Զօրան սովորած էր լինում շատ լաւ, վարդապետը մանկան գլուխն իր կրծքին սեղմելով, — որդեակ իմ, — ասում էր նրա ձերմակ, գեղանի ճակատն համբուրելով, — դու իմ հոգւոյս բեկորն ես, դու ինձպէս մարդ պիտի լինիս...

— Ստուգիւ, — ընդհատեց առաջնորդն աւելի ուշադիր նայելով խօսակցին, — Զօրան շատ ազնիւ մարդ պիտի լինէր, նա մեր ազգի նշանաւոր որդիներից մինը պիտի դառնար: Նրա մէջ արդէն փայլում էր բոցափայլ առաքինութիւն:

— Դուք ճանաչում էք, սրբազան, տեսած էք Զօրան:

— Սիմէօն վարդապետն իմ... հոգեհարազատն է, շարունակիր:

— Զօրան սովորում էր մեծ եռանդով, նա գրում էր շատ լաւ, կարդում էր վարդապետի չափ, մատները վրայ լուծում Շիրակացու թւաբանական հարցերից, գիտէր շարադասել, իր տեսածն ստուգիւ պատկերացնել: Սովորած էր Աւետարանի մեկնութիւն, Ծործորեցի — կապուտակն — Օհան — Պլուզի, Ներսէս, Սարգիս Շնորհալիների և այլ մեկնիչների գրութեամբ, նա կարդացած

էր, անգիր էր արած շատ թարգմանական և ազգային գրքեր, լիովին գիտէր իր թշւառ ազգի պատմութիւնը... այդ բոլորը լեցուցել էր մանուկ գլխի միջ Սիմէօն հայր սուրբը...

— Ճշմարիտ է, որդեակ, այդպէս է, — ևս քան զևս հետաքրքիր, համբիշի խոշոր հատիկները գործելով՝ ստորոգեց սրբազանը, — Զօրան յայտնի մարդ պիտի դառնար... բայց՝ ցանկալի էր ինձ գիտենալ՝ թէ ի՞նչ եղաւ Զօրան:

— Յափշտակում էք ինձ, վսեմափայլ տէր...

— Ես խնդրեցի ինձ հետ պարզ վարուել, ես ձեր ծառան եմ՝ սրբազան, ինձ մի տեսնէք փաշայական զգեստով ենիչերի...

— Լաւ, որդի, խօսիր, ես քեզ եմ լսում...

— Զօրան իր հօրէնական տան միակ զարգն էր. շնորհալի պատանին՝ զեռ մանուկ հասակում, ուզում էր տնտեսական ծանր լծի մի մասն էլ ինքն առնել, քիչ հանգրստացնել ծնողներին, վարձատրել նրանց, իր ստացած բարիքի փոխարէն խորհին երախտագիտութեամբ և գործով, պատահած ժամանակ տիրացուի պաշտօն կատարելով, իր շահած զուրուհները հօրն էր յանձնում, իր քրտինքով հատուցանում հօրն արած բա-

րութիւնների տոկոսը: Աւաղ, սրբազան, դժխեմ բախան այլապէս էր կարգադրած: Ամարան մի ջինջ և գեղեցիկ օր, երբ Զօրան դասերից ազատած, գրքերը թեկն տակ տուն էր գնում, ներկայացաւ մի ծերունի հայ մարդ, որին լաւ էր ճանաչում պատանին... է՛հ, նգովեալ լինեն այդպիսի հայերը... Զօրան, —ասաց նա, —արի ինձ հետ Իւսկիւտար գնանք, մի յայտնի հարուստ չորպանի է վախճանած, դու հրաւիրւած ես՝ նրա թաղման ժամանակ պիտի երգես քո սքանչելի ձայնով «Զարհուրեալ» երկնային շարականը: — «Բայց, գրքերս մօտս են՝ էմի (հօրեղբայր), պատասխանեց Զօրան անութի գրքերը ցոյց տալով, —նախ սրանք տուն տանեմ, յետոյ գնանք... —Ո՛չ, ժամանակ չկայ... այս ըոպէին պէտք է գաս, նաւակը մեզ կըսպասէ: Գրքերդ ես կըթողնեմ հանգուցեալի տանը. թաղումն աւարտելուց յետոյ՝ կառնես գրքերդ, գուցէ մի երկու էլ ոսկի, կըգաս տունդ:

—Ա՛հ, ասաց սրբազանն, — ես այդ անցքը չըզիտէի...

—Պարզամիտ Զօրան հաւատում է նենգաժէտ ծերին, — շարունակեց Ֆիրատ յուզւած ձայնով, — գնաց նրա հետ մակոյկ նըս-

տաւ: — Զօրան — յանկարծ նաւահանդատում երևում է հայրն ու ձայնում, — այդ ո՛ւր ես գնում...: — Իւսկիւտարում ննջեցեալ կայ, հայրիկ, պատասխանում է պատանին, մինչ մակոյկը պատասելով ալիքն հապճեպով յառաջ էր սլանում: Ա՛հ, երանի Իւսկիւտար գնար. Ղըզ—ղալէի (աղջկայ բերդ) մօտերից խուսափում է մակոյկն և յառաջանում գէպի Ղառթալ: Լաց է լինում Զօրան, դէպի Կ. Պոլիս նայելով գոռում է, փորձում է ինքզինք ալիքներին յանձնել, չանսալով նրա լաց ու կոծին, կապում, նետում են նաւին խելը, դիւատիպ հայ ծերն սպառնում էր մորթոտել, եթէ նա չէր լուել:

—Ո՛հ, խեղճ Զօրան, — մըմուաց առաջնորդն արտասուքը ծածկել ջանալով, — ես այդ չըզիտէի:

— Զօրան ընկնում է առնաւում Միթհաս-փաշայի ձեռն, արդէն վաղուց ծրագրւած միջոցաւ, տարւում փաշայի հարէմին հետ Միտիլի կղզին, մնում նրա մօտ իբրև մանկլաւիկ... Ո՛հ, այո՛, մանկլաւիկ... վեց տարի, անկարող իր պատիւն ու գոյութիւնը պահպանելու, կամ մեռնելու մինչև իր առնութիւն ստանալը: Զօրան այդ ժամանակ, ինչպէս բոլոր մանկլաւիկները, հագած էր մե-

տաքսեղէն, ոսկեծոպ զգեստներ՝ կլապիտօնից յօրինուած անճաշակ, քմահաճ նկարներով: Ընդ միշտ նրան հետևում էին չորս սպառազէն թիկնապահներ, նա չէր կարողանում որևիցէ քրիստոնէի հետ խօսել, իսկոյն մասնւելով, Միթհատից գանակոծւում, լրկւում էր արդէն սահմանւածից աւելի: Քսան տարեկան լինելուց յետոյ, Չօրան մտնում է զինւորական ծառայութեան «Հայրա» կոչւած զօրագնդում: Նա ծառայում է սուլթանին նախ՝ իբրև նեմէր (զինւոր), ապա՝ իր քաջութեամբ ստանում աստիճան և տիտղոսներ. սրանից տասն և չորս տարի առաջ ուղարկւում Անատօլ, Երևանի կուում 300 ժարգով տասն երկու հազար պարսիկներ ուղարկում ջէննէթ, իր երկու քաջ ընկերների հետ ստանում է փաշայութեան աստիճան: Չրմուանանք ասել, որ Չօրան նոյն կուին մէջ աննկատելի կերպով սպանում է Միթհատին, որ կարծւում է թշնամուց զարկած: Չօրան հետզհետէ յառաջագիմելով՝ բարձրանում է Դէլի, Հայթա. ենիչերի հեծելազօր և հետևակ բանակի հրամանատարութեան մեծ աստիճանին, Հայրա—Քիրաս անուանով:

—Հայթա—Ֆիրատը Չօրան է, — աղա-

ղակեց սրբազանն ընդոտտ ոտքի ելնելով, — Հայթայի անունն եմ լսել...

—Հայթա — Ֆիրատն ես եմ, սրբազան...

—Դ՞ն՛, դու Չօրան ես... ո՛հ, որդեակ իմ, սիրասունս, դու Չօրան ես և Հայթա — Ֆիրատը...

—Այո՛, սրբազան, ես Չօրան եմ, թուրքերն ինձ ճանաչում են Հայթա — Ֆիրատ փաշա անունով, բայց՝ ձեր սրբագնութեան մօտ այժմ Չօրան եմ...

Մի անգիմազրելի զգացում մղեց ծերունուն, նա տարածեց իր գոզոջուռն բազուկները, սեղմեց խրոխտ փաշայի գլուխն իր մաշւած կրծքին, համբուրեց ճակատը.

—Ի՛ մա Չօրա, — արտասուքով ողորում էր ասելով, — իմ սիրական որդիս, այժմ գոհ կըմեռնիմ, Յակոբի նման տեսայ որդիս... տեսայ քեզ:

Ֆիրատ չէր հասկանում սրբազանին բուռն սիրով վերաբերւելու շարժառիթը. նա այդ վերագրում էր քրիստոնէական լայն եղբայրսիրութեան սկզբունքին:

—Դ՞ն՛ Չօրա ջան, դ՞ն՛ որդեակ իմ, այդ դ՞ն՛ ես, — ասում էր առաջնորդն անզազար զգւելով իր նիհար կրծքին վրայ:

—Այո՛, ես եմ՝ սրբազան հայր իմ...

— Ուրեմն ի՞նչպէս չէի ճանաչում քեզ...
ձերութիւնը կուրացրել է ինձ, ազգիս ան-
ագորոյն վիճակն ու բախտը մաշել են ինձ,
—ասում էր անկեղծ հովիւն արտասուելով՝
իր նոր գտած գառին համբուրելով,— դու
իմ Զօրան ես, սիրելի աշակերտս:

Զօրան՝ կամ Ֆիրատ, որպէս պիտի
անւանւի մինչև վերջը, յանկարծ յետ ըն-
կրկեցաւ ձերունու գրկից, ակնապիշ, լուռ
ապշութեամբ զննեց մի ըսպէ, ապա ինքն
ևս արտասուելով ընկաւ նրա գրկին մէջ, ձե-
րին ձեռները թրջելով, — իմ հայր սուրբն ես,
— մրմնջաց, — Սիմէօն հայր սուրբն ես դու...
Ներէ, ներէ սրբանունդ վարժապետս, իմ
աչքերն օտարացած են միշտ գարշելի դէմ-
քեր տեսնելով, եթէ ոչ՝ ևս քեզ, հայր իմ,
առաջին տեսնելուս պիտի ճանաչէի, զերկդ
ընկնէի, լալով պատմէի քսան տարուց ի վեր
կրած ցաւերս ու զրկանքներս, պիտի պատ-
մէի ամեն ինչ... բայց՝ հայր, ձերութիւնն
այլափոխել է քեզ, իսկ ինձ օտարացուցել
է վատ կեանքը: Դու չես գտնում քո սիրա-
սուն մաքուր, ազնիւ աշակերտին, այլ տղ-
մերով, յոռի կրքերով վատթարացած նրա
ուրուականը... Զօրայի մէջ չեն մնացած քո
ցանած բարի սերմերը, նա չունի մեծ բա-

րոյական անցեալ, փչացած, քայքայւած է
արգէն քո կառուցած շէնքը. նրա բարոյական
աւերակն ես տեսնում փաշայական ոսկե-
վառ գարգերով ծածկւած... նա անարժան
է՝ սրբազան, մինչև անգամ քո աջն համբու-
րելու, քեզ իր վարժապետ կոչելու... Զօրան
հաստատամիտ չըլինելով՝ ապրում է անցեա-
լի աղի, լեղի յիշատակների տակ կորացած,
խօլ սուերններով պաշարւած, մինչ նա, եթէ
քեզ արժանի աշակերտ լինէր, մանուկ հա-
սակում կ'իջնէր ի հող, չէր տեսնիլ արևի
լոյսը, չէր շնչիլ ապականւած օդ:

Ձեմ կարող նկարագրել սի ձերունի ու-
սուցչի, մի այրացած ազնիւ աշակերտի զըր-
կախառնութիւններն, ուրախութիւններն, որ
երկար տարիներ թէև իրար չըտեսած, մի-
մեանց յիշած էին իբրև գորովագութ հայր,
ազնւաբարոյ որդի՝ փոխադարձ անխարդախ,
մաքուր, սուրբ սիրով:

— Զօրա, — ասում էր սրբազանը, — ես քեզ
գառն կորցրի և առիւծ եմ գտնում... ուրեմն
գո՛ւ ես և զհարգի հերոսը... Զօրան — Ֆիրատ, եր-
կուն էլ շատ սիրելի անուններ են, սիրե-
լի են գրանք իմ սրտին, որդեակ, մինն յիշեց-
նում է սիրական աշակերտիս, միւսն իմ ապեր-
ջանիկ հայրենեաց մշտանոս արտասուքը...

— Ես եմ ինձ Ֆիրաս անւանել, չըմո-
ռանալու համար նրա ափերում հարստահար-
ւող, լաց եղող եղբայրներին:

— Այն, որդեակ, արտասուքն է մեր
անունդը, արտասուքն է ազգայնութեան շըր-
ջափակ, արտասուքն է մեր եկեղեցւոյ հի-
մունք շաղախող, որի համար զոհեցինք և՛
գահ և՛ թագ և՛ անկախութիւն, միայն նւի-
րական քարինքը պահելու, — մեր կտակարանը
կախած արաբական արմաւենիներէց՝ լաց
ենք լինում յիշելով Սիօն, անապատի դուռ-
արը ծաղրում է մեզ, մեր գերիչներն ստի-
պում են ասուածային երգերից ասել, —
ինձպէսներ, Չօրա ջան, կախւած կտակ-
արանին, աւանդապահեն և պատրաստ բըռ-
նակախների առաջ իսկ երգել, պահապան են
ծայրախաչ գմբէթին, թէև բիւր հալածանքի
ենթակալ:

— Հայր իմ, — շեղեցաւ Ֆիրատ ծերու-
նու աջն համբուրելով, — այսօր ես ինձ մա-
քուր եմ զգում: մաքուր օդ շնչում...

— Ուրեմն դու պաշտօնապէս ուրացած
չե՞ս...

— Աւանդ, ահամայ ուրացած եմ...

Սարսափեցաւ սրբազանը: Նրա արտա-
սուքը չորացան, կիսաշէջ աչքերը փայլեցին

մի տեսակ չոր կրակով, սառն լըջութեամբ
իր աթոռը բազմելով.

— Թլփատւած ես, — հարցուց երկիւղով.

— Ինչպէս ասացի, հայր, ահամայ թըլ-
փատւած եմ, բայց՝ չեմ հետևած նրանց
վարդապետութեան, մինչև անգամ շատացել
եմ մի ամուլ կին առնելով, որ նոյնպէս հայի
աղջիկ է... մասամբ էլ գոհ եմ զաւակ չու-
նենալուս... նրանք պիտի թլփատւէին...

— Յիշում եմ, — ձեռը ճակատին դնելով
ասաց արքեպիսկոպոսը, — դու մեր սարաֆ
Յակոբին տւած էիր մի քսակ ոսկի...

— Այն, բայց՝ պատւիրել էի անունս
չըտալ:

— Նա միայն ինձ խոստովանած է, միայն
ես գիտեմ...

— Այդ առթիւ դուք գիտէք, սրբազան...

— Ոչինչ, Չօրա, ես պէտք է գիտենամ
և անգէտ ձևանամ. արժանի հոգևորականն
եզիպտական լաբիւրինթոս է, նրա մէջ կոր-
չում են հազարաւոր գաղտնիքներ...

Մի քանի բոպէ լուռութիւն տիրեց, ծեր
առաջնորդը գլուխը ըրակին յենած՝ նայում
էր Հայթային և մտածում. Ֆիրատ տկնկոր,
լոին ծխում էր չիպուղն և ծխի ալիքով ողո-
ղում սենեակը:

—Արդեօք, սրբազան, —լուսթիւնը խղեց նա, — ծնողներս կենդանի՞ են... քսան տարի է նրանց գրկից կորզւելու, ոչ մի տեղեկութիւն չեմ ստացած. նրանց կարօտն այրում է ինձ...

—Մայրդ մեռած է, իսկ հայրդ կուրացած միշտ քեզ համար լալով: Նա թողած է ամեն ինչ, քո կորուստով բանաստեղծ դառած սազ է ածում, Աւրդ—Ձեմանի անունով շրջում է ամեն տեղ, նրա տխուր երգերի նիւթն ու մակարդն է իր Զօրան: Նա նկարագրում է քո սքանչելի գեղեցկութիւնը. յիշում ես, մարդ ամաչում էր ամենագեղ դէմքիդ նայելուց, նա քո վարքը, քո անյուսալի կորուստն է եղեր երգում մելամաղձոտ տաղերով...

—Ա՛հ, անիծեալ գեղեցկութիւնն ինձ խլեց նրանց գրկից... —այժմ ո՛ւր է հայրս, գիտէ՞ք արդեօք նրա մասին...

—Հաստատապէս չըզիտեմ... բայց՝ դու, քանի որ ինձ չէիր ճանաչում, այսօր ինչո՞ւ եկար առաջնորդարան:

Փիրատ մանրամասն պատմեց ինչ որ մենք արդէն գիտենք. առաջնորդն ուշադիր լսեց:

—Դու՛ Զօրան, հետևել ես ներքին ձայ-

նին, — եզրակացուց նա, — առաջնորդարան գալդ լաւ է քեզ համար...

—Այո՛, սրբազան, հետևել եմ ներքին ձայնին: Գոհ եմ՝ որ իմ վարժապետիս գտայ, կըլսեմ նրա խորհուրդն իմ անել վիճակի մասին, որ իմ խելքս չէ զօրում մի ելք գտնելու...

—Իմ խորհուրդը, Զօրան—պատասխանեց սրբազանն՝ — առ այժմ արբեցութիւնից հեռի մնալդ է, քանի որ էլիֆ հանրմ սերտ կապած է դուրանին, պէտք է յետ կանգնես խմելուց, որպէս զի ընտանեկան սըրբութիւնդ հրապարակաւ չըխայտառակի: Գալով քեզ՝ դու պէտք է ապաշխարես: Այժմ քեզ հետ խօսում եմ ոչ իբրև վարժապետդ, այլ՝ իբրև հայոց մի մասին առաջնորդը. դու՛ եթէ պահում ես կրօնիդ սկզբունքները, կամ ինչ որ սովորած էիր, պէտք է հրապարակաւ ապաշխարես թլփատւելուդ համար, ինչպէս Վահան Գողթնացի, որ ներէ եկեղեցին:

—Բայց բռնադատեցին ինձ...

—Մահից հեռի սահման կտր, Զօրան. քո միտքը զարգացած էր և գատողութիւնդ հասած իր գազաթնակէտը, ինչո՞ւ չընտանտակւեցար և չըդատւեցար «անյայտ» վրկաների շարքում... Դու գեռ գիտակցաբար ես

մեղանչել, իսկ Վահանը, որին յիշեցի, անգիտակցաբար, երբ նրանք ապաշխարում են, դու էլ պէտք է ապաշխարես...

— Իրաւի, — մըմուաց Ֆիրատ, — ես անձնասէր եղայ քան ինքնասէր, ես կեանքն ընդունեցի անբիական մահւան տեղ, որի քաղցրութիւնը միայն մեռնողն է զգում...

— Ուրեմն՝ զաւակս, առայժմ պէտք է ծածուկ ապաշխարես, ոտքդ չըկտրես առաջնորդարանից, գաս, գնաս, իմ հրահանգով շարժես, մինչև որ ազատ վայր գտնելով յայտնապէս ապաշխարես, քանի որ դու շատ պէտք ես ազգիդ։ Գալով շառթին, արբեցութիւնից հեռանալու ես, մեր օրէնքն էլ դէմ է արբեցութեան, մինչև՝ որ խոր կերպով մտածենք, քեզ ցոյց տանք ուղին, եթէ ոչ ընտանեկան պատիւդ ձեռքից կ'երթայ, ըստ դուրանի տրամադրութեան հիւլ-ուլա կըլինիս. դա կըմահացնէ բոլոր վարկդ։



Ամուսնալոյծ սիբիլներ

Մինչ Հայթան հայոց առաջնորդարան գնալով մասամբ սփոփում էր ինքզինք, Զիան զարմանքով էր տեսնում նրա լրջութիւնն՝ ուխտապահութիւնը, ինչպէս յայտ-

նում էին իր լրտեսները։ Նա մտածեց որևիցէ միջոցաւ ուխտադրուժ անել, արբեցնել, առանց ուղղակի երևելու, բայց՝ ում դիմէր, իր խմբի մէջ չըկային այդպիսիներ, իսկ արբեցողներն արդէն նրա բարեկամներն էին։ Դեռ ես ինքն միջոց չէր գտած, երբ լրտեսներից մինը տուն գալով, — Ձեր վսեմափայլութեան հրամանով, — յայտարարեց, — շըջելով մեծ-վէզլը Ֆիրատ փաշայի ետևից, պատիւ ունիմ այժմ խոնարհաբար յայտարարել, որ նորին վսեմութիւնն այսօր երկրորդ անգամ գնաց Հայոց առաջնորդարան, որպէս գնացած էր երեկ. երեք ժամ մնաց, թէ ի՞նչ անց ու դարձ կայ, այդ չեմ կարող ասել, քանի որ ոչինչ յայտնի չէ, մինչև անգամ առաջնորդի սպասաւորները անգէտ են այդ մասին։ — Դուրս գալուց յետոյ՝ Ապտուլլահ փաշայի ծառաներն ընդ առաջ եկան, խնդրեցին իրանց տիրոջ անունով, այժմ նա գտնուում է յիշեալ փաշայի տանը։

— Եւ խմբում են, — ընդհատեց Զիան խրոխտ կերպով, — իսկ՝ դու, սինքթոր, չես կարող ներս մտնել... այս չէ՞ բոլորը...

— Իրաւ է, էֆէնտիմ, — ծոծրակը քորելով պատասխանեց բարեմիտ լրտեսը, —

չեմ կարող ներս մտնել, բայց մի քիչ բան կարող եմ լսել իմ եղբորից, որ նոյն Ապտուլլահի ծառան է...

— Ապա, նորութիւն չըբերիր...

— Նորութիւնն այս է, նրանք՝ չորս ընկեր, խմում են:

— Խմում են...

— Այո, խմում են, եղբայրս երգմամբ հաւաստեց:

— Եթէ սուտ դուրս գայ...

— Գլուխս այստեղ չէ, — ձեռք գլխին գնելով, — կարեցէք, դէն գլորեցէք իբր անարժան մի դիակ, իսկ՝ եթէ...

— Հասկանալի է, ցած կենդանի, եթէ ստոյգ եղաւ, խալւթ, այդ չէ՞ քո պահանջը, քսն:

— Դուք դիտէք, էֆէնտիմ...

— Լաւ, եթէ ես դիտեմ, այդպէս է: Գնա, Ազամէթն ինձ մօտ ուղարկիր, իսկ ինքդ Ապտուլլահի ապարանքից չըհեռանաս:

Բանսարկուն՝ որ միջահասակ, գոգաւոր, կանաչ աչքերով, ծաղկատար, անձոնի, քառանկիւնի դէմքով, թիկնեղ, հաստ թաթարական՝ կամ մոնղոլական արիւնով շաղախւած, մի տեսակ խառնածին էր, խորը գլուխ տալով դուրս ելաւ:

— Այս շատ յաջող եղաւ, — ասում էր Զիան, — դու իմ ձեռուսն ես, Ֆիրաս, էլ չես կարող ինձ տապալել, դու՝ ինքդ պիտի տապալիս, ծաղր ու ծանակ լինիս արիւնաքամ ենիչերիներիդ:

Ազամէթ՝ որ մի գեղեցկադէմ, կայտառ երիտասարդ էր,

— Ի՞նչ է հրամայում տէրս, — խոր գլուխ տալով մրմռաց:

— Գնա, — հրամայեց հին բղեշխը, — ինձ մօտ բեր մեծ դատին:

Կէս ժամ յետոյ ներս էր մտնում գուշիկ բերան դատին, ընչացքով բերնին ծուռ խոռոչը ծածկած:

— Ձեր սրբութեան կռած ռառքը չըպահւեցաւ, — դիմաւորելով նրան ժպտազին ասաց Զիան, — Հայթա — Ֆիրաս փաշա այս րոպէին խմում է իր անբաժան ընկերների հետ:

— Այսօր Աստուծով խելագարւած է և ղօնաղ Բէօփրուլու օղլու մօտ, որ մտքիցն է անցնում սէրասփէրմիսիս (սպարապետութիւն) և՛ որ մեծն է, բղեշխութիւն:

— Ա՛հ, ա՛հ — ծիծաղել փորձելով պատասխանեց դատին, — ուրեմն գոռոզ Ֆիրատըն ընկնում է, բարի... շատ գէշ չէ:

— Այժմ ձեր սրբութեան հրաւիրեցի որ
գնաք, ձեր աչքով տեսնէք, Քէթլէ (հրաման,
վճիռ) արձակէք, որպէս զի Ֆիրատ այլևս
չըկարողանայ կեղծել և ծածուկ իր հայրե-
նի կրօնը պաշտել:

— Եթէ չըտեսնենք իսկ, կինը նրան չի
ընդունիլ, նիխտահը (ամուսնական դաշն, ա-
պահարզան) վերջանում է:

— Այո՛, և պէտք է վաղն իսկ հիւլ-ուլա
անել, այնուհետև թողնել, որ գործն իր
բնական կարգով շարունակւի, որ Ֆիրատ
փաշա ինք գայ և վերստին բազմեցնէ ինձ
աթոռիս:

— Անհոգ եղբոր, այդպէս էլ կըլինի:

— Ուրեմն՝ ձեր սրբութիւնն անձամբ
չըպիտի՞ երթայ:

— Ո՛ւր գնանք, Զիւն, գործն ինքնին
կըյայտնուի:

— Ընկերքը պիտի պահեն, Ֆիրատ չը-
խոստովանի, ամուսինն էլ իր սիրած տղա-
մարդից չըջուկւի...

— Գուցէ, բայց ես աւելորդ եմ գըտ-
նում իմ գնալս:

— Ըստ իս անհրաժեշտ է ձեր գնալն և
պէտք է գնանք, այս եմ ուզում ես: Կըլսէ՞ք,
պէտք է այս բոպէիս գնաք...

Հայթա — Ֆիրատ՝ հայոց առաջնորդի
յորդորով, մի քանի օր յետ մնաց խմելուց,
ծածկաբար աղօթում էր իբրև քրիստոնեայ
և աշխատում ս. Հաղորդութիւնն ընդունե-
լու, թէև խոստացած չէր սրբազանը: Չոր-
րորդ օրն՝ երբ դուրս կըգար առաջնորդա-
րանից, Ապտուլլահ փաշայի ծառան իր տի-
րոջ կողմից հրաւիրեց նրան:

Հայթան չէր կարող իր բարեկամի հրա-
ւէրը մերժել. ենթադրելով՝ որ կարող է ան-
հրաժեշտ գործի համար ուզւած լինել, նրա
տունը գնաց, ուր արդէն բազմած խմում
էին իր օղու ընկերները...

— Օ՛հ, Սուքի՛ (ապաշխարող կրօնաւոր)
Ֆիրատ, այս ո՛ւր ես, չես երևում, — ձայն
տւեց խումբը, — լաւ, չես խմում, մենք էլ
չենք ստիպում, բայց՝ ինչո՞ւ խոյս կրտաս մե-
զանից, չէ՞ որ մենք քո լաւ ընկերներն ենք...

— Տղանք, սոփութեան բան չըկայ, այն
անիծած գիշերն՝ որ Շառք արի, ուզում եմ
պահել, չըխմել, եթէ ոչ ձեռիցս դուրս կը-
գայ իմ նազելի կինը... ան, եթէ մի ուրիշ
բան լինէր Շառքի գոհը, կըզբժէի, բայց՝
ասացէք, կարո՞ղ եմ պաշտելին կորցնել, զն
անղը՛ր մի բաժակ մաստիքայի համար, չեմ
խմում...

— Ի՞նչ մեր խմբի գարգն էս, Ֆիրաստ,
— դիտեց Տամատ-Մուստաֆա, — առանց քեզ
մենք օր չունենք, չենք զւարթանում:

— Շնորհակալ եմ, կրնասկանամ անկեղծ
խօսքիդ նշանակութիւնը, բայց ինչպէս դի-
տել տւի, չեմ կարող այսուհետեւ արբենալ...

— Վահ, — բացականչեց Ապտուլլահ, — ի-
բաւ որ սոփի է եղել մեր գազանաբարոյ Հայ-
թան: Լսեցէք, տղաք, շառթ է արել ծուռ բերան
դատու և մի շարք շների առաջ... Ծօ — Ֆիրա-
տին դառնալով, — դու լաւ տղայ ես, քաջ ես,
ազնիւ ես, սակայն թուրամիտ ես, կամք չունիս:
Քեզ ո՞վ ասաց այն ծուռ բերանին լսել, մեզ
քնած թողնել հեռանալ, վայր բերել քո գլու-
խին, առանց մեզ հարցնելու շառթ անել, հի-
մա էլ, բարեկամների մէջ, աչքը շին տըն-
կել. սրտով փափաղիլ, բերնին ջրերը կուլ
տալով, թէ ռա՛ւք եմ արել... Իէ՛ն, Ֆիրաստ,
քո շառթը մի փարայ չի արժիլ, խմիր մեզ
հետ, գնա՛ տուն քնիւր, ո՞վ պիտի գնայ ի-
մացնէ թէ Ֆիրաստն արբած է, մի՞թէ մե-
զանից կասկածելու վատութիւնն ունիս...

— Ապտուլլահ, սկզբից խօսքերիդ հա-
մամիտ եմ, բայց՝ չեմ կարող խմել: Չեզա-
նից՝ իմ բարեկամներից կասկածել, կար-
ծում էք այդպէս, մի՞թէ այդքան ստորա-

նալ կարելի է, ո՞չ... գիտես՝ որ չըպիտի
լսէ, չըպիտի գիտենայ...

— Ուրեմն Ալլահից ես վախենում, եզա-
կի յիմար: Հէնց այն Ալլահից՝ որ ձիաբէյին
ուղարկելով սրբագործում է իր մարդարէի
շնութիւնը, որ ցանկացել էր իր ծառայի
կնոջը, որ և ո՞չ մի սրբութեան քարոզիչ չէր...

— Ո՛չ, այդ էլ չէ, ես վախենում եմ
էլիֆից:

— Ծօ, քեզ հաւատարիմ չէ՞...

— Վերին աստիճանի հաւատարիմ...

— Ուրեմն էլ ի՞նչ...

— Լսեցէք, բարեկամներ, էլիֆն հաւա-
տարիմ է ինձ, նա սիրում է ինձ, իր կեան-
քից աւելի, բայց՝ ո՞չ իր պաշտած Ալլահի
սուերին չափ: Նա գլուխը կըտայ, չի դա-
ւաճանիլ օրէնքին, նա իր սիրելոց կըբա-
ժանւի, անձնատպան կըլինի, չի շեղւի ժե-
րիէքից: Շատ յարգում է շառթը: Ուրեմն՝
ի՞նչ կարող եմ անել, եթէ խմեմ՝ նա այլևս
իմս չէ, նեմէ հեղձ կըլինի, ուրիշի հետ հիւ-
լուլան անկարելի է, կըմեռնի իբրև քաջ և
առաքինի տիկին, օրինակելի ամուսին. կը-
մեռնի նոյնպէս ձեր բարեկամը... հէնց դա՛
է ինձ սարսափ ազդող, յետ կանգնեցնողը:
Եթէ ոչ ո՞ր յիմարն է վախենում երևակա-

յական Ալլահից, յիմարական շառթից, սր յիմարը պիտի ամաչէ դատուց, եթէ նրա մօտ անգիտակցաբար ուխտել է չըխմել: Ինչպէս ասացի՝ ես միմիայն էլիֆից եմ երկնչում...

— Ֆիրատ, անհասկանալի ես դառնում: Ասում ես էլիֆն ինձ սիրում է կաթոգին: Եթէ սիրում է, ինչո՞ւ պիտի դաւաճանէ, ինչո՞ւ պիտի բաժանւի քեզանից: Չըզիտես, որ սիրելին, սիրականի թերութիւնները չըտեսնելու չափ կօյր է և ստէպ կամաւ կուրանում է: Եթէ անկեղծ է կնոջը սէրը, նա չի դաւաճանիլ: Ենթադրենք թէ, որպէս ասում ես, նա կրօնաւոր է, շառթն իր սիրուց վեր կըդասէ, բարի, նա ի՞նչ գիտէ կամ գիտենալու է՝ եթէ մի կամ երկու գաւաթ խմես քո ընկերներին հետ, քանի որ տասը գաւաթով անգամ մերկացող կենդանի, արբեցող անասուն չես... Օ՛ն անդր, վեր առ այս գաւաթը, լո՛ին կոնծիր, յետոյ կըխօսենք, կըհասկայնենք, անպատճառ մի հնար կըգտնենք այդ անիծեալ շառթից քեզ ազատելու: Ա՛հ, քո սրտովդ էր, լօթի՛, այսպէս չէ՛...

Փաշաներն սկսեցին ծաղրել Ֆիրատին, ամաչեցնել, մի տեսակ բռնադատել իրանց հետ խմելու և յաջողեցան: Ձուր չանցան

թուլակազմ (հոգեպէս) Ֆիրատի գլխով, բարեկամների խօսքերն ու ծիծաղները: Նա սրտով ցանկանում էր խմել, բայց ուզում էր յանցանքն ուրիշների վրայ նետել, արբենալ, մնալ Ապտուլլահի տանը, չըգնալ այնպէս էլիֆի մօտ...

— Տղայք, — պատասխանեց նա ի վերջոյ, — ես միայն այս ձևով կարող եմ խմել: Կընստեմ ձեզ մօտ, կըխմեմ քանի որ առանձին ենք, կըմերժեմ ձեր խնդիրն՝ երբ մի այլ դէմք ներկայանայ: Մինչև երեկոյ կըմնանք, զիշերն էլ տուն չեմ գնալ... էլիֆին սով պիտի իմացնէ՝ թէ ես շառթն աւրած եմ...

— Նոր խելքի եկար՝ դէրու՛շ — Հայթա, դէ՛, տեսնենք...

Ֆիրատ դողդողալով բաժակը վերուց և ժպտալով՝

— Խմեմ՝ Մուստաֆան, — հարցուց, — հա՛, ի՞նչ կտես...

— Խմիր, անառակ, չէ ամաչում, դեռ հարցնում է:

— Խմեմ, — սւր կտրեցաւ կապը, կ'անիծեմ տիրու պապը, — ձեր ազնիւ կենաց, սիրելի ընկերներ, անիծած շառթը:

Հայթան 'ի մի ումպ խմեց ու դէն շարունակեց բաժակը:

Արդէն բաւական տաքացած էր մէծ-
լիան, երբ ներս մտաւ մեծ-դատին ուղեկ-
ցութեամբ խառնածին Պօղնաք-Համտի փա-
շայի, իւլէմների և պաշտօնակալների:

Բոլորն էլ ակնածութեամբ ընդունեցին
մեծ հոգևորականին: Իսկոյն վերցւեցաւ մաս-
տիքան, մատուցւեցաւ ծխախոտ, սուրճ և
օշարակ,

— Ի՞նչպէս էք, — սովորական հարց ու
բարևից յետոյ ասաց դատին Ֆիրատին, —
կըյուսամ՝ որ յարգանօք պահած էք ձեր
կուած շառիթ:

Ֆիրատ չըպատասխանած՝ Տամատ կան-
խեց նրան.

— Ֆիրատ փաշա կատարում է շառիթ
պահանջը, պահում է իբրև մահմեդական: Բայց՝
կընեք էք ձեր սրբութեան հարցնել, ինչի՞ց,
ու՞մից թերադրւած կատարեցիք այդ ու՞րտը:

Հատին իբրև փարիսական անձնաւո-
րութիւն, աչքերը գոցած, մտածել էր կեղ-
ծում, չէր գտնում օրինաւոր պատասխան.

— Հատի էֆէնտի, — ասաց Տամատ-
Մուստաֆան, — կարծում եմ՝ որ այդ շառ-
թով ձեր սրբութիւն չիրագործեց կրօնի որ-
եիցէ տրամադրութիւն, այլ՝ զուտ թշնամու-
թիւն միմիայն Ֆիրատի դէմ:

— Թշնամութիւն, աչքերը մեծ մեծ բա-
նալով կմկմաց դատին:

— Այո՛, թշնամութիւն, դաւաճանութիւն
իմ ազնիւ ընկերի դէմ. միայն՝ զարմանում
եմ, գիտենալով՝ որ դուք ոչինչ առիթ չ'ու-
նէիք սխալու... այլ կաշառւած...

— Ո՛հ, քաւ լիցի, — պատասխանեց դա-
տին, — ես Հայթա — Ֆիրատ փաշայի բարե-
կամն եմ, ոչ թէ թշնամին...

— Գիտեմ, դատի էֆէնտի, թշնամի չէք,
բայց՝ գործիք եղաք թշնամու ձեռին, բայց՝
մենք գիտենք ո՞վ է իսկական թշնամին:

— Բայց՝ ձեր վսեմութիւնը...

— Մեր վսեմութիւնն ամեն ինչ գիտէ,
— որոտաց միւս կողմից Աստուլլան՝ աչքե-
րը ծուած դատու վրայ, — մենք գիտենք, որ
դուք կաշառւած անարգ թշնամուց, օգուե-
լով ս. Մարգարէի դրած օրէնքից, ձեռնար-
կեցիք ամօթալի գործողութեան: Մեր վսե-
մութիւնն այդ վաղուց գիտենալով, գրեցինք
մեր աներձագ վեհ. սուլթան Մահմուտ ա-
ռաշին կայսեր. այսօր կամ վաղը կըգայ
սայիւն (սուրհանդակ), կըբերէ ֆէրմէն, ձեզ
և ձեզ կաշառողին կախել կըտամ՝ վեհափառի
հրամանով, պատահած հացապործի ձեռօք, ձեր
սրգիների և ձեր կիների ներկայութեամբ:

—Բաւական է,— յօնքը պոստեց Մուստաֆա, ապա դատուն դառնալով,— և ես միևնոյն բանն եմ ասում ձեր սրբութեան, համամիտ եմ բարեկամիս ասածներին: Հաւատացէք մեր խօսքին, մենք երկուքս էլ փեսայ ենք կայսեր, մեր խօսքը խօսք է:

Հայթա—Ֆիրատի արիւնն եռաց, նա յուզեցաւ իր բարեկամների խօսքերից, արեւակալած աչքերով՝

—Ղատի էֆէնտի,— ասաց կրքով,— եթէ շառթը գրժեմ...

—Ձեր ամուսնութիւնը կըբախի:

—Ուրեմն՝ ժամավաճառ մի լինիք, գնացէք վսեմաշուք Զիային ասացէք, աւետեցէք՝ Ֆիրատը դրժեց շառթին, թող այսօր սրտովս ուրախանայ, պատրաստի վաղը կախուելու:

—Ստո՛ւմ է,— ձեռով Ֆիրատի բերանը գոցելով ասաց Մուստաֆա,— իրաւ է, մենք խմում էինք, բայց՝ սա ոչ... ձեր սրբութեան դէմ բարկացած լինելով՝ հակառակն է խօսում:

— Դուք էք ասում,— չըժուժեց դատին իր պատիւը շօշափած տեանելով և ոտքի ելնելով,— մենք լաւ գիտենք նրա արբենալը, վկաներ կան, և ինքն էլ, այս պատկառելի

անձերի մօտ խոստովանեցաւ: Ուրեմն՝ էլ հարկ չըկայ գաղելու, արդէն յայտնւած, հուշակւած է եղելութիւնը...

—Կարճ կապիր,— գոռաց Հայթան ձեռը սրին տանելով,— ես արդէն ասացի թէ դըրժել եմ ուխտիս... դնա՛, անելիքդ՝ արա՛:

—Դու ինձ անարգում ես...

—Եթէ խօսքդ երկարես՝ կըսպանեմ, ծն, դուրս ել, քեզ ո՛վ հրաւիրեց այստեղ, դու ի՞նչ գործ ունէիր... դուրս ել, վաղը կըխօսեմ քեզ և քո Զիայի հետ: Չես իմանում, ներիք ծամածոես արդէն մի կողմ հակւած մեծ բերանդ, և դուք՝ խո՛ւ էք, իւլէմէներ, հեռացէք այստեղից եթէ ո՛չ...

Ղատին ակնթարթի մէջ ինքզինք փողոցում գտաւ:

Ֆիրատ իր ընկերներով խմեց մինչև կէսգիշեր, ապա թիկնապահների ուղեկցութեամբ տուն գնաց: Որչա՛փ զարմացաւ նա, —այդ չէր սախատեսած,— երբ ընդունարանից կանանոց տանող դուռն ամրապէս փակւած գտաւ:

—Է՛յ, ո՛վ կայ այդտեղ, դուռը բացէք, —գոռաց Հայթան:

—Նեմէհրէ՛մ*), պատասխանեց ներսից
լաւահառաչ մի կանացի ձայն:

—Էլի՛ֆ դ՞ո՞ւ ես, դուռը բաց արա, ա-
զանեակս:

—Նեմէհրէ՛մ, Ֆիրատ ջան, դու հիժա
օտար ես ինձ համար: Դուռն ամբողջած է
կրկին աղիւերով, դու չես կարող և՛ բռնու-
թեամբ բացանել... անբախտ սիրելիս, դու
ի՛մ տան մէջ հիւր ես այս գիշեր, անկողինդ
ի՛մ ձեռք պատրաստած եմ ընդունարանում՝
առիւծենուն վրայ: Չեմ մոռացած ընթրիք
և մաստիքս դնել այնտեղ, գնա, ննջիր հան-
գիստ...

Իսկոյն սթափւեցաւ Ֆիրատ, մագերը
քստմնեցան, սառնութիւնը գանգից մինչև
ոտները սահեց, դողաց բոլոր մարմնով: Գի-
տակցաբար ըմբռնեց թէ ինչո՞ւմն է հարցը,
ձեռով զարկեց իր ձակատին և գլորեցաւ
դրան առաջ հեծեծալով, զղջալով իր անմիտ
անխոհեմութեան վրայ: Աչքին առաջ պատ-
կերացաւ զգուլի ապագան, թէ և ահիւ ուզում

*) Նշանակում է օտար աչքերից ծածկւած.
տղամարդն իրաւունք չունի օտար կնոջ երես տես-
նելու... նա (կինը) ծածկւում է քողով և խօսում
անհրաժեշտ դէպքում:

էր իր մտքից վանել, հեռացնել: Չըկարողա-
ցաւ ինքզինք զսպել: Լացեց:

—Դու լաց ես լինում, սիրական,—
լուեցաւ կարեկից ձայնը...

—Էլի՛ֆ, մեռնում եմ... առանց քեզ
չեմ ննջում...

—Ինձ կրօնը խլեց քո գրկից, Ֆիրատ
ջան, դու յաւէտ տեսնելու չես:

—Էլի՛ֆ, եկ, այստեղ եկ, վերջին ան-
գամ գրկեմ քեզ... վերջին համբոյրը
տամ քեզ, յետոյ սուրը ցցեմ իմ դաւաձան
կրծքիս մէջ, սհ... էլի՛ֆ անգուլթ ես դու,
անգուլթ և անօրէն...

—Ֆիրատ... չեմ կարող դալ, չեմ կա-
րող համբուրել քեզ: Մեզ անջրպետողը պատ
չէ, երկաթէ դուռ չէ, այլ դուրանը, ես այ-
սուհետե ոչ ոքի կինը չեմ և լինելու էլ չեմ...
ես Հայթա—Ֆիրատ փաշայի այրին եմ, սի-
րելիս. այրի... այո՛, դեռ օրեր չըտեսած
պիտի իջնեմ գերեզման... Ֆիրատ, չըկար-
ծես թէ ես հիւլ-ուլա յանձն կառնեմ, կրմեռ-
նիմ... Քեզ համար չէ ապրում քո նազելի
էլի՛ֆը, նա մեռնում է և չէ տեսնում ինք-
զինքն օտար տղամարդի գրկին մէջ... նա կը-
մեռնի իր սիրոյ յիշատակներով յափշտակւած:

— Էլիֆ, մեղք եմ ես, բայց ասում եմ...
այրեցիր ինձ...

— Ես մեղք չէի, անօրէն, որ դու դա-
ւածանեցիր սիրոյդ, ինչո՞ւ շառթ արիր և
ինչո՞ւ արբեցար: Եթէ շառթ պիտի անէիր,
արիր, էլ չ'արբենայիր, երբ արբեցար՝ նշա-
նակում է ինձ չես սիրում, ինձ ասում ես,
ուզում ես ուրիշն առնել... Ես՝ նորից քեզ
սիրելով խօսում եմ հետդ, հիւրընկալում եմ
քեզ իմ տան ընդունարանում, պառկիր
այդտեղ, առաւօտեան Ալլահը քեզ հետ, մեր
մէջ վերջացած է ամեն ինչ...

— Ի՞նչպէս թէ վերջացած է...

— Ես չեմ խայտառակելի:

— Ես էլ չեմ ցանկանալ:

— Երբ չենք ցանկանում խայտառակու-
թիւն, վերջացած է: Դուրանի օրէնքով պէտք
է ես ամուսնանամ ուրիշի հետ, մնամ զոնէ
մի օր. դու կծկւած իմ մահճակալի տակ
ունկնդրես խայտառակ տրփանաց բերկրան-
քը: Խայտառակելուց յետոյ, դրամ տալով
լկողին՝ իբր նւէր խնդրես քո կիներ, այն էլ
եթէ բարեհաճի թողնելու, եթէ ոչ պիտի
պահէ ըստ օրէնի: Սա է միակ գարշելի մի-
ջոցը մեր կրկին ամուսնութեան, ուրիշ մի-
ջոց չըկայ, ամուսնալուծերի մէջ բացւում

է վիհ, նրա յատակն է դուրանն իր բովան-
դակութիւններով: Արդ՝ սիրելիս, ես յանձն
չեմ առնում այդ աստիճան գծուծ խայտա-
ռակութիւն, կըզոհեմ կեանքս, բայց՝ ոչ պա-
տիւս: Ո՛հ, եթէ. ս. Մարգարէն մի վայրկեան
կնոջ դերն երևակայէր, գուցէ այդ օրէնքը
չըզնէր, չէ՞ որ նա, կիներ շփոթում է անա-
սունների հետ ասելով՝ կիցն իսլամին գոր-
ծիքն է, իսլամ չէ կիցը... Ի՞նչ եմ երկա-
րում, դու այս երեկոյ մի պատահական հիւր
ես: Ննջիր վերջին անգամ՝ ննջիր իմ պատ-
րաստած անկողնում, առաւօտուն Ալլահը
հետդ...

— Ի՞նչ ես ասում, էլիֆ:

— Բոլորն ասացի:

— Ես կըմեռնեմ քեզ հետ...

— Երբ այդպէս է, եթէ քաջ ես, սպա-
նիր Զիային, որ դաւով քեզ շառթ անել
ուեց, որ այս երեկոյ իսկ յանդգնեցաւ ինձ
մօտ կնամարդիկ ուղարկելով ուխտազրը-
ժութիւնդ ծանուցանել և իմ ձեռը խնդրել...
Զիան վերջացնելուց յետոյ, կըգաս՝ կըթա-
ղես քո պաշտած էլիֆի մարմինը:

— Էլիֆ, աղերսում եմ, դուռը բաց,
միասին ապրենք, միասին մեռնենք, ես չեմ
կարող առանց քեզ մնալ:

— Մի՞թէ ես կապրեմ՝ իմ ողբացեալ սէզ առիւծ, մի՞թէ ես պիտի ննջեմ... Ինչ ոչ, Ֆիրատ, իմ ձեռք մեր դազաղը պիտի յարդարեմ, պատանքներ ու ճերմակեղէն կարեմ, եթէ քո սէրը ճշմարիտ է, առաւօտուն Զիւն կըսպանես՝ կըգաս տուն: Սպասուհին քեզ ցոյց կըտայ ապարանքին ներքնատան գաղտնի մուտքը, դու այնտեղ յաւիտենից քնով ինձ պառկած կըտեսնես: Կանեսս գլխիս վերեւի փոքրիկ սրահը, կըթափես նրա սէջ պարունակած կարմիր հեղուկը միւս շին մէջ, որ մաստիքայով լիքն է լինելու, կըխմես, կըհագնես մաքուր ճերմակեղէնն ու կը մտնես իմ ծոցը...

Ֆիրատ ոչ մի բառ չէր գտնում պատասխանելու, ծնրաղբած լաց էր լինում, որի հեծեծանքին խառնուում էր քնքուշ էլիֆի տխրանուշ ողբը...

Թող սարիկը ոսկեձեղուն պալատիս մէջ բոյն դնէ,
Իր գեղեցիկ ձաղուկները սիրատարփիկ մեծացնէ:

Թող պալատիս ամուր պարիսպը ընկնին երկիր,
կործանին,

Կոտրած սիւներ, խարխուլ պատեր մեզ մահարձան

Թող լինին.

Թող զան սիրող ամուսիններ աւերակներ դիտելու,
Կամ հովատուն պարտիզիս մէջ իրանց սէրը երգելու:
Թող լուսինը արծաթափայլ շրջի կապոյտ երկնքում,
Թող սոխակը ձայն արձակէ քնած վարդի թիւերում...



Ն ու Ր ք ղ Ե Ը խ

Մի սիրուն, անամպ, զովագին և ախորժելի առաւօտ էր:

— Ե՛-ժ-լ, Ֆէր—մէն, — վանկերն երկարելով գոռում էր մի խափշիկ ձիաւոր՝ արշաւասոյր քշելով դէպի սէրայ: Ահաբեկ խուժանը բաց էր անում ուղի, լճանում կըրպակների առաջ, կամ խոռոչացած անկիւններում: Ահա քիչ յետոյ երևում է և՛ մի ուրիշը, նոյնպէս գոռում է խլացուցիչ ձայնով.

— Ե՛-ժ-լ, Ֆէր—մէն:

Նրա ետևից քսան ու հնգի չափ այրուծի ենիչերիններ համակ զինավառ, ձիերի գլուխները թողած սլանում են առաջ: Կենդանիների ոտնատրոփը, փոշին, պայտերից հոսող կայծերի վտակները միախառնւած՝ մի մրրկալից ամպիկ էին ձևանում, նայողի աչքերը խողում երկիւղալի վսեմութեամբ:

Նրանց մէջ աչքի էր ընկնում մի հպարտ երիչերու հազարապետ, ճակատին կանաչ բօղով դեղին մագաղաթի քառածալ թերթը կապած, որի բաց մնացած մասում երևում էր կարմիր, ոսկեգօծ մահիկն և օսմանեան թուղրան (դրոշմ):

—Սուլթանից ֆէրմէն եկաւ,— շնչաց
ամբոխը:

—Տեսնենք այսօր կամ վաղն՝ որ փա-
շայի գլուխը կերթայ... Սային նոյն յաղթա-
կան գնացքով, գոռալով մտաւ սարայ: Իս-
կոյն պաշտօնակարներ, փաշաներ, պէյեր,
աղաներ խոնկեցան սէրայի բակը. նոյնպէս
Զիան, երեսի գոյնը նետած, եկաւ, կանգ-
նեցաւ փաշաների շարքում: Թղթաբեր ենի-
չերին խորին յարգանօք մօտեցաւ Քէօփրիւ-
լու օղլի Ապտուլլահ փաշային, ծնրադրեց,
քղանցն համբուրելով՝ ասաց.

—Աշխարհի տէր, թագաւորներից յաղ-
թական, վեհափառ սուլթան Մահմուտը՝ ձեր
վսեմութեան շնորհում է սէրաւէրի աստի-
ճան և կարգում լիազօր բղեշխ Անասօլի,
ձեր իմաստուն կարգադրութեան յանձնում
45 մեծ. հարիւրաւոր մանր քաղաքներ,
աւաններ, հազարաւոր գիւղեր, որոց իշխող
կուսակարներն ու իշխանները պիտի ակնա-
ծութեամբ երկրպագեն ձեզ...

Ապտուլլահ փաշա զօղբողալով քակեց ֆէր-
մէնն երիչերու ճակատից, երկիւղով համբու-
րեց թուղթը, գրեց ճակատին: Մինչ նրա թիկ-
նապահներն՝ ուրախութեամբ արբշխու, քսակ-
ներով հարստացնում էին թղթաբեր սպային:

—Քառասուն օր է,— պատմում էր ե-
նիչերին.— բնաւ չեմ հանգստացած, ֆէր-
մէնը գլխիս ննջում էի անկիւնում կուչ ե-
կած, վերջապէս. ազատեցայ իմ նւիրական
բեռից:

—Քաջին խէլէթ տւէք,— հրամայեց Ապ-
տուլլահ իր թիկնապահներին դառնալով:

Զիա փաշա կապարի գոյն առած՝ ար-
ձանացաւ: Բազմութիւնն հետզհետէ լցւե-
ցաւ սարայի բակը, որ մի ընդարձակ հրա-
պարակ էր, խորին հետաքրքրութեամբ սպա-
սում էր Ֆէրմէնի կարգացւելուն: Ապտուլ-
լահ սէրապէր բարձրացաւ վեր, մտաւ բը-
ղեշխի սենեակն՝ ասելով իր զինակիրներին.

—Աչքից չըհեռացնէք Զիա փաշան և
մեծ-դատին:

Ակնթարթի մէջ այդ երկու մեծ ան-
ձինքն էլ ձերբակալեցան քաղաքավարի կեր-
պով: Լուր ուղարկեցաւ ազգերի հոգևորա-
կաններին: Ահա թուրք թափանք, յոյն եպիս-
կոպոսն իր կղերականներով, հայ արքեպիս-
կոպոսն իր վարդապետներով, քահանանե-
րով, հրէա բարձունին իր խախամներով, իւ-
րաքանչիւրն իրանց եկեղեցական սպասով,
գրաւեցին ընդարձակ հրապարակի գանա-
զան կէտերը: Կատարեցաւ բարեմաղթու-

թիւն, ապա իւրաքանչիւր կրօնի ներկայացուցիչ հրաւիրւեցաւ նոր բզեշխի ժօտ կանգնելու: Մի գրավարժ ծեր իւլէմ, յարգանօք համբուրելով ստացաւ նոր բզեշխի ձեռից ֆէրմէնը, կարգաց կոկորդային և բարձր ձայնով:

Սուլթանն Ապտուլլահին կարգած էր սէրանքէր և բզեշխ Անատօլի բոլոր վիլայէթներին, նրան արևած էր անսահման կայսերակերպ դատելու իրաւունք:

Ճէրմէնի ընթերցումից յետոյ, բոլոր մեծամեծները շնորհաւորութեան կրփութային, սովորական յարգանքն ընդունելով դուրս էին գնում յաջորդներին տեղի տալու: Հոսկ ուրեմն ներկայացաւ նախկին բզեշխ Զիա-փաշա, թէև ակամայ, սակայն ստիպւած գտն ու գլարթ երեւելու, մի դառն ժպիտ ոսկրուտ երեսին՝ շնորհաւորեց Ապտուլլահ Գէօփրիլու օղլու իշխանութիւնը, որից ինքը տարաբախտ ասուպի պէս քիչ փայլելով գլորւած էր:

Վերջապէս՝ սովորական յարգանքից յետոյ պահանջեց հաշիւ. Զիա պարտաւորւած ներկայացուց և ամեն գործ յանձնեց նրան:

— Զիա, — ասաց սէրապէրը ծանր կերպով, — հիմա հերթն իմս է շառթն իրա-

գործելու և ես՝ ըստ օրէնքի պարտաւոր եմ...

— Ձեմ ըմբռնում ձեր վսեմութեան միտքը:

— Շատ վեկին է և որոշ, դու՛ դաւադրութեամբ, ծուռ բերան դատին կաշառելով, շառթ անել տւիր վսեմ. Հայթա—Ֆիրատ փաշային և անսամթաբար երէկ երեկոյեան կիներ ուղարկելով էլիֆի ձեռը խընդրեցիր: Ստոյգ չէ՛, կարո՞ղ ես ուրանալ...

Զիա լուռ էր, չէր համարձակուած դրական կամ ժխտական պատասխան տալու, երկնչում էր վրիժառու մակեդոնացին զըդուելուց:

— Լուերն ստուգել է, Զիա, ես առանց կաշառի շառթ եմ արել քեզ և քո դատուն այսօր կախել տալու, շառթը չըյարգեմ...

— Անպատճառ պիտի յարգես, — ասաց Ֆիրատ դռնից ներս մտնելով, — պէտք է կատարելի շառթը, մենք արգէն կամարած ենք, մնում ես դու, իմս Ապտուլլահ:

Գունատած էր Հայթայի գեղանի դէմքը, կապոյտ ծիրով շրջապատւած աչերի աղբիւրակներն և ուռած կոպերը, պարզ նշանակ նրա չըքնելուն, արտասուելով գիշերն ի լոյս տառապելուն: Նրա գէմքի վրայ չըկար ուրախութեան նշոյլ, տրամութեամբ պաշարւած էր նա:

Հայթան շնորհաւորեց իր կուսակցին յաղթանակը, չիպուզն առնելով անցաւ մի անկիւն: Զիա կանգնած էր դողահար: Ապտուլլահ հրամայեց ֆէրաէ—չաւուշին.

—Կանչեցէք մեծ-դատուն:

Շատ չանցաւ, գուշիկ բերան սրբութիւնն էլ ներս մտաւ:

—Ղատի էֆէնտի,—հարցուց բղեշխը, շառթն յարդել պէտք է:

—Անշնչո, — մրմռաց նա Հայթային նայելով, կարծելով թէ նրա գործին համար է խօսքը, — դուրանի խօսքերը պիտի կատարւին, գանցառուն մահմէդական չէ...

—Շատ լաւ, շառթ եմ արել քեզ կախել տալու, որպէս երէկ ասացի, բայց այս բոպէիս խողի պէս մորթել կըտամ՝ եթէ ուղիղը չըխօսես:

—Ի՞նչ չըխօսիմ,—կմկմաց նա, ծուռ բերանն ածիւ մի կողմ շրջելով:

—Ո՞վ թելադրեց քեզ վսեմ. Ֆիրատ փաշային գինով ժամանակ շառթ անել տալ, նրա երջանկութիւնը խաւարել:

Ղատին ահաբեկ Զիային նայեց. կարգալով նոր բղեշխի դէմքին վրայ հաստաութիւն, մրմռաց.

—Ինձ Զիան թելադրեց, մի քսակ էլ

ոսկի տւեց, իբրև թէ՛ էլիֆ հանրմն էր ուղարկած...

—էլիֆ հանրմն էր ուղարկէ՞լ, —հարցուց Ֆիրատ յօնքը պոստելով.

—Ինձ այդպէս ասաց...

—Ա՛հ, դաւաճան...

—Ստոյգ է, —հարցուց Ապտուլլահ Զիայից, —էլիֆ հանրմ քեզ փող ուղարկած էր...

—Ո՛չ, —մրմռաց նա ողբազին, ես մեղաւոր եմ... ձեր բարձրութեան օճաղն եմ ընկել (ծայրագոյն աղերս). —Կերկեր ձայնով, լացախառն, ծնրադրած աղերսեց Զիա, — ես մեղաւոր եմ... դաւաճանեցի, վատութիւն արի...

—Գրեցէք դրա խոստովանութիւնը, —հրամայեց խոտասիրտ բղեշխը դատուն դառնալով, —աւելացուցէք և ձեր ցուցմունքն ամենայն հաւատարմութեամբ, կնքեցէք, յետոյ կըլտէք մեր առաջին արդար վճիռը:

Ղատին գրեց: Նախ՝ ամբաստանեալն, յետոյ ինքը կնքեցին:

—Ղաւազներ, — հրամայեց Ապտուլլահ գինակիրներին, —տարէք սրանց մահապարտների բանտը...

Զիան ու զատին ի միասին տարւեցան, խսկոյն ևեթ նրանց ինչն և ստացւածքն յարքունիս գրաւեցան:

— Առաջին դատաստանս է այս, Ֆիրատ ջան, հաւանեցա՞ր:

— Ես այդ արդէն պիտի ինդրէի, սիրելիս...

— Ի՞նչ գիշերն անքո՞նն ես եղել...

— Այո՛, էլի՞Ք նեմէհրէ՛մ պահեց...

— Ա՛ն կրօնամոլութիւնս...

— Ինչ հաշու՞մ ես հաշւիր, Ապտուլլան, իմ ընտանեկան երջանկութիւնս մեռած է, գուցէ վաղն էլ ինձ չըտեսնես... այսօր կը յանձնեմ քեզ իմ կտակը...

— Յիմար յիմար ի՛նչ ես խօսում:

— Յիմարաբար չե՛մ խօսում՝ ընկեր, էլի՞Ք յանձն չի առնիր խայտառակել, ես էլ չեմ կամենում. մի՞թէ ինձ պէս խրոխտ, անլանի գինւորականը կընւաստանայ իր սիրական կինը մի սիլնքորի հետ մեկուսացնելու, նրա մահճին տակ կու՞ճ գալու, գրկախառնութիւն, ամեն զագիր խայտառակութիւն լսելու, աչքով տեսնելու չափ իր պատւին շօշափումը...

Մի ժամից աւելի համոզել ջանաց սէրաւքերը Ֆիրատին, անօգուտ եղաւ, հաստատ որոշած էր նա ամեն բան: Յետոյ Ապտուլլան ուզեց լսել թէ ո՞ւր, ե՞րբ, ի՛նչ միջոցաւ վերջ պիտի տայ բարեկամն իր կեանքին:

Անհնարին եղաւ և այդ մասին իմանալ:

— Բայց՝ նախքան հրածեշտ տալս, Ապտուլլան, — ասաց Ֆիրատ, — ուզում եմ քեզ յանձնարարել իմ մի բարեկամս, որ սպասում է ներկայանալու կարգին. դա հայոց արքեպիսկոպոսն է, մի շատ ազնիւ, լուրջ և բանազէտ ծերունի...

— Քո բարեկամն իմ բարեկամն է՝ Ֆիրատ ջան, — ծառաներին ձայնելով, — ներս հրաւիրեցէք հայոց գերապատիւ առաջնորդին, թո՛ղ չըսպասէ նորին սրբութիւնը...

Իսկոյն ներս մտաւ բարձրահասակ ծերունին սև վեղարը մինչև յօնքը վար քաշած, ակնածութեամբ մօտեցաւ բզեշխի քղանցին քեմէլլէն (երկրպագել) անելու:

Ապտուլլան ընդոստ ոտքի ելաւ, բռնեց նրա ձեռից, իր կշտին նստեցուց, տխուր ժպիտը դէմքին՝ ասաց.

— Բարի է ձեր սրբութեան գալուստը, հայր, ես ինձ չեմ ների, որ դուք երկրպագէք քղանցիս, Ալլահն երկնքում կը բարկանայ, եթէ ձեզ պէս ծերունի բախչներ (վարդապետ) երկրպագեն մեզ...

— Ասուած օրհնէ ձեր վսեմութեան արևը, — քովնտի Ֆիրատին գննելով՝ թոթովեց

ձերունին, — շնորհակալ եմ ձեր ընծայած բարձր համակրութեան համար...

— Շնորհակալ է մեր կայսրութիւնը ձեր չարքաշ, բարի ազգից: Իսկ ես ի մամուլուրի պարտք ունիմ այսուհետեւ ձեզ և ձեր ազգը հովանաւորելու ըստ ցանկութեան և անդառնալի յանձնարարութեան իմ վսեմ. բարեկամ Ֆիրատ փաշայի, խնամել ձեզ նրա հայեացքով:

Սրբազանը բերկրութեամբ նայեց իր սանին, զսպւած ժպիտով և գոհունակութեամբ պատասխանեց.

— Ասուածային հովանին ծածկէ երկուքին յաւէտ:

Բղեշխը հրամայեց խիլայէդ կամ խէլէր (վերարկու) տալ հայոց ըայպին: Սիմէօն սրբազան կանաչ վերարկուով, որ սիայն շէյխերին, դատիներին է յատուկ, կարմիր կօշիկներով, սև մետաքսեղէն, երկու վերշոկ լայնութեամբ ոսկէթել շղարշ պատատած վեղարին շուրջ, ի մեծ գոհունակութիւն իր տառապած, չարչարւած գաւազներին, օրհներով իր Զօրայի արևը, վերագարձաւ առաջնորդարան:

Սրբազանն արդէն առանձնանալ էր ուզում, երբ ծանուցեցաւ Ֆիրատ փաշայի

գալուստը: Այս անգամ առաջնորդը չըզիմաւորեց նրան, կարծես մի հասարակ մարդ լինէր եկողը, միայն իր փոխանորդին հրամայեց սովորական շուքով ընդունել նրան: Սրբազանի այս արարքը վերագրում էին այն խոր բարեկամութեան՝ որ փաշան ու նա անուցանում էին իրանց մէջ, վասնորոյ այդ մեծ շնորհ էին համարում: Մանաւանդ երբ առաջնորդից լսեցին նոր բղեշխի խօսքերը, խէլէթ ընծայելը, խիստ մեծ վարկ ստացաւ Ֆիրատ հայոց մէջ, ժողովրդի սիրելին դարձաւ նա. այս շշունջն անցաւ նրա շարքերով՝ ինչպէս քամին անցնում է անտառի ծառերն օրօրելով: Շրջան առան պատմութիւններ Ֆիրատի մասին:

— Գիտե՞ս, սանահայր այդ փաշան հայի որդի է:

— Կնքանայր, ասում են հազորդւում է... — Մեր բարերարն է, աղքատներին այս ձմեռ, սարաֆ Յակոբ աղայի միջոցով, 40,000 դուրուշ նւիրողն է այդ ազնիւ Հայթան: — Այսպիսի խօսքեր շրջելով հայոց բոլոր խաւերում, ուրախութեամբ էին համակում նահատակ ազգի հոգին:

Սիմէօն սրբազան տեղից իսկ չըշարժեցաւ Հայթային ներս մտած ժամանակ.

ընդհակառակը Ֆիրատ ակնածութեամբ համբուրեց նրա աջը, որին պատասխանեց բաբունին աննենդ ժպիտով.

— Աստուած պահապան, արժանի որդեակ իմ, շատ դո՛ւ եմ...

— Օրհնեցէք՝ սրբազան, — պատասխանեց նա հայերէն լեզուով, գուցէ ձեր ս. օրհնութեամբ քաւուում են յանցանքս...

— Տիրոջ օրհնութիւնն անպակաս քո գլխից, Զօրա ջան:

Պէտք է յիշել, որ նրանք միայն էին ինչպէս միշտ, նոյնպէս այսօր, սուրճ և այլն ընդունելուց յետոյ.

— Հայր իմ, — ասաց Ֆիրատ, — այսօր ձեր սրբազնութեան կը յանձնուեն երեք արկղ հարստութիւն, մեծապին զարդեր. ոսկէթել աղօթքի գորգեր (սետճիտէ), որ կարող են սուրբ եկեղեցւոյ սեղանները զարդարել: Նոյնպէս 30,000 ոսկի, որ մնում են Յակոբ աղայի մօտ. ահաւասիկ նրա մուրհակն և իմ կողմից գրւած ազդ, որ անյապաղ ձեզ վճարւի:

Հայթիան ծոցից հանեց մի կնքւած ծրար, ուսուցչին տալով ասաց.

— Սակայն՝ խնդրում եմ այսօր չրբանալ այս ծրարը, վաղն աղատ էք կարդալ և ըստ իմ ցանկութեան կարգադրել:

— Առատածեռն որդեակ, կարօտ ազգիդ անանկներն այսուհետև հաց պիտի ունենան:

— Թող ինձ օրհնեն, — հառաչելով պատասխանեց Ֆիրատ, — չեմ կարող խնդիրս վերակրկնել, — մրմնջեց նա լացակալած. — չեմ կարող յուսալ՝ որ ինձ արժանացնէք ս. հաղորդութեան իբրև օրինաւոր աւանդապահ նահատակ եկեղեցւոյ, չէք շեղուում նրա կանոններից... այո՛, այո, հայր իմ, — «մի արկանէք զմարդարիտս ձեր առաջի խոզանց, զի մի առտան կոխեսցին»... ես խոզ եմ, ես անարժան եմ, ես չեմ կարող հարստահարւած եղբայրներիս հետ մասնաւորել սուրբ Մարմնով և Արիւնով Փրկչին, քանի որ դաւաճանած եմ կրօնիս... պատած եմ գլուխս իսլամական ապարօշով, երկչոտութեամբ ծածկած եմ իսկութիւնս...

— Զօրա, — պատասխանեց խղճամիտ օրինապահն ոչ նւազ յուզումով, — ապաշխարանքդ բաւ կը համարէի, եթէ գնայիր օտար երկիր, ապրէիր իբրև հայ-քրիստոնեայ: Վարժապետդ կրներէ, ձեռնասուռնս, բայց անողոք է եպիսկոպոսն, — «որ ուրացի զիս առաջի մարդկան, ուրայց և ես գնմանէ առաջի հրեշտակայ հօրն իմոյ, որ յերկինս է»: Դու, Զօրա, պարտաւոր ես հրապարա-

կաւ խոստովանել քո դարձը, ոչ թէ ծածուկ... այն, սիրտս ճմլւում է, յուզւում եմ, քեզ համար կըսգամ: Եթէ լսես դու ինձ, կըզնասս ս. էջմիածին, ազգիս հոգևոր տիրոջ մօտ, կը տանես և իմ նամակը, սըրբազնակատար Հայրապետը կըկարգադրէ եկեղեցւոյ օրինաց հիման վրայ:

—Անհնարին է այլևս ս. էջմիածին երթալ, կեանքիս օրերը հաշւած են արդէն, վաղն էլ ինձ տեսնելու չէք...

Ֆիրատ մանրամասն պատմեց բոլոր եղելութիւնները:

Այլայլեցաւ գորովագութ ուսուցիչն իր թշուառ աշակերտի վրայ, նրա ձեռք բռնելով, արտասուելով. — Զօրն, — ասաց, — Զօրն, հեռացիր այդ ցնորական, դիւային որոշմունքից, ո՛հ, որդեակ իմ, մի մատնիր հոգիդ գեհենին, գուցէ իսլամական քօղի տակ ապրելով, ապաշխարելովդ Աստուած քեզ ներէ, բայց՝ անձնասպանութիւն...

— Հաստատ որոշած է...

— Կորած էիր, սիրելիս, ինչո՞ւ կորած չըմնացիր, ինչո՞ւ աչքիս երևացիր և ինչո՞ւ կըհեռանաս յաւէտ... սիթէ քիչ էին ցաւերս... քո ցաւն էլ պիտի քաշեմ... Աղերսում եմ, զաւակս, հեռացիր այդ հոգէկո-

րուստ խորհրդից, խղճն ձերութեանս, բոսուզը խնայիր տալ քեզ ջերմ սիրող ծերունի ուսուցչիդ:

— Ամեն բան վերջացած է, հայր իմ, ես մեռնում եմ լիտի օրէնքի, մահմէդական զուրանի սրով...

Շատ թախանձեց հոգևոր ծնողն իր ձեռնասունին, լացեց, պաղատեց՝ անհնար եղաւ: Նոյնպէս Ֆիրատ լաց էր լինում: Ի վերջոյ համբուրելով սրբազանի ձեռքը, դուրս ելաւ:

— Ուստա Սիմօն, — ասում էր խոսորջրցի ուստա Կարօն իր արհեստակցին ժպտալով, — հալա հաց կեփիս...

— Էն ի՞նչ տանինք, գոյժեյնիս ի՞նչ...

— Ծօ ախպար, իզանես (այս կողմերը) մայդ (մարդ) մնաց ոնչ, քուլլի Թաւրիզ գուռ վագած ունենան, մինձ-սրչւոյը (պոչւոր, Զիան), մեմալ շնքէյան մինձ-գունար (զատին) տի կախեն: Բեհ՝ ախպար, գործիդ թո՛ղ, էկու էյթանք էնչազ սէյր անինք...

Արդարև բազմութիւնը դիմում էր Թաւրիզի գուռ, լճանում էր մեծ հրապարակում: Ենիչերի գունդը շրջապատած էր մէյդանը, տապարաւոր հայթաները թևերը վեր սոթթած շրջում էին հպարտ՝ կերպով, որոց մէջ տեղ

ցցւած էր կախաղանը՝ ժողովրդից բարձր բռնած իր մահահոտ ճակատը: Նրա մօտ կանգնած էր մի հացագործ խոտորջրցի, ձեռները ծոցը դրած, ծուղակն ընկած վայրենի բազրի պէս քովնտի շուրջը նայելով: Խղճալին ակամայ պիտի կատարէր դահճի ահռելի պաշտօնը, որովհետև հացագործ գոլով, մարդու և շան միշտ հաց տալով, ըստ շէրիէթի տրամադրութեան, պիտի արդարանար, եթէ խեղդւողներն յանցաւոր չըլինէին...

Քիչ յետոյ շուկայի ծայրից դուրս եկաւ մի այլանդակ թափոր: Մի քանի շաբբ դաւուլ, գուռնա զանազան եղանակներ սուլելով, մի տեսակ դարշելի նւագով դրդուում էին ողջ քաղաքը, նրանց ետևից տապարակիր հայթաներ, սուսերամերկ ենիչերիններ՝ մահապարտներին շրջապատած, կառափնատեղին էին բերում: Կապւած էին Ձիան և ծուռ բերան սրբութիւնն իրար թև թևի, միշտ գետնին նայելով, գուռնատած, կթոտ քայլերով՝ ակամայ հետևելով դօրքին:

— Դաւաճանութիւն գործողի պատիժն այս է, կանչում էր ձայնեղ մունետիկը, ով որ կրօնի, շառթի անուճով խարդախութիւն գործէ, խոտորջրցի գեաւուրի ձեռք կրկախի կամ սպանդարի դանակով խոզի նման կըմորթուուի...

Երբ մահապարտները պատժավայրն հասան, ձիով եկաւ Ֆիրատ փաշա: Նրա գունաթափ դէմքի վրայ միայն աչքերը վառուում էին անյագ վրիժառութեան տենչով: Ձիուց վար թռաւ, Ձիայի օձիքից քարշ տւեց դէպի կախաղանը՝

— Ես էլ, Ձիան, — ասելով, — շառթ եմ արել կրկին քեզ կախել տալու, — դառնալով հացագործ կաթողիկին, որ երկիւղից ձեռներն էր տրորում, — էլ ի՞նչ ես սպասում, վարպետ, կախիր նախ և առաջ այս շունը:

— Վոյման անիմ, Յիսուս Մայիամ, — մըթմըթաց երկչոտ հացագործը՝ յատուկ իր լեզուով, — թէ որ ասանկ էլթան, հըլը մինք շատ մարդ կոյսնցնուը...

Հայթա-Ֆիրատ չըկարողացաւ սի դառն ծիծաղ գւպել:

— Կախիր, վարպետ, յետոյ կըկարդամ քո ողբը:

Խոտորջրցին դողդողալով սկսեց մօտենալ Ձիային, Ֆիրատ հրելով հանեց նրան աթոռին, յետոյ՝ սապոնած թոկն անցուց վիզը, մի խոր հառաչով նայեց մահապարտի երեսին.

— Հիմա եղան, — հարցուց և խոտորջրցուն հրամայեց, — վեր առ աթոռը, թող վերջանայ սրա կեանքը:

Իսկոյն գլորեցաւ աթորը, Չիա ճօճեց
օղի մէջ... Յնցւեցաւ նախ սւժգին, ապա
տարուբերեցաւ ինքնին հողմավար տերեխ
պէս սարսուելով: Իսկոյն կապարի գոյն ստա-
ցաւ նիհար դէմքը, լեցւեցան, անյայտացան
խորշոմներն ու խոր ակօսները. աչքերը, լե-
զուն դուրս ընկան, սև արիւնը ժայթքեց
անգերից, աչաց աղբերակներից: Նոյնպէս և
կախւեցաւ դատին աչքով իր դաւակցին
մահը տեսնելուց յետոյ:

Իչ-դալէից (միջնաբերդ) արձակւեցաւ
թնդանօթը, ծանուցանելու երկրին անա-
ռակների մահը:

Հայթա—Ֆիրատ ձին աշտանակեց ու
սլացաւ դէպի իր ապարանքը: Ընդունարան
մտած ժամանակ, կանանոց տանող դրան
ետեից լուեցաւ էլիֆի տխրագին ձանը:

— Ո՞վ է...

— Ես եմ...

— Այդ դ՞ու ես՝ Ֆիրատ ջան...

— Այո, նազելիս, ես եմ: Նրանք վեր-
ջացան: Հերթը մերն է:

— Այդտեղ, սեղանի վրայ, դրւած են
նախաճաշ, արագ, և այլն, կեր. խմիր, յետոյ՝
սպասուհուն առաջնորդութեամբ, իջիր ներ-
քնատուն, ինձ այնտեղ պիտի գտնես...

ԺԱ.

Մանւան տապաս

Դեռ նրանք վերջացուցել չէին իրանց խօ-
սակցութիւնն՝ երբ ներս մտաւ Ֆիրատի
թիկնապահներից մինը...

— Էֆէնտիմ, — ասաց նա, — հայոց ա-
ռաջնորդը ձեր վսեմութեան մօտ է ուղար-
կել մի կոյր երգիչ...

— Ո՞ւր է, — հարցուց Ֆիրատ այլայլով,
իր կուրացած հայրն յիշելով, — ներս հրա-
ւիրէ...

Թիկնապահը դուրս ելաւ, քիչ յետոյ
ձեռից բռնած ներս բերեց մի կոյր աղւոր:
Նորեկը ծեր էր և երկու աչքով կոյր, հա-
զուսար ցնցոտիներ, մի ձեռին գաւազան,
միւսում սազ:

— Ինձ նորին վսեմութեան մօտ տար,
— խնդրեց կոյրը թիկնապահից, — պիտի եր-
կրպագեմ...

— Ո՞չ, ծերունի հայր, — ասաց Ֆիրատ
ինքն ընդ առաջ երթալով, նրա ձեռից բռ-
նած իր մօտ բերելով, — նստիր ինձ մօտ և
երգիր, բայց՝ այսօր ես տխուր երգեր եմ
ուգում:

— Իմ երգերն արդէն տխուր են, վսե-

մաքայլ էֆէնտիմ,—հառաչելով պատասխանեց երգչիչը,—նրանց մէջ չըկայ միւրթաբուծեան յենակէտ, ես երգում եմ սուգ, երգում եմ վիշտ ու ցաւ. սճ, ես ողբում եմ կորած որդուս արևը:

Սարսուեցաւ Ֆիրատ, սարսափով նայեց ծերունու դէմքին, անծանօթ չէր նա...

Կարծես յանկարծ գլխին կայծակ ընկաւ: Սիրան ուռաւ զահավէժ տրոփով: Ակնապիշ կոյրին էր նայում՝ արտօսւալի աչքերը չռած:

—Մեր սրբագան առաջնորդը,—շարունակեց ծերունին,—իր սպասաւորի ուղեկցութեամբ ցաւերի երգչիս ձեր վսեմութեան մօտն ուղարկեց,—գնահ,—ասաց,—գնահ Աշըգ —Զէմանի, վսեմափայլ Ֆիրատ փաշան պիտի ախորժի քո երգից, զողողջուն մտաներգ ճարտար կերպով սահեցնուր լարէ լար, երգիր քո երգը...

—Շնորհակալ եմ,—ատամների միջից պատասխանեց Ֆիրատ և թիկնապահին դառնալով,—դուրս կ'երթաս, ոչ ոքին ներս չես թողնիլ:

Նա խոր գլուխ տալով հեռացաւ, իսկ Հայթան ծերունու ձեռն իր ձեռաց մէջ առնելով, հարցուց.

—Ո՞ր երկրացի ես հայրիկ:

—Կ. Պոլսեցի եմ, էֆէնտիմ...

—Ֆիրատ,—լսեցաւ դրան ետևից: Փաշան մօտ գնաց:

—Ի՞նչ է, էլիֆ ջան,—հարցուց նա:

—Շատ չուշանաս...

—Սպասիր խնդրեմ, այդտեղ կ'աց, լսիր սրա տխուր երգերն, յետոյ կըզնաս՝ երբ որ ես ասեմ...

Ֆիրատ աշխատում էր բռնել, ծածկել իր արտասուքը, յուզւած չ'երևիլ ծերունուն մօտ: Ուստի սկսեց՝ նրան բաժին հանելով նախաճաշից, խօսիլ տարբեր նիւթերի վրայ: Չըմոռացաւ մատախբայով ոգևորել նրան և ինքը խմել սովորական չափից աւելի, նախաճաշել ախորժակով:

Ծերունին զարմանքով ընդունեց այս անակնկալ հիւրասիրութիւնը, ջերմ կերպով օրհնեց երիտասարդ փաշայի արևը:

Նախաճաշից յետոյ Հայթա—Ֆիրատ խնդրեց ծերունուց սագն ածել ու երգել: Նա նւագում էր հրաշալի կերպով՝ միայն տաճկական մելամաղձոտ, ողբօրօր եղանակներ: Արդարև տխուր էին նրա երգերն և ձայնը դուրեկան. Ֆիրատ այլևս չըզսպեց բռնավէժ արտասուքը, լաց էր լինում ան-

աղմուկ, որովհետև՝ այժմ հաստատապէս ճանաչած էր իր ալևոր և կոյր բանաստեղծ հօրը:

Ծերունին երգով պատմում էր իր Զօրա որդուն կորուստը, կնոջը կաթեւածահար մեռանելը, իր աչքերի կուրանալն արտասուելուց:

— Ո՛հ, իրաւի տխուր են քո երգերը՝ հայրիկ, — շնչեց Ֆիրատ մի մեծ բաժակ դատարկելով, — ես էլ լաց եղայ...

— Ոչնչով չեմ մխիթարւում, — պատասխանեց ծերունին հառաչելով, — իմ արևս է խաւարած...

— Լաւ, սրբազանը բան չ'ասաց որդուդ մասին:

— Որդուս մասին, — գոռաց ծերն ոտքի ելնելով ուժգնապէս, — որդիս ուր է... էֆէնտիմ...

— Որդուդ, Զօրայիդ մասին չըխօսեցա՞ւ՝ հարցնում եմ...

Շանթահարի պէս բերանը բաց, հիացած մնաց երգիչը, սաղն ընկաւ ձեռիցն ու խորտակւեցաւ, բայց նա յափշտակւած զմայլելի բերկրութեան և խոր տրտմութեան զգացմունքներից՝ չըլսեց անգամ իր նւագարանի փշրելը:

— Կենդանի՞ է Զօրաս, հուսկ ուրեմն հարցուց յուզւած:

— Սրբազանը չ'ասաց...

— Ո՛չ, ինձ ոչինչ չ'ասաց...

— Լաւ ուրեմն, ես հիմա քեզ մի նամակ կըրտամ, կըտանես սրբազանին, նա քեզ կըպատմէ ամեն ինչ...

Ֆիրատի սիրտն ուռած՝ տրոփում էր խիտ ուժգին: Գլխին մէջ կարծես անիւ էր շրջում, սրտին մէջ ատրաշէկ երկաթ ցըցւում, ձեռ ու ոտը դողդողում, կարօտ, կարեկցութիւն, մասնաւոր ուրախութիւն և խորին ցաւեր իրար խառնւում, մի հրեղէն զանգւած կազմում սրտին մէջ: Արիւնը գրլուխն էր խփած, փոքրացած էր բոլոր մարմնով: Հոգին անձուկ գտնելով իր մտեղէն սահմանը, պատուել, թռչել, ծերունուն փարել էր ուզում:

— Քո հայրդ է, անիրան, — ասում էր մի ներքին ձայն զանգակի պէս զօղանջելով, — համբուրի՛ր աջն և ամեն ինչ յայտնիր.

— Ո՛չ, — մտածում էր եղկելին, — միայն դու քեզ սպանիր, մի խաւարիր դառած հօրդ արևը... թող չըճանաչէ քեզ, կորուցած է, կորած թնդ գիտենայ, կամ՝ մահը լսէ սրբազանից...

Հայթա — Յիրատ ինքն իր բախտն էր անխժուժ:

Անցեալը պատկերացած էր աչքին առաջ, աղի լեզի յիշատակներ դարձ առած, կախած էին գլխի վերև, բայց՝ անողոքներկան, Աքիմիթեսեան երկաթէ ճանկի պէս կորզում էր մտաւոր ծովից իր անձն՝ իբր անկայան նաւակ, զարնելով ջախջախում մահմէզակական օրէնքի պղնձակուռ պարխսներին, ինք չըկար որդեսէր ծնողի համար: Նա կարո՞ղ էր այժմ իր մահով հօրը խորովել:

— Ես կեանք չունիմ, — մտածում էր նա, — ինչո՞ւ յուզեմ նրան, ինչո՞ւ անխոնհեմութեամբ հարց տւի...

Ծերունին ապշած էր, նա չէր հաւատում լսածին, չէր երեւակայում քսան տարուց ի վեր կորած իր որդին վերստին գրտնել. այդ յանկարծական մեծ աւետիքը խլեց նրանից ամեն խորհուրդ, ամեն վիշտ, անսահման բերկրանքով լցւած զգաց ինքզինքը... յանկարծ պատկերացաւ սքանչելագեղ նազելի որդին յիշողութեան բոցախուիւ խորերին մէջ, որի սոււերը կորած էր վշտերի հոտանքում, խաւարած էր սիրան իր աչքերին նման:

Չըհամարձակելով հարցեր տալ փաշային, անձնատուր եղաւ ներքին ոսկեզօծ երջանկութեան զգացման, բիւրաւոր նիրհած յոյսերին, որ սկսել էին ոտքի ելնել, ծածանիլ իմացական լայնածաւալ հորիզոնում:

Յիրատ երկար չըսպասեց, դողդողալով հանեց թուղթ ու գրիչ, արտասուելով գրեց հետևեալ երկտող նամակը.

«ՄՐԲԱԶԱՆ ՀԱՅՐ ԻՄ»

«Գիտե՛մ, դիմամբ ուղարկած էք ծերունի հօրս ինձ մօտ, որպէս զի յետ կանգնեմ իմ անդառնալի որոշումից. աւանդ, ծերացած, կուրացած որդեսէր հայրս մտհուսն սեմին վրայ ինձ պատահեցաւ: Չեմ կարող ապրել: Մեռնում եմ, բայց շիրիմս իսկ այսպտ պիտի մնայ, ինձ չըպիտի թաղեն իմամներ իրանց զգւելի աղօթքներով: Չեր խնամքին եմ յանձնում կուրացած ծերունուն, սփոփեցէք նրան աւետարանական խօսքերով, աւէք իմ փողերից՝ որչափ որ արժան կըվարկանէք: Որովհետև մեռնում եմ, չուզեցի նրան ճանաչումս տալ: Դուք իսկը կասէք նրան, կըյորգորէք անշուշտ թողնել թափառական կեանքը, և ապրել այն գուժարով, որ իր դժբախտ որդուց կըհասնի: Կար

ընդ եմ յուսալ ձեր հաճոյական ազօթքներու մ հոգիս յիշելներուդ մասին. ներելի չէ անձնասպան յուսահատին համար պատարագով ազօթել, որին ակնկալու մ է երբեմն ձեր սրբազնութեան սիրելի աշակերտը)...

Զօրս—Ֆիրս

Ի Կարին ՌՃԶԲ Թ.ին հայոց

Իսկ Փրկչի 1733 Թ. օգոստոսի 20,

—Ահա նամակը, հայրիկ,—ասաց Հայթան գիրն իր հօրը տալով,—կրտսնիս սրբազանին և կըղաղարիս որդիդ որոնելուց: Առ, այս էլ Զօրայիդ մատի մեծագին մատանին է, ան, քեզ լինի, պահիր յաւէտ իբրև յիշատակ...

Ֆիրատ նամակին հետ տւեց ծերին իր մատի ադամանդ մատանին. ծերունին յափշտակութեամբ ընդունեց, շրթներին տալու որդուն ձեռը:

—Ես պէտք է քո ձեռն համբուրեմ՝ հայրիկ,— ուժգնապէս ձեռն յետ քաշելով,— իսկ դու իմ ճակատը, իմ երեսն իբրև քո որդուն... Մատանին մատդ դիր, զգոյշ պահիր մեծ արժէք ունի:—Սրբազանը քեզ ամեն բան կասէ:

Ծերունին մեքենապէս փարեցաւ որ-

դուն պարանոցով, առանց գիտենալու թէ իրն է, իր որոնած Զօրան: Մօտաւոր տեսութեան յոյսը, անհամբերութիւնը կարծես խլել էին նրանից արամբանելու իրաւունքն ու կարողութիւնն՝ եթէ ոչ, պիտի հարցնէր՝ ինչո՞ւ համբուրում ես ձեռս, քեզ մօտ ի՞նչ է շինում որդուս մատանին կայն: Այլայլած, դողդողալով, առանց փշրած սաղն ամենլու, շիտկեցաւ դէպի դուռը՝ շնորհակալութիւն յայտնելն անգամ մոռացած: Հայթայի թիկնապահները տարան նրան Սիմէօն սրբազանի մօտ:

Հայթա — Ֆիրատ մի քանի բոպէ լաց էր լինում հեծեծալով:

— Ֆիրատ ջան, — լաւեցաւ դրան ետեից ձայնը, — այդ ծերն սով էր:

— Իմ հայրն էր, էլի՛ ֆ, որովհետև պիտի ննջենք յաւէտ, չուղեցի խեղճին աւելի ցաւ ազգել, ուղարկեցի Հայոց առաջնորդին մօտ, որ իմ վարժապետս է, թող նրանից լսէ ամեն բան:

— Ուրեմն դուն է՞լ հայ ես:

— Անշնչա... Իու մոռացած ես կրօնդ, իսկ ես պահում եմ...

— Ո՛հ ճակատագիր, երկուսս էլ հայորդի՞ ենք... երկուսս էլ քրիստոնէի դաւակներ,

ինչո՞ւ և ես քեզի չափ չըյարգէի այդ կրօնը, դաստիարակւած չըլինէի նրանով...

—է՛հ, ես քրիստոնէի վիժուկ եմ, էլի՛Ք, ամեն ինչ վերջացած է այժմ... մեզ սպասում է անկուշտ մահն իր բերանը բացած: Ես պատրաստ եմ արդէն... ննջարան չե՞ս գնում...

—Ահա գնում եմ, բայց՝ սպասիր մինչև էնի՞Քէն գայ:

Չայնը հեռացաւ, Ծիրատ պաշարւեցաւ սև մտածմունքներով. սարսափում էր նա: Նախ՝ կարծում կատակ, երազ, ապա սոսկալի իրականութեան վերահասու լինում: Նրա սիրտը նմանում էր ձմրան բքալից օրերի: Սև ամպեր կախւած, լեռ ու դաշտ ծրարած էին մէզով ու սառուցով, հնչում էր ցուրտ և կատաղի քամին դառն ծիծաղով մահերգ սուլելով: Նա աչքին առաջն էր բերում իր տխուր կեանքը, չէր գտնում ոչ մի գեղեցիկ, զւարթ օր: Մի առ մի քակում էր անցեալի շղթան, անմխիթար, քստմնելի, ցաւալի անցքեր ներկայացնում, որոց մէջ պահպան հրեշտակի պէս կանգնած էր իր պաշտած կինը, էլի՞Քր...

— Լա՛ւ է մեռնելն ապրելուց, — մրմնջեց նա զարհուրած. — կեանք չէր իմը, իսկ այ-

սուհետե՛ւ եթէ ապրէինք, թունաւոր օրեր պիտի պաշարէին սեզ, չքանար և այդ միակ սփոփանքը...

Մի շիշ ևս մաստիքայ պարպեց, սովորականի եռապատիկը խմեց, բայց մահւան ցուրտ արհաւիրքը չէր թողնում կարծես գինովնալու:

Քիչ յետոյ երևեցաւ սևեր հագւած էնի՞Քէ սպասուհին փակ դրան մէջ և հեծեծալով յայտնեց իր սերկայութիւնը: Ծիրատ տեսաւ նրան.

— Երթա՛նք, — հարցուց:

— Այո՛, — նշանացի և խոր հառաչանքով հասկացուց նա:

Հայթան ժպտալով հետևեցաւ աղախինին, բայց դառն էր և բռնազբօսկի այդ ժպիտը: Սպասուհին առաջնորդեց նրան գէպի էլի՞Քի մեծ պահարանը: Ծիրատ չըզիտէր իր տան գաղտնիքը: Այդ պահարանի ետին տախտակամածը մի գաղտնի դուռ էր, կողպւած անտեսանելի, ծածուկ փականքով, որ միայն գիտցողին էր յայտնի: Սպասուհին հրեց երևացող միակ բևեռի ծայրը գէպի ներս, բացւեցաւ իսկոյն մի խոր մթութեամբ ողողուն այրի պէս բան: Մոմի դըժգոյն լուսով ելան մի քանի սանդուղքներից,

ապա կանգնեցան մի երկաթէ դրան առաջ: Փիրատ յետ հրեց: Մի փառաւոր, լուսաւորւած դահլիճի մէջ գտաւ ինքզինք, որ ողորւած էր անուշահոտ բուրկէնների թրմրեցուցիչ բոյրերով:

Մտորերկրեայ դահլիճը լուսաւորւած էր երկու հաստ կերոններով, որ մարդաչափ աշտանակների ծայրին ձեռնաչափ բոցեր էին արձակում և լուսաւորում: Փիրատ աչքը շուրջ ածեց, իրանց ննջարանի բոլոր կանկարասին այնտեղ տեսաւ փոխադրւած: Փրոււած էր անկողինը գեղանկար մանճակալին վրայ, ուր պառկած էր էլիֆ:

Սպասուէին լալագին համբուրեց իր տիրոջ ձեռն և սահեցաւ մթութեան մէջ փրկուելով:

— Էլիֆէ, — ասաց Փիրատ դողդոջուն ձայնով, — մինչև մահդ կըմնաս պալատում, ամեն ժամանակ բուրկէն և խունկ կըբերես տիրոջդ ու տիրուհուդ:

Երկաթէ դուռը գոցուեցաւ դրսից:

Հայթան անդիմադրելի զգացումով մտեցաւ ամուսնին, համբուրեց ճակատը, բայց՝ էլիֆ լուռ էր: Մտածեց ձայնել նրան:

— Ո՛չ, — կանխեց ներքին ձայնը, — թող ննջէ, ինչո՞ւ տեսնես նրա մահը, վեր առ

սրւակը, խմիր և ննջիր սիրելոյդ հետ:

Տիկինն իր ասածին պէս մի սրւակ կարմիր հեղուկ և մի շիշ մաստիքայ դրած էր գլխին վերև՝ փղոսկր փոքրիկ եռոտանուն վրայ: Փիրատ սրւակը դատարկեց օղուն մէջ, ստացաւ մի տեսակ բոցափայլ ըմպելի, գրեց շրթունքին, իմի ումպ խմեց...

— Մա գուտ օղի է, — մտածեց նա և արագապէս հանւելով մտաւ անկողին, ձայնեց սիրելուն, հրէց դէս ու դէն, ձայն չրկար, թէև մարմինը տաք էր, բայց զգաց որ գաղարած է իր էլիֆի սիրտը տրոփելուց:

Փիրատ համբուրեց նրա շրթունքներից, երկու կաթիլ արտասուք սահեցան աչքերից, թեերին մէջ առաւ իր չքնաղ հուրի գլուխը, մտովի ասաց «Ընկալ քաղցրութեամբ» իր սիրած Նարեկացու հատածը:

— Չլինի՞ թէ սա թմրեցուցիչ էր, էլիֆ, ուզում էր իմ սէրը փորձել, հապա ինչո՞ւ ոչ մի ցաւ չեմ գգում... այն, նա փորձում է իմ սէրը... սա թմրեցուցիչ նիւթ էր... թմրում եմ... չեմ կարող ոտներս շարժել... անուշ քունը ծանրանում է արտևանունքիս վրայ... փափագում եմ ննջել... և ինչո՞ւ չեմ ննջում: Ո՛ւր է մահը... ո՞ւր է նրա դառ-



նութիւնը... էհ, սա մահ չէ... մի աննկարագրելի քաղցր քուն...

Հետզհետէ նւագում էր նրա շնչառութեան կանոնաւոր շունչը. մի քանի բուպէ յետոյ տիրեց խոր լուութիւն: Գոցւեցան Հայթա—Փիրատի աչքերը:

Ճարպեղէն մոմի աժգոյն փայլով երեւում էին այր ու կին իրար գրկած, ննջած: Բայց դանդիճն արդէն ողողւած էր մահւան արհաւիրքով:

Միայն մոմերը փայլում էին վազրի աչքերի սէս դուրանի զոհերին վերև:



ՀԵՂԻՆԱԿԻ ՏՊԱԳՐՈՒՄԾ ԵՐԿԵՐԸ

Կո

1. Բաղդի մեկ խաղ 4. Պօլիս գինն է 5 ղրշ.
2. Անգգամուռին 2 հատոր. իբրև թերթոն
հրատարակուած.
3. Խան-Միրան, (սպառուած) գինն է . . .
4. Լեօն-կայսր
5. Հարա-Ֆիրաս

Պատաս էն սպագրութեան համար

1. Ֆերիսե 4 հատոր. Տաճկահայերի կեանքից
2. Ծովանեն 2 հատոր » » »
3. Երանեակ, (պատմ. վէպ) » » »
4. Շահան-Չիկիս » » » »
5. Սալիւմ-Սալի » » » »
6. Սասուն նիւթեր նորագ. պատմ. համար.
«Մուրճ»-ից » » » »
7. Երգեր, պատմուածքներ՝ տպագրուած և անտպ.

Գինն է 35 ԿՈՊ.

ՀՀ Ազգային գրադարան



NL0361525

54329